

Հայկական գիտահետազոտական հանգույց
Armenian Research & Academic Repository



Սույն աշխատանքն արտոնագրված է «Մտեղծագործական համայնքներ
ոչ առևտրային իրավասություն 3.0» արտոնագրով

This work is licensed under a Creative Commons Attribution-NonCommercial
3.0 Unported (CC BY-NC 3.0) license.

Դու կարող ես.

պատճեննել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share – copy and redistribute the material in any medium or format

Adapt – remix, transform, and build upon the material

ԳԵՐ · ԼՈՒԴՈՎԻԿՈՍ ՇԻՒԼԵՐ

ՀԱՆԳԵՐՉԵԱԼԸ

ԵՒ

ԶԱՐՄԱՆԱԼԻ ԳԻՒՏԵՐԸ

ԹԱՐԳՄԱՆԵՑ ԻՏԱԼԱԿԱՆԵԿ Ի ՀԱՅ ԲԱՐԵԱՆ
ԵՕԹՆԵՐՈՐԴ ՏՊԱԳՐՈՒԹԵՆԵԿՆ

ՍԱՐԳԻՍ Վ. ՏԵՐ ԱԲՐԱՀԱՄԵԱՆ
ՇԻՐԱԿԱՑԻ



ՎԵՆԵՏԻԿ - Ա. ՂԱԶԱՐ

1926

ՀԱՆԴԵՐՁԵԱԼԸ

ԵՒ

ԶԱՐՄԱՆԱԼԻ ԳԻՒՏԵՐԸ

Ն ու է թ

Լիզպոնի Գալուստ Կիւլպէնկեան
Հիմնարկութեան կողմէ
Հայկական ՍՍԾ Գիտութիւնների
Ակադեմիայի Մատենադարանին

1966

ԳԵՐ. ԼՈՒԴՈՎԻԿԻԿՈՍ ՇԻՒԼԵՐ

ՀԱՆԴԵՐՁԵԱԼԸ

ԵԿ

ԶԱՐՄԱՆԱԼԻ ԳԻՒՏԵՐԸ

ԹԱՐԳՄԱՆԵՅ ԻՏԱԼԱԿԱՆԵԿ Ի ՀԱՅ ԲԱՐԲԱՐ
ԱՊԹՆԵՐՈՐԴ ՏՊԱԳՐՈՒԹԵՆՔՆ

ՍԱՐԳԻՍ Վ. ՏԵՂ ԱԲՐԱՀԱՄԵԱՆ
ՇԻՐԱԿԱՑԻ

մաս

Հայոց
814

ՎԵՆԵՏԻԿ - Ա. ԴԱԶԱՐ

1926



ՅԻՄՈՒՄԻ ՔՐԻՍՏՈՆԻ ԾԱՌԱՅ
ՊՈՂՈՍ ՊԵՏՐՈՍ ՃԳ, ԹԵՐՁԵԱՆ
ԿՈԲՈՂԻԿՈՍ ՊԱՏՐԻԱՐք ՏԱՆ ԿԻԼԻԿԻՈՅ
ՀԱՍՏԱՏԵԱԼ Ի ՍՈՒՐԲ ԳԱՀԵՆ ՀՈԽՎՄԱՅ



Գերյարգելի և Գերապայծառ Տէր,

Կարի դրուստելի և զովեստից արժանի
են անխոնչ վաստակք Զեր և աշխատութիւնը՝
յորս առարող հարեալ զիտքնելու և զարգելու
և զդժնդակ հանգամանս ժամանակիս, զուն
զործէք և հոգայք զբարոյական դաստիարա-
կութենէ և զիրկութենէ հոգոց սիրեցեալ Ազ-
գայնցու:

Յամի 1921 ի լոյս ընծայեցէք՝ յեղեալ ի
հայ բարբառ զյորքորդեալս «Հարիշր իննուն
պատմութիւն մանուկներու համար» որ յոյժ
պտղարեր և շահեկան և մանկանց և յարրունս
ժամանող պատաճեաց իսկ. զարդիս եւս մե-

Ա.Ռ ԳԵՐՑԱՐԴԵԼԻ ԳԵՐԱՊԱՅՆԱՌ ՏԵՐ
ՏԵՐ ՍԱՐԳԻՍ ԹԱԳԱԴԻՐ ՆԱՅՐԱԳՈՅՆ ՎԱՐԴԱՊԵՏ ՏԵՐ ԱԲՐԱՀԱՄԵԱՆ
ՄԵԺԱԼՈՐ ԼԵԼՈՅԻԿԱՅ - ՀԱՅԿԱԳԱՅԵԱՅ ՎԱՐԺԱՐԱՅԻ
ի ՀԱՌՈՎՄ

Ճաշ հաձորեամբ լուսար զի անդուշ չանիշը
Զերովք կամիք ի լոյս ընձայել զգրոյեկն ան-
ուսանեալ «Հանդերձեալն և զարմանալի գիւ-
տեր», յիտարականէ ի մեր բարբառ յեղեալ:

Եթ արդ ի նկատի առեալ զշահեկան և յա-
շեալ զբարոյական օգուտն ընտիր բարզմանու-
թեանդ բոլորով սրտիշ հաւանիմք ընդ հրատա-
րակութիւն նորին և յամենայն սրտէ մաղթեմք
զի լիցի պտղարեր և շահեկան յԱզգին մերում
ի բարզաւաձան և յօգուտ հոգոց:

Եթ յառհաւատցեայ առանձին մեծարանաց
Մերոց շնորհեմք Զեզ զՀայրապետական Օրհ-
նութիւն Մեր և մնամք

**Գերյարգելի Գերապայման Տեսանդ
Աղօրարար**

† Պօլոս Պետրոս ԺԳ Թէրցեան
Կ. ՊԱՏՐԻԱՐՔ ՏԱՆՆ ԿԻԼԻԿԻՈՑ

Տուեալ ի Հոռվմ արտաքոյ դրան Ա. Պօղոսի

18 Սեպտեմբերի 1926, յեօթնեւտասնե-

րորդ ամի Պատրիարքութեան Մերոյ,

ԿԱՒՔ

ՅԱՌԱԶԱԲԱՆ ԹԱՐԳՄԱՆՉԻՆ

Քրիստոսի սռորք եկեղեցին ձշմարտուրեան աևս-
սիալ ուսուցիչը, իշր խանձարուրեն սկսեալ մեզի
սորվեցուցած է և կը սորվեցնէ որ մեր հաշատքի մա-
սերը, որոնց այժմ կը հաշատանք և կը դաշտնինք,
բոլորն աշ Աստուծմէ յայտնուած են և աստուածա-
յին յայտնութիւն կը յորչորչուին։ Այս վարդապե-
տուրիւնը անփոփոխ պահպանած էն սռորք Հարք,
միարան վճռած էն ամեն տիեզերական ժողովներ,
պաշտպանած էն համայն վարդապետներ, զոված էն
ամեն սռորքեր, ի գործ դրած էն բոլոր ձշմարիտ
հաշատացեալներ։ Սակայն և այնպէս չեն պակսիր
ժանձաղամիտ անձինք, որոնք կրքերով կուրացած և
Քրիստոսի Եկեղեցոյ նկատմամբ կանխակալ կարծեօք
լեցուն, կը բարբանչեն երրոր հաշատքի ձշմարտու-
րեանց վրայ կը խօսուի. կ'ըսեն. «Ճնարուած բաներ
են, քահանաներու յօրինած առասպելներն են» եւլն։

Սակայն ցաշալին այն է, որ մեր օրերը չեն կար-
դար և չեն կարդացուիր այն գրքերը՝ որոնք կրօնքի
վրայ կը ձառեն. արդ տեսնելով որ այս գրքոյկը կրօնքի
վրայ ձառելով հանդերձ շատ օգտակար օրինակներով
և ձշմարիտ պատմուրիւններով զուարձալի, հրապու-

րիչ և յոյժ հրահանգիչ է միանգաւմայն, ձեռք զարկի
բարգմաննելու մերազնեայց փոքրիկ ծառայութիւն մը
ընելու և մատաղ սերունդի բարմ մտքերը՝ այսպիսի
օգտակար ընթերցութերով ի բարին լուսաւորելու:

«Հանդերձեալը և զարմանալի գիւտերը» գրր-
քոյլս, կը նուիրեմ ի վայելումն հայ կղերի և հայ
որերոյ:

ՍԱՐԳԻՍ Վ. ՏԵՐՈՀՈՄԵԱՆ
ՇԻՐԱԿԱՑԻ

Ա Զ Դ

«Լի ու լի դրուատեաց արժանի է,
որ խառնեալ համեմեսցէ զօգտակարն
ընդ հաճոյականին՝ զընթերցողն զուար-
ձացուցեալ եւ միանգամայն խրատեալ»:
(Որատիոս Աբովեստ Քերթողական.
343-344):

«Ճշմարիտ համեմանք ի քննուշ
քերրուածս, զուարձացուցեալ զչարա-
գոյնս իսկ յաղթահարեաց»: (Թասսոյ
Երուսաղեմ Ազատեալ):

Ահա ուրիշ գրքոյկ մը որ՝ ինչպէս «Հաւատամք
ի մի Աստուած»ն, սահմանուած է ժողովրդեան
համար եւ առանձնապէս երիտասարդներու համար:
Այս խանդավառ համակրութիւնը որով համակուե-
ցաւ գրքոյկը յորում կ'ապացուցուէր պարզապէս
Աստուծոյ էութիւնը, առաջին հիմնական ճշմար-
տութիւնը, զիս խրախուսեց եւ որոշել տուաւ գրել
նաեւ այս փոքրիկ մատեանս յորում պիտի ցու-
ցընեմ, «Աստուածային յայտնութիւնն Եկեղեցւոյ
մեզի սորվեցուցած հաւատալիքներու մէջ»: Կը
լսուի եւ յանախ անգամ կը կարդացուի մեր օրերը
սոյն թեթեւամիտ եւ յիմար արտայայտութիւնները,

« շինծու բաներ են, քահանայից առասպելներ են : »
Եւ այս կ'ըսուի, եթք որ խօսքը հաւատքի ճշմար-
տութեան վրայ է :

Որչափ ինծի յայտնի է, չկայ ժողովրդական
եւ զուարճայի գըքոյկ մը, որ ջախջախէ յաղթա-
նակաւ այսօրինակ մոլորութիւններ, ատոր համար
ձեռնամուխ եղայ այս բանիս, այն քաղցը յուսով
որ պիտի յաջողիմ:

Սակայն եւ այնպէս, ոմանք պիտի ըսեն, մեր
ժամանակներու մէջ, երիտասարդները կրօնքի վրայ
հառող գըքերը չեն կարդար, աւելի մղուած են
իրենց միտքն ու կամքը ճարակել յոռի, կրքերը
գըգոռող շատ մը թերթերու մէջ, այնպէս որ մար-
դուս կարեկցութիւնը կը շարժէ, նկատելով թէ
այնպիսի ընթերցուածոց բովանդակութիւնը եւ թէ
ոճը՝ որով շարագրուած են:

Արդ ճիշդ այս մտածմունքը զիս դրդեց ներ-
կայ գըքոյկս յօրինել այնպիսի եղանակաւ, որ ոչ
միայն օգտակար ըլլայ, այլ նաեւ ախորժելի եւ
զուարճալի:

Նպատակիս պիտի համնիմ: Կը յուսամ. վասն
զի ուրիշ վախճան եւ նպատակ չունիմ եթէ ոչ զը-
ւարճացնելով սորվեցնել թէ՝ երբոր սուրբ Եկեղե-
ցին մեզի կը սորվեցնէ, անոր սորվեցուցածը մարդ-
կային գիւտ չէ, այլ « աստուածային յայտնութիւն » :

ՀԵՂԻՆԱԿԸ

ՅԱՌԱՋԱԲԱՆ ՀԵՂԻՆԱԿԻՆ

1.

ԿԱՐԵՒՈՐ ՀՐԱՀԱՆԳ

Եթէ երբեք եղած է և կայ ժամանակ մը, յորում զգալի կերպով քրիստոնէական վարդապետութեան ուսուցման անհրաժեշտութիւնը գերազանցօրէն զգալի եղած է և է, և ժամանակ մը՝ յորում ամէն դաստիարակութենէ աւելի բարձի թողի եղած քրիստոնէական կրօնի ուսումը, այս դժբախտ պարագան մեր օրեր, մեր թուականին մէջ իրականութիւն կը գտնէ։ Շատ մը ընտանեաց և շատ մը ուսուցչաց ուշադրութիւնը աշխարհային նիւթերու վրայ դարձած է և լքեալ թողուցած են քրիստոնէական կրօնքի ուսումը, ինչպէս թէ կարեւոր չըլլար։

Սակայն և այնպէս, մեր օրերը այնքան մոլորութիւններ ջրելու է, այնքան մոլար և շար սկըզբունքներ կան որոնցմէ զգուշանալու և մերժելու ենք, կրօնքի վրայօք մոլոր և սխալ գաղափարներ այնշափ շատ են, որ մարդիկ, պէտք է որ զանոնք անարդեն և հերքեն ճշմարիտ փաստերով .— զերբնական բան մ'ալ չեն ուզեր ընդունիլ հակառակորդք։

Երիտասարդներ, պատանիներ դպրոցները կը յաճախեն, լոկ աշխարհային ուսումը սովորելու և անոնց մէջ յաջող հանդիսանալու համար։ Եւ հազուագիւտ է որ չի սովորին միեւնոյն դպրոցաց մէջ չարհամարհել և չերդիծաբանել կրօնքը, անոր հաւատոյ մասերը և զանոնք՝ որոնք իրենց կը սորվեցնեն։ Աեր դարուն մէջ, յորում բոլորն ալ դաստիարակուիլ կ'ուզեն, ամենակարեւոր և անհրաժեշտ է, մանաւանդ թէ անտնօրինելի է քրիստոնէականի ուսուցումը։ Կրօնական սահմանափակ ուսում մը, պիտի կրնայ բաւական ըլլալ անոնց, որոնք աշխատալից զբաղումներով կեանքերնին կ'անցնեն, բայց իրենք զիրենք ուսմանց նուիրողաց, չի բաւեր վեր ի վերոյ կրօնքի ուսումը։ Այսպիսեաց համար պէտք է պատճառաբանեալ և հիմնական ուսումնասիրութիւնը կրօնքի նկատմամբ։

2.

ԿՐՕՆԻՑ ՈՒՍՈՒՄՆ

Յիրաւի, ուսումնականք մասնաւորապէս գիտութեանց պարապելով վարժած են տրամաբանելու իրաց ծագումն ու պատճառերը քննելու։ Այսպիսիներու համար կրօնագիտութեան վեր ի վերոյ ծանօթութիւն մը, առանց ճանչնալու հաւատքի անխախտ հիմունքը, անբաւական կը դառնայ և կ'ըլլայ արհամարհանքի առարկայ։ Անկարելի է որ այսպիսի յաւակնոտ մտքեր խճողուած բազմատեսակ ծանօ-

թութիւններով՝ չանարդեն ու չծաղրեն իրենց
մանկութեան ժամանակ սորված քիչ մը կրօնքը և
կրօնական գաղափարները։ Ուստի աշխարհային գի-
տութեանց և գործադրութեանց մէջ զարգանալով,
պէտք է հարկաւ և համեմատաբար զարգանայ նաեւ
կրօնքի ուսումը։ Կարելի՞ է ուրեմն, տարակուսի են-
թարկել այսպիսի անհրաժեշտութիւն մը, առաւելա-
պէս ներկայ ժամանակիս մէջ, յորում յառաջանալով
գիտութեանց մէջ, կ'ուզուի ոչ միայն կրօնքի դէմ
պատերազմ մղել, այլ նաեւ եթէ հնար է՝ ջնջել զայն։
Հետեւաբար, մեր օրերը, յորս անհաւատութիւնը,
մոլութիւնը և մոլար ուսմանց գիտութիւնները կան
և գրեթէ, պիտի ըսէի իրենց գաղաթնակէտին հա-
սած են, միշտ աւելի կը տեսնուի և փորձով կ'ապա-
ցուցուի անհրաժեշտ կարեւորութիւնը կրօնքի հիմ-
նական ուսման, որպէսզի անոնց չնմանինք, որոնք
ցնծութեամբ զկրօնքն ի սպառ անտես ըրած են։

Ալդ, այս բացարձակ անհրաժեշտութիւնն ի
նկատի առած, կը տեսնենք արդեօք համապատաս-
խան նախանձայուզութիւն՝ անոնց մէջ, որոնք թէ
բնական և թէ քաղաքական օրէնքով պարտական
են ի գործ դնելու Եկեղեցւոյ ամենաջերմ փոյթն
ու խնամքը։

Դժբախտաբար պարտաւորուած ենք ականատես
ըլլալու կատարեալ անհոգութեան կրօնական նիւթոց
նկատմամբ, ընտանեաց և բովանդակ մարդկային
ընկերութեան յայտնի վնասովը։ Այն ծնողքն, որոնք
յանցաւոր անտեսութեամբ չեն հայթայթեր իրենց
զաւակաց լուրջ կրօնական դաստիարակութիւն մը,

այնպիսիք իրենց զաւակաց անգութ մեծ բռնաւոր-
ներն են։ Յանախ անգամ այն թշուառները մեռնե-
լէն առաջ ստիպուած են ճաշակել իրենց որդւոց
ամբարիչտ և անզգայ դաստիարակութեան դառն
պտուղը։

3.

ՔՍՏՄՆԵԼԻ ՏԵՍԱՐԱՆ ՄԸ

Եղելութիւն մը զոր կը պատմեմ, շատ ժամա-
նակ չէ որ կարդացի գաղղիական պարբերաթերթի
մը մէջ, բազմաթիւ ապացոյցներէն մէկն է ըսած-
ներուս, զոր մէջ կը բերեմ։

Քստմնելի տեսարան մ'է որ տեղի ունեցաւ ի
գաղղիա մեծանուն տան մը մէջ։

Ընդարձակ և չքեղօրէն կահաւորուած սենեկի
մը մէջ, որ կը լուսաւորուէր արեւու յետին աղօտ
ճառագայթներով՝ որոնք կիսաբաց լուսամուտէն ներս
կը թափանցէին, նրբահիւս կտաւներու մէջ ընկող-
մանած դակահար մանուկ մը կը նշմարուի փոքրիկ
մահճակալին վրայ։

Անոր նիհար դէմքը, ընդհատեալ և տառապե-
ցուցիչ շնչառութիւնը, շատ մը բժշկական դեղեր
որոնք կը տեսնուին սեղանին վրայ, խօսուն ապացոյց
են որ խեղճ տղան շատ ծանր հիւանդ է և մահուան
մօտ։ Հաղիւ տասը տարեկան էր հէք մանուկը. իր
հայրը կը պարծէր թէ զանիկա դաստիարակել տը-
ւած է աշխարհական դպրոցի մը մէջ, ուր կրօնքի

դաս տեղի չունէր։ Այսպէս մեծցած էր, առանց ամենատարրական բան մ'իսկ սորվելու քրիստոնէականէն։ Մօրմէն, — որ թէպէտ դաստիարակուած էր ճշմարիտ քրիստոնեայ ծնողացմէ, որոնք մեծ հոգ տարած էին իրենց զաւակաց կրթութեան, — բան չէր սորված, վասն զի նա տարուած նորաձեւութիւններէ՝ զրաղած չէր բնաւ և հոգ ու խնամք ունեցած չէր իւր փոքր Լուդուիկի հոգւոյն։ Հօրմէն լսած էր Աստուծոյ վրայօք խօսիլը, բայց հայհոյելով, Եկեղեցւոյ մասին՝ անոր դէմ արհամարհանք ժայթքելով, քահանայի վրայ՝ զանիկա ծաղրելու և դժոխային ատելութեամբ ատելու օրէ օր աւելի։

Դպրոցին մէջ, մեծ յառաջադիմութիւն ունեցած էր ուսմանց կանխահաս արթնամտութեամբը։ Քանի մը օր միայն անցած էին, յորում նա իւր մանկական ձայնով արտասանած էր քերթուած բանաստեղծութիւն մը ընդդէմ հաւատոյ մասանց, ընդդէմ հաւատոյ մասերը սորվեցնող քահանաներուն։ Այսպարագային մէջ կը գտնուէր եղկելին երբ ծանր հիւանդացաւ։

Բժիշկը յետ սպառելու բժշկական բոլոր միջոցները, ըստ հօրը թէ՝ «այլեւս ոչ մի յոյս կայ և քէ վաղը կը մեռնի, հետեւաբար հոգւոյն պէտք եղածները թող հոգացուին»։ Մայրը կը գուշակէր ըլլալիքը կողկողագին և անմիտաբար լաց մը կը սկսի։ Երկուքն ալ փոքր մահամերձին քովը կեցած կուլան դառնապէս հեղձամղձուկ ձայնով։ Մայրը սոսկալով կը նկատէ որ որդւոյն վիճակը վայրկենէ վայրկեան կը վատանայ, կը տեսնէ որ այրող ջերմէն կասկարմիր


կտրեր է հիւանդին երեսը, դէմքը... յուսահատութեան գագաթնակէտին կը հասնի։ Կ'արթննայ իւր հոգւով և հին հաւատքը կը զարթնու սրտին մէջ, իւր մօր բարի յիշատակը միտքը կու գայ... կը մերձենայ ամուսնոյն և հեծեծանքէն ընդհատեալ ձայնով այսպէս կ'ըսէ անոր. — Թէ քահանայ մը կանչենք...։ Ամուսինը կը խոռվի ուսերը կը շարժէ և նեղացած՝ սենեկէն դուրս ելել կ'ուզէ։ Խղճալի մայրը նորէն կը նայի հոգեվարք որդւոյն, կը զգայ իսկոյն իր գործած ոճիրին մեծութիւնը, այնպիսի եղանակաւ դաստիարակել տուած ըլլալով իր որդին, և չկրնալով դիմադրել խղճի խիստ խայթին, նորէն կը դիմէ ամուսնոյն և թեւէն բոնած այսպէս կ'աղաղակէ. — Դատապարտէ դուն քու հոգիդ եթէ կ'ուզես, ես կ'ուզեմ որդիս ազատել դժոխքէն, չեմ ուզեր բացարձակապէս որ առանց քահանայի մեռնի։ Կը ցնցուի այս խօսքերէն այն անաստուածը, և համոզուելով՝ որ իւր կինը իրաւունք ունի, կը շատանայ պատասխանել անոր. — Լաւ, ըրէ ինչպէս որ կ'ուզես, բայց այնպէս ըրէ՝ որ մեր բարեկամները չիմանան։ Ծիծաղելի կը դառնանք...։ Թշուառ մայրը ասկէ աւելի բան մը չէր ուզեր, կը թողու հոգեվարքին անկողինը կ'երթայ ու մէկը կը զրկէ ուղղափառ քահանայի ետեւէն։ Այս ժամանակամիջոցին՝ հայրը զգալով սրտի յոշոտող խայթը, ի նկատի կ'առնու իւր դժոխային ընթացքը, և տեսնելով որ բոլորովին առանձին է իւր որդւոյն հետ, կը մօտենայ անոր, սիրով կը համբուրէ, և քաղցրութեամբ անոր շէկ մազերը շոյելով այսպէս կը սկսի խօսիլ.

— սիրելի որդեակս, շատ հիւանդ ես... յուսանք թէ
կը լաւանաս... բայց ով գիտէ... ըսէ ինծի, սիրելի
որդիս, քու վիճակէդ չես վախնար. կայ արդեօք
այս կեանքէս վերջ ուրիշ բան մ'ալ անդին. արդեօք
չէի՞ր ուզեր քիչ մը Աստուծոյ աղօթել:

Մանուկը վայրկեան մը լուռ կը կենայ: կը բա-
նայ աչքերը և հօրը վրայ սեւեռելով կ'ըսէ, տկար
և նեղութենէն ընդհատեալ շնչառութեամբ.

— «Ո՞վ է արդեօք այս Աստուծը... ի՞նչ
ըսել է աղօթել... ինծի այդպէս բան բնաւ խօսած
չես, չեմ գիտեր ի՞նչ կ'ուզես ըսել... ինծի միշտ
ըսած ես, որ եկեղեցիներու մէջ աղօթք չընեմ...
հիմա պէտք եմ ընել: Եթէ ինծի հաճոյք պատճա-
ռել կ'ուզես, խօսէ աշխարհագրութեան, պատմու-
թեան և ֆիզիքայի վրայօք...»:

Հայրը արցունքները կը սրբէ, և կը բաղձայ
սրտանց քահանայի հասնելուն: կը հասնի վերջապէս
Աստուծոյ պաշտօնեայն. կը բացուի դուռը և կը ներ-
կայանայ հոգեւար մանկան յարգելի ծերունի քա-
հանայ մը: Տիկինը ներս կը հրամցնէ, ըսելով ցած-
ձայնով. շուտ, շուտ: Քահանան կը մօտենայ ան-
կողնոյն, բայց աւազ, հազիւ թէ մանուկը կ'անդրա-
դառնայ որ քահանան է, իրեն մէջ մնացած բոլոր
ուժով կ'աղաղակէ. — Հեռացուցէք զայն, հեռացու-
ցէք զայն, ահա ագռաւը որ եկած է զիս լափելու:
Կը գալարի և բարձին վրայ կ'իյնայ՝ ու խեղդամահ
կ'ըլլայ դուրս ժայթքող արեան ալիքէ մը:



4.

ՓՐԿՈՒԹԻՒՆ Ի ՄԵԶ ՄՐՐԿԱՑ

ԽԵՂՃ զո՞հ դաստիարակութեան մը առանց Աստուծոյ, առանց կրօնքի. թշուա՛ռ: Ծնած էր իւր ծնողաց ուրախութիւնն ըլլալու, հրեշտակ մ'ըլլալու համար, և ընդհակառակն... Գրիչո առաջ չերթար շարունակելու: Թո՛ղ Աստուած գթայ մանկան՝ բայց և թշուառ անկրօնին:

Տա՛ր Աստուած որ բոլոր ծնողք ալ համոզուէին այս ճշմարտութեան, այսինքն թէ՝ կրօնական դաստիարակութիւնը, լինելով գերազանցօրէն էական միջոցը՝ յաւիտենական երանութիւնը չի կորսնցելու համար, միեւնոյն ժամանակ ամենազօրաւոր միջոց մ'է համեմատաբար երջանիկ ըլլալու այս աղէտալից երկրի վրայ: Տա՛ր Աստուած, որ բոլորն ալ համոզուէին, ինչպէս կ'ըսէ բողոքական (փասթէօր) հովիւմը, որ կրթութիւնը առանց կրօնի մարդիկը սատանայի կը փոխէ և թէ ոճիրներու թիւը կը բազմապատկուի, մանաւանդ հոն՝ ուր երկսեռ դպրոցները աւելի շատ են (Ակօթթ. տէլլ Օրէգօն, բողոքական եպիսկոպոս. Տրիբունայ Թոռոնթոյ, 1877):

Ոմանք կը կարծեն, թէ քրիստոնէական վարդապետութեան քանի մը զլիսաւոր տարրական ծանօթութիւնները բաւական ըլլան: Ընդհակառակն, քրիստոնէականի հարց ու պատասխանները բերնուց գիտնալը, և վեր ի վերոյ քանի մը հրահանգներ

կրօնի՝ չեն բաւեր. վասն զի ապացոյցներ կը պահանջուին ոչ միայն տարակոյսները, պէսպէս իմաստակութիւնները ցըելու համար, սանձելու չար ձըդտումները, այլ նաեւ պաշտպանելու համար սեպհական կրօնքը մեր թշնամիներու նենգաւոր յարձակմանց դէմ։ Եւ եթէ կրօնագիտութեան մէջ տգիտութիւնը միշտ ճակատագրական հարուած եղած է մարդուս, աւելի շատ կը շեշտուի ներկայ ժամանակիս մէջ, յորում աւելի ուղղապէս կը միաբանին հռչակել, տարածել ամէն տեսակ մոլորութիւններ, և անբարոյականացնել ժողովուրդը ամէն տեսակ գայթակղութեամբ։

Արդ՝ ի՞նչպէս կրնան հերքուիլ ամենամոլար սկզբունքները, որոնք ամէնուրեք մեր սուրբ կրօնքին դէմ դիտմամբ կը տարածեն։ Ի՞նչպէս կարելի է զերծ մնալ այնքան ապականութենէ, որոնք մինչեւ անգամ կը ծափահարուին։ Ի՞նչպէս կարելի է ճըդութեամբ պահել ճշմարիտ բարոյականը, կենցաղավարելով ապականեալ և ապականող ընկերութեան մը մէջ, ուր ամենապժգալի մոլորութիւններ քաջալերուած և թատերաբեմերու վրայ ներկայացուած են, և ամենասոսկալի ոճիրները գեղեցկութեան դիմակին ներքեւ ներկայացուած, որպէսզի աւելի դիւրութեամբ սրտերը հրապուրեն։ Ի՞նչպէս, կը կրկնեմ, կրնայ զերծ պահուիլ միտքը մոլորութիւններէն, մաքուր՝ սիրտը՝ մոլութենէն, առանց կրօնքի մէջ դաստիարակուելու, մարզուելու, որ կը սպառազինէ զմարդ պատերազմելու, պաշտպանուելու օր ըստ օրէ աճող ամբարշտութիւններէն։ Միթէ կրնանք լուծել

տարակոյսները՝ որոնք նենդութեամբ կը ծաղին մեր
մտաց մէջ, առանց նախապէս ուղիղ սկզբունքները
արմատացուցած ըլլալու մեր սրտին մէջ։ Թէպէտ և
ստոյգ է, որ մեր օրերուն ընդդէմ կրօնի յարու-
ցուած առարկութիւնները սովիեստութիւններ են և
ճշմարիտ զիտնականի մը արհամարհանաց ժպիտը կը
գրգռեն, բայց միւս կողմէն ալ անուրանալի է, որ
իրենց հրապուրիչ արտաքին երեւոյթով կը շլացնեն
թերուսները և ամենաղառն մոլորութեանց վիճը կը
ձգեն կրօնի նիւթոյ մէջ տղէտները։ Պէտք է ուրեմն
խոստովանիլ որ շատեր չեն կրնար հաստատ մնալ
կրօնին, սուրբ Աւետարանին վրայ ահեղագոչ ա-
լեաց դէմ անշարժելի ժայռերու նման՝ որոնք կը
փորձեն խորտակել զայն, առանց սորվելու խորապէս
կրօնքը և առանց ուսումնասիրելու անոր պատճա-
ռաբանեալ ապացոյցները։

5.

ՈՎԿԱՄՉՉԱՅ ՔՐԻՍՏՈՆԷԱԿԱՆԸ ՍՈՐՎԵԼՈՒ

Անկարելի կը թուի, որ կան քրիստոնեաներ,
որոնք կրօնագիտութիւն սորվելէն, անոնց մեկնու-
թեանց ներկայ զտնուելէն կ'ամչնան։ Յիմարները,
չեն զիտեր և կամ չզիտնալ կը ձեւացնեն, որ բոլոր
դաստիարակութեանց մէջ կրօնի դաստիարակութիւնն
է որ զմարդ կը բարձրացնէ և խելամուտ կ'ընէ
գերբնական ճշմարտութեանց, որով արժանապէս
միշտ յարգուած են բոլոր դարերու զիտնականներէ։

Նշանաւոր բնագէտ Աղէքսանդր Վօլտա, երբ
ամէն տարի Փօմրյ կը վերադառնար, ի ծոց իւր
սիրելի գերդաստանին՝ հանգստանալու համար, բնաւ
չէր պակսեր ամէն կիրակի երթալ ժողովրդապե-
տական եկեղեցին, սորվեցնելու համար մանուկնե-
րուն քրիստոնէական վարդապետութիւնը։ Յայտնի
հնարիչը ելեքտրական բարդի, այն հոչակաւոր գտիչը
ելեքտրական հոսանքին, որ մեծ ծառայութիւն մա-
տուցած է և կը մատուցանէ մարդկութեան, չէր
շիկներ բնաւ յարմարիլ մանուկներուն կարողութեան,
սորվեցնելով անոնց հաւատքի ամենաբարձր ճշմար-
տութիւնները։

Քրիստոնէական կրօնի ուսումը ոչ միայն ան-
օգուտ չէ և ոչ նուաստացուցիչ, այլ միշտ անտնօ-
րինելի համարուած է և գերազանցապէս պարծանք,
նաեւ այն մարդոցմէ որոնք անհաւատ էին։

Գէորգ Պայրըն կրօնք մը չունէր, սակայն և
այնպէս ուզելով որ իւր աղջիկը քրիստոնէական
վարդապետութիւն սորվի, զայն Ոտմանիայի մարա-
պետաց վանքը դրաւ։ Կարոլոս Բօտտա Փարիզ գըտ-
նուելով, իւր որդիքը սուրբ Առւլպիկիոսի եկեղեցին
կը խաւրէր Քրիստոնէականը սորվելու, զոր կը բա-
ցատրէր Օռէանի Եպիսկոպոսը Դիւլանլու, որ այն
ժամանակ դեռ վարդապետ էր։ Նոյն իսկ Դիոնիսիոս
Դիդրոյ, յայտնի փիլիսոփայ, այնքան կարեւոր հա-
մարեցաւ Քրիստոնէականի ուսումը, որ ամէն օր
փոքրիկ դրքոյկը ի ձեռին, կը զբաղէր սորվեցնելով
իւր աղջկան։ Օր մը անակնկալի եկաւ Բէօղէէ, Գաղ-
ղիոյ ճեմարանի անդամէն։ Երբ նա Քրիստոնէական

դաս կու տար, բարեկամը անոր ուսման սենեակը վազելով գոչեց.

— Ի՞նչ, դուն փիլիսոփադ, դուն այս բանե՞րը...

Եւ Գիդըրոյ, առանց շփոթելու, պատասխանեց ժպտելով.

— Ի՞նչ ընեմ, բարեկամ, ի՞նչ ընեմ, ես մեծ տենչ ունիմ լաւ կրթել, հրահանգել իմ սիրելի աղջիկս, և շատ մը փնտռելէս վերջ՝ չի կրցայ այդ նըպատակին համար լաւագոյն գիրք մը գտնել, քան թեմական Քրիստոնէական վարդապետութիւնը։ Այս, մի զարմանաք որ ես Քրիստոնէականէն կ'օգտուիմ, ես զայն ամենաբարձր դասագիրքը կը համարիմ։ Ասկէ աւելի ի՞նչ հիմնական և լուրջ դաստիարակութիւն կրնամ տալ իմ աղջկանս։

— Ահա թէ ի՞նչպէս գնահատուած է Գիդըրոյէն Քրիստոնէականը, անձ մը որ ստուգիւ կասկածելի չէ։

6.

ԱՐՔԵՊԻՍԿՈՊՈՍԸ ԵՒ ՕՐԻՈՐԴ ԲԵՐԴՐԱՆ

Օգոստոս ամիսն էր, 1845 թուականին, այսպէս կը պատմէ պերճախօս Կարտինալ Ալիմոնդա, յարգելի Արքեպիսկոպոս մը որ առողջանալու համար Սավոյիայի մէջ իշխի բաղնիքները գացած էր, յանկարծ անակնկալ կանչուեցաւ։ Ատիպողական դէպք մը կար։ Մանկամարդ օրիորդ մը բարձր, ազնուական ցեղէ, ամուրի, հարուստ, օժտեալ ընտիր ձիրքերով,

պառկած էր հոն, ծանր հիւանդ էր և կը փափաքէր
խօսիլ Արհի. Եպիսկոպոսին հետո:

Հետեւինք Արքեպիսկոպոսին և մտնենք անոր
հետ հիւանդին սենեակը:

Հաղիւ մտած էր ցաւալից սենեակը, հիւանդին
երեսը դեռ չտեսած, կը լսէ ցած ձայնով հեծեծանք
մը.

— Ո՞հ, մինչեւ ե՞րբ պիտի տեշէ իմ աքսորս:

Արքեպիսկոպոսը կը մօտենայ, իր ոսկիէ խաչը
կը մերձեցնէ հիւանդին շրթանց, զոր նա համբու-
րելէն յետոյ իր արտասուալից աչերը վեր վերցնե-
լով կը նայի Եպիսկոպոսին երեսը.

— Ո՞հ, որքան կը յապաղէ իմ այս աշխարհէն
եղելը և Աստուծոյ հետ միանալը. ինձի մէկ ժամը հա-
զար տարի կը քոշի... քայց և այնպէս ուրախ եմ որ
անգոր հիշանդուրիւնս զիս կը հիշէ և կը կորսնցնէ
այս ունայն գեղեցկուրեանս մնացորդը, որ կեանքիս
մէջ ինձ այնչափ ժանր նստեցաւ:

Արքակեաց Արքեպիսկոպոսը արտասուելու չափ
յուզուեցաւ այս խօսքերէն.

— Զաւակս, ըսաւ անոր, ձեր ջերմեռանդու-
թիւնը զիս յուզեց մեծապէս. ըսէք ինձի ով էք դուք,
և ով ձեր սրտին մէջ զետեղեց այսպիսի կրօնական
բարձր զգացում մը:

Այն ատեն օրիորդը արմուկի վրայ յենլով՝ ու-
զեց իր երախտագիտութիւնը յայտնել՝ եղելութիւնը
պատմելով.

Գերապայծառ, պատասխանեց, այս փետրալից
մահճին վրայ դուք կը տեսնէք օրիորդ Բերդրանն,

մեծահոչակ զօրավարին աղջիկը։ Այն զգացումները
որով հոգիս ներշնչուած է, որոյ մասին տեղեկու-
թիւն կ'ուզէք, ստոյգ է որ իմ մանկութեանս դե-
ռափթիթ ծաղիկը եղած չէ. ինձի ներշնչուեցան աւելի
անագան. իմ ուսուցիչս, Աստուծմէ վերջ, կայսրը
եղաւ - Արտասուաց երկու քաղցր կայլակներ սա-
հեցան օրիորդին աչերէն, որ շարունակեց. - Ես
չեղինէ կղզին էի իմ ծնողացս հետ, ուրիշ բանի
ուշադրութիւն չէի դարձներ, եթէ ոչ կաքաւել,
զուարձանաւ և անհոգ կեանք մը անցնել. արդէն
մեծ աղջիկ էի։ Օր մը կայսրը կանչեց զիս և ըստ.
«Զաւակս, դուն գեղեցիկ ես և քիշ տարի վերջ
աւելի պիտի գեղեցկանաս, բայց այս քու գեղեցկու-
թիւնդ ո՛րքան վտանգի պիտի ենթարկէ զքեզ աշ-
խարհիս մէջ։ Ի՞նչ պիտի ըլլաս դու, եթէ նախա-
պէս շամբապնդուիս, չի զօրանաս կրօնքով։ Քրիս-
տոնէական վարդապետութիւն գիտես. խեղճ, չես
ճանչնար Յիսուս Քրիստոսը, նոյն իսկ Աստուած և
երկինքը չես գիտեր, կրօնքի մասին բնաւ գաղափար
չունիս... բայց ո՞վ պիտի սորվեցնէ քեզի։ Հայրդ
կրօնք չունի, մայրդ աւ անկէ շատ վար չի մնար...
Օ՞ն, ես երկուքին դերն աւ կ'ուզեմ կատարել. եկուր
վաղը իմ քովս և ես քեզի առաջին դասը պիտի
տամ» Ու ես գնացի։ Շաբաթուան մէջ քանի մը
անգամ, յընթացս երկու ամբողջ տարւոյ, կ'եւէի
մեր պալատէն Հոռդ Ա. կար, մէկ մղոն հեռաւորու-
թեամբ կայսեր բնակութենէն, և ուղղակի իրեն
կ'երթայի Քրիստոնէականը ձեռքս բռնած։ Երբեմն
կը նստէինք խէժարեր ծառի մը տակ, նահանգա-

սկետին բերդին դիմաց, մերթ կ'երթայինք խոր-
դենեաց հովտին խորը, ուր ալեաց ծփոցը մեզ չէր
խոռվեր, և հոն կայսրը թերթելով Փրիստոնէականս,
մտիկ կ'ընէր իմ պատասխաններուս, յետոյ կը բա-
ցատրէր իմ ըսածներս, քրիստոնէութեան հաւատոյ
մասերը և խորհուրդները:

Անցնելով այն երկու տարին, ես 12-13 տարե-
կան էի, նա ըսաւ ինձի. — Այժմ զաւակ իմ, դուն
բաւական կրօնքի մէջ մարզուած ես. Գաղղիայէն
քահանայ մը բերել պիտի տամ, որ զքեզ պատրաս-
տէ այն մեծ քայլին (կ'ակնարկէր իմ առաջին հա-
դորդութիւնս) և զիս ալ մահուան:

Օրիորդ Բերդրան հոս կը կենայ, վասն զի
սիրու ուժգնակի լեցուած էր, չէր թոյլ տար որ
շարունակէր: Արքեպիսկոպոսը ձեռքերը երկինք
բարձրացուցած կը բացագանչէ.

— Օրհնութիւն տարաբաղդին, որ իր դժբախ-
տութիւնը նուիրագործեց հօր և մօր պաշտօն կատա-
րելով տգէտ զաւակին:

Այս բառերն արտասանելէ յետոյ կը խոնարհի
դէպի օրիորդը լսելու անոր խորհրդական խոստո-
վանութիւնը: Անոր բերանն էին միշտ յիշեալ բա-
ռերը.

— Ով ինձի աղաւնոյ թեւ պիտի տայ որ թըու-
չիմ:

Այսպէս կը մեռնէր հոչակաւոր անհաւատ զօ-
րապետի մը աղջիկը. կը մեռնէր այսքան գեղեցիկ
տրամադրութեամբ, Առւրբ Հեղինէ կղզւոյն մէջ Փրիս-
տոնէական վարդապետութիւն սորված ըլլալով:

Այս օրինակէն վերջը, և ուրիշ շատ օրինակներ որոնք կրնան մէջ բերուիլ, ստուգիւ մեր կարեկցութիւնը կը շարժեն անոնց՝ որոնք կ'ամչնան ֆրիստոնէականը սորվելու:


7.

ԿՐՈՆԱԿԱՆ ԴԱՍՏԻԱՐԱԿՈՒԹԵԱՆ ՕԳՈՒՏԸ

Սորվինք ուրեմն մեր սուրբ կրօնքը, որ մաքրելով մեր յօժարութիւնները, առաջնորդելով մեր յոյսերուն, և լուսաւորելով միտքերնիս մեզի կը ճանչցընէ մեր բնութեան ազնուութիւնը, զմեզ կ'ուղղէ ապահովաբար դէպի Աստուած, կը սրբէ մեր արցունքները, մատնանիշ կ'ընէ յաւիտենական երանութեան տանող ճանապարհը: Սիրենք զայն և ուսանինք զայն անդադար, մեր այն սուրբ կրօնքը, որ այնքան քաղցրութեամբ կը խօսի վշտացած սըրտին, որ մաքրելով այս ունայն աշխարհի խեղճութիւններէն՝ մինչեւ առ մխիթարիչն Աստուած կը բարձրացնէ, որ վարձահատոյց է անոնց՝ որոնք աշխարհիս վրայ զինքը ճանչցան, սիրեցին և ծառայեցին:

Մեր առաջին մտածմունքը ըլլալու է բոլոր հոգւով մտադիր ըլլալ ներքին խորին համոզում մ'ունենալու ֆրիստոնէականի ուսման անհրաժեշտութեանը, որը ուրիշ բան չէ՝ եթէ ոչ ճշմարտութեան բովանդակութիւն մը՝ զոր կրօնքը սորվեցուցած է մեզի, եթէ կ'ուղենք որ երկրային խաղաղութիւնը առհաւատ-

չեայ մ'ըլլայ երկնային երանութեան։ Ասով պիտի
հնազանդինք յայտնի և ենթադրեալ պատուիրանացն
Աստուծոյ, պիտի ունենանք ճշմարիտ հաւատք և
աւելի աղէկ պիտի պահենք աստուածային օրէնք-
ները. պիտի սորվինք՝ աղօթելու ճիշդ և կարգաւոր
եղանակը, ըստ յարմարութեան օգտուելով և այժմէն
ի գործ դնելով հաւատքը, յոյսը և սէրը աճեցնե-
լու և զօրացնելու համար պէտք եղած միջոցները,
յաւիտենական փրկութիւննիս ապահովելու և ապա
մեր վերջին վախճանին՝ յաւիտենական երանութեան
հասնելու համար։



ԳԼՈՒԽ ԱՌԱՋԻՆ

ՄԵԾ ԳԻՒՏ ՄԸ

1.

ԲԱՐՁՐ ԳԱՂԱՓԱՐԸ

Գլուխայի հմայիչ մայրամուտներու երեկոներէն
մին էր. արեգակը իր վերջին շողերով կը փայփա-
յէր կայտառ երիտասարդի մը գանգրահեր մազերը
որ ժայռի մը վրայ նստած էր։ Աեւեռած հայեաց-
քով, հեռու շատ հեռու հորիզոնին խորը կը դիտէր
մտածկոտ։

Կա, միտքը մեծ և հանճարեղ գաղափարով մը
մի, չկրցաւ հանդուրժել և աղաղակեց։

— Ո՞վ արեւ, ես իմ մտացս թռիչքով քեզի
կը հետեւիմ, քու ճառագայթներդ այժմ ինձմէ հեռու,
կը լուսաւորեն մարդիկ և աշխարհ մը տակաւին ան-
ծանօթ։ Ես, այո՛, ես պիտի կտրեմ անցնիմ անծա-
նօթ ովկեանը, պիտի մղեմ իմ ղեկը մինչեւ ամե-

նահեռաւոր և անծանօթ եղերքները, պիտի շրջիմ
անկէ անդին քու ճառագայթներովդ, պիտի հասնիմ
այժմ քեզմով լուսաւորուած ժողովրդեան:

Գիշեր էր, և դեռ սոյն երիտասարդը հոն Գե-
նովական ծովափին վրայ նստած էր՝ իւր մեծ ծրա-
գիրը ի կատար հասուցանելու խոկումներով։ Գուցէ
այն ժամուն, հայրը որ խոնարհ լպուտ մ'էր, իրեն
խեղճ խրճիթին մէջ անհամբեր կը սպասէր իր որդ-
ւոյն դարձին. գուցէ գորովալից մայրը դողալով իր
փոքր Քոլոմպոսի մասին կը մտածէր թէ ո՞ւր մնաց
և տուն չեկաւ։ Ընթերցող, ճիշդ ինքը՝ Քոլոմպոսն
է զոր ես քեզ կը ներկայացնեմ, Ամերիկայի գիւ-
տին վրայօք ակնարկել կ'ուզեմ։

Խաւրուեցաւ երիտասարդ Քրիստոփոր Փաւիա-
յի համալսարանը՝ ուսանելու։ Բայց շատ շուտով՝
ծովային մեծ գիւտերու ծանօթութիւնը՝ զոր Փոր-
թուգալցիք կ'ընէին, և կենդանի բաղձանքը զոր
ունէր, իրականացնելու իր բարձր և յաւակնոտ
գաղափարը, լմնցնելով մաթէմաթիքական և աշ-
խարհագրական ուսումները, ինքզինքը գլխովին նա-
ւավարութեան տուաւ։ Իւր հանգուցեալ աներոջ
թղթերուն մէջ՝ գտաւ քանի մը հետք որոնք զինքը
խրախուսեցին և աւելի հաստատեցին մինչեւ Հընդ-
կաստան անցք մը բանալու գաղափարը, նաւելով
դէպի արեւմուտք հակառակ մինչեւ այն ատեն բըռ-
նուած ճանապարհին։

Աակայն Քրիստափոր Քոլոմպոս աղքատ էր և
պէտք եղած միջոցները չունէր իւր յանդուգն ծը-
րագիրը իրագործելու։ Իւր առաջին մտածմունքը

եղաւ Գենովա, իւր սիրելի հայրենիքին դիմել։ Ան-
հաւատալի իրականութիւն... իր առաջարկը մերժը-
ւեցաւ և խենդութիւն մը համարուեցաւ այդպիսի դիւ-
տի մը գաղափարը... Զի վհատեցաւ։ Գենովայի
Հասարակապետութեան քով նեցուկ չի գտնելով,
ինչպէս նաեւ Փորթուգալի և Շուէտի թագաւորնե-
րուն քով, դիմեց սպանիական արքունիքը։

2.

ՄԵՐԺՈՒՄՆԵՐ
ԵՒ ԽՈՆՍՐՀԵՑՈՒՑԻՉ ՄԱՀԱՑՈՒՑՈՒՄՆԵՐ

Հինգ երկար տարիներ անցան, իւր բոլոր դի-
մումները անպուղ մնացին։ Ի մէջ այնքան նը-
ւաստացումներու, հեղնութեանց և մերժումներու, գե-
նովացւոյն կորովը բնաւ չի կորսուեցաւ, սրտարեկ
չեղաւ։ Մինչ այսպիսի մեծամեծ գաղափարներ իւր
մտքին մէջ կը յեղյեղէին, այս մեծ մարդը Ապանիոյ
փողոցները կը պտըտէր անօթի և սովալլուկ, գրեթէ
պատառոտուն զգեստներով։ Մուրացկանի նմանող
պատանիի մը ձեռքէն բռնած էր։ Իր փոքր տղան
էր ան՝ Դիեկոն, որ նոյնպէս անօթի էր և ցուրտէն
դողդոջուն։ Բաղիսեց Ռաբիդա վանքին դուռը պատառ
մը հաց խնդրելու համար։ Հոն յանդուզն նաւապետը
պատմեց իր յղացած գաղափարը Յովհաննէս Բէրէզ
անուն եղբօր մը, հմուտ մաթէմաթիքական և աշ-
խարհագրական գիտութեանց, որ ըմբռնելով անվե-
հեր նաւապետին վսեմ մտածութիւնը, խորհուրդ

տուաւ դիմել Գաղղիոյ, խոստանալով իւր ազդու միջնորդութեամբը Սպանիոյ արքունիքին աջակցութիւնն ալ ձեռք բերել:

Ունայն և ստապատիր յոյսեր չեղան, զի քիչ ժամանակէն քաջակորով նաւարկողը հրաժեշտի ողջոյն կուտար Ֆէրտինանտ արքային և իզապէլաթագուհոյն, և 3 Օգոստոս 1492 թուականին՝ երեք նաւերու խարիսխները վեր հանելով, հարիւր նաւորդ մարդիկներով և բոլոր պատրաստութեամբ Փալոս նաւահանգիստէն կը սուրար: Յետ տասն և երկու օրուայ հանգիստ ճանապարհորդութեան Քանարի կը հասնին: Աեպտեմբեր 7ին՝ Քոլոմպոսը յանձնուելով Կախախնամութեան և առաջնորդուելով իւր մեծ հանճարով, առագաստը կը բանար անդրադանտեան անծանօթ աշխարհներ ու նոր երկիրներ փնտոելու համար:

Առաջին անգամն էր որ մարդը կը նաւարկէր ակօսաձիգ պատառելով մինչեւ այն ժամանակ անծանօթ ծովը. առաջին ճանապարհորդութիւնն էր որ տեղի կ'ունենար դէպի անծանօթ ծովափ մը:

3.

ՆԱԽՈՐԴԱՑ ԱՊՍՏԱՄԲՈՒԹԻՒՆԸ

Ճանապարհորդութենէն ինն օր անցած էր. նաւորդները անպատում սոսկումով լեցուեցան, զգալով հակառակ քամին՝ որ կ'արգիլէր իրենց Եւրոպա վերադարձը: Կախ ծածուկ կը տրանջային

յետոյ համարձակօրէն։ Կը սպառնային բախտախընդիր Գենովացւոյն։ Խենդ կ'անուանէին զայն ու ամէն գնով կ'ուղէին ընդդիմանալ անոր, քան ընդառաջ երթալ այն անծանօթ ովկեաններու մէջ ստոյգ և դառնաղէտ մահուան մը։

Խեղճ Քոլոմպոս. ի՞նչ սոսկալի պայքար և դառնութիւն կրել ստիպուեցաւ այս ոամիկ նաւորդաց անվստահութենէն, տգիտութենէն և կատաղի բարկութենէն։ Ովկիանոսի անսահման անջրպետին մէջ կը գտնուէին՝ ուր ոչ ոք հասած էր մինչեւ այն ատեն։ անծանօթի և անսահմանի ծոցին մէջ էին։ Աստղերը և մոլորակները սոյն մթնոլորտին մէջ այնքան ցանցառ, այլեւս ապահով շարունակելու ռահահորդ չէին։ Բայց աներկիւղ և անվրդով մարդը մտովին կը տեսնէ, կը նայի աշխարհի երկու կիսագնդերու համատարած տախտակին ու կը քննէ աստեղացոյցը։

Ծնկան կու գայ, պաղատելու համար առ նա՝ որ Աստղ է ծովու, և սրբուհի կոյս Աստուածածնի ժամերգութիւնը կ'ըսէ։ Քոլոմպոս կը յիշէ որ նաւերու տորմիղը սուրբ Կուսին պաշտպանութեան յանձնուած էր և թէ իւր մեծ նաւը «Արբուհի Մարիամ» անունը կը կրէր։ Աիրտ առաւ, վստահութեամբ լեցուեցաւ, բայց նաւաստիները տակաւ իւրովեալ վիճակի մէջ էին, անվկանդ և անյաղթնաւալետին մահը կ'ուղէին՝ որպէս զի կարենան ազատօրէն վերադառնալ ի Սպանիա։

— Խենդ է, ծովը նետենք զինքը, կը պոռային ոմանք։ ուղեց փորձ մ'ընել մեր կենաց գնով մեծ

և հոչակաւոր մարդ մ'ըլլալու համար . մենք մեր
կրցածէն աւելին ըրինք, ան կը մղէ զմեզ յառաջ
երթալ ուր ոչ ոք հասած է, մեռցնենք զինքը և
ազատենք մեր կեանքը:

4.

ՆՊԱՍՏԱԽՈՐ ՆՇԱՆՆԵՐ

Արդէն Հոկտեմբեր ամսոյ մէկն էր, երբ կը
գտնուէին Փանարեաններէ 700 փարսախ հեռու,
խրամատ նաւերով, որոնք շատ կողմերէ ջուրը ներս
կ'առնէին, յիսունեռութ օր վերջ անստոյդ և դժուա-
րին նաւարկութեամբ ենթադրական վախճանի մը
հասնելու համար: Աակայն և այնպէս, ի մէջ այն-
քան անվատահութեանց, վախի և սպառնալեաց,
նպաստաւոր նշանները չէին պակսեր: Փանի մը
ծովային լողատունկեր, թռչնոց երամներ, ծառի մը
բունը՝ կու գային մէկը միւսին ետեւէն յարմար
պարագային ամոքելու համար սրտմտութիւնները
ընդդէմ անողոք նաւապետին: Հոկտեմբեր 4ին տե-
սան թռչուններ, որոնք սովոր չեն ցամաքէն այն-
քան հեռու թռչիլ: Այս բոլորը առիթ ստեղծեցին
Փոլոմպոսի՝ հանգստացնելու համար նաւորդաց յու-
ղեալ մտքերը: Տասնըմէկերորդ օրը երեւցան աւելի
ստոյդ նշաններ: տակաւին դալար սլրտու մը, ե-
ղեգնի կանաչ ցողուն մը, ճիւղ մը գեղահունտերով
լի և մարդու ձեռքով շինուած տախտակ մը: Փա-
մին ալ սկսած էր անհաւասարապէս փշել. ձկները՝

որոնք երբեք եղերքէն չեն հեռանար՝ նաւին շուրջը
կը վխտային. իսկ նաւորդաց խորութիւն չափող
գունտի արգասիքը հիմնականապէս համոզեցին յան-
դուզն Գենովացին, որ իրմէ գուշակուած երկիրը,
զոր ի մանկութենէ կը յեղյեղէր ի մտի, այլ եւս
հեռու չէր:

5.

ԵՐԵԿՈՅԵԱՆ Ա'ԼՕԹՔԸ

Անցաւ նաեւ այն օրը, երբ արեւը մարը մըտ-
նելու պահուն՝ կը փայլէր իւր վերջին ճառագայթ-
ներովը Ակուրիացի նաւապետին պատկառելի ճակ-
տին վրայ և զինքը գերազանց էակ մը կը հանդի-
սացնէր իր բիրտ նաւորդաց աշքին ու մտքին։ Բոլորն
ալ հաւաքուած էին Փոլոմպոսի շուրջը՝ ըստ սովորու-
թեան երեկոյեան աղօթքը ընելու։ Աղօթքէն յետոյ
Քրիստափոր աւետեց նաւորդաց՝ որ Փանարիէն ան-
դին եօթն հարիւր փարսախ ճանապարհորդելէ վերջ
երբեք յուսահատած չէր երկիրը գտնելէ. թէ՝ իր
նշմարած ամենաստոյգ նշաններէն յայտնի կ'երեւար
որ երկիրը մօտ էր, և թէ՝ շնորհակալ ըլլալու են
Աստուծոյ, որ ազատեց զիրենք այնքան վտանգներէ
ու պիտի հասցնէ մեծ և փառապանծ յաղթանակին։
Աւելցուց նաեւ որ հսկեն զիշերը, և խոստացաւ
թաւշեայ հարուստ զգեստ մը՝ թագաւորին խոստա-
ցած կենսաթոշակէն զատ, այն բախտաւորին՝ որ
ամենէն առաջ տեսնէր երկիրը։

6.

ԵՐԿԻՐ, ԵՐԿԻՐ

Գիշերուան ժամը երկուքն էր։ Բոլորն ալ երկիւղէն և յոյսէն՝ յուզուած երեւոյթ մը ստացած էին, երբ յանկարծ լսուեցաւ ուրախութեան սուր ճիչ մը. «Երկիր, երկիր»... Շատերը տակաւին առաջօք կամ սխալմունք կը կարծեն։ Սակայն 1492 թուականին, Հոկտեմբեր 12ի արշալոյսին, արեգակի առաջին ճառագայթները՝ ամէն տարակոյս կը փարատէին։ Ահա, կ'երեւայ այնքան տենչալի երկիրը. դալարագեղ անտառապատ կղզի մը՝ հրաշագեղ լեռանց և բլրոց տեսարաններով, որոնք զգեցած են հիասքանչ կանաչութիւն։

Մինչ արեւը վեհապանծ կը ծագէր իր ճառագայթներով նոր երկիրը լուսաւորելով, երեք նաւերէն ուրախութեան աղաղակներ կը բարձրանային. բոլորն ալ իրենց ուրախութենէն կուլային և առ ի երախտագիտութիւն Աստուծոյ՝ կ'երգէին «Զքեզ Աստուած զոհաբանեմք » զոհաբանական շարականը։ Ի՞նչ յուղիչ տեսարան։ Բոլոր նաւորդները որոնք ապստամբութիւն արտայայտած էին իրենց առաջնորդ նաւապետին դէմ՝ այժմ անոր ոտքերն ինկած թողութիւն կը խնդրեն, յայտնելով իրենց խորին հպատակութիւնը։ Այնչափ բաղձացուած երկրին վրայ առաջին անգամ ոտք դնողն եղաւ ինքը Քոլոմպոսը, շքեղ հագուած, սուրը պատեանէն հանած

ու այլ ձեռքը բոնած էր։ Արտասուալից աչքերով
գետին խոնարհեցաւ և համբուրեց նոր երկիրը։ Հոն
խաչ մը տնկեց և յանուն Յիսուսի Քրիստոսի տի-
րապետութեան կոչեց՝ կղզին Առորք Փրկիչ (S. Sal-
vatore)։

Ահա, ով ընթերցող, պատմութիւնը նոր աշ-
խարհի յանդուզն և մեծ գիւտին։ Այլեւս նոր ճա-
նապարհը բացուած էր։ Հաղորդակցութեան կարեւոր
պողոտան, ապահով ճանապարհորդութիւնը և թան-
կագին վաճառքները սկսած էր հին և կոյս Ամերի-
կայի երկրին մէջ։

Անցած են աւելի քան չորս դար և Ամերիկա-
երկրագնդիս ամենամեծ բաժանումն է հանդիսա-
ցած իր անսահման տարածութեամբը՝ որ գրեթէ
միացեալ Եւրոպայի, Ասիոյ և Աֆրիկէի կիսուն չափ
է։ Կ'ապշեցնէ ամենաքաղաքակիրթ ժողովուրդները
և կը բարգաւաճէ, կը մարզէ զանոնք արուեստից և
ճարտարութեանց մէջ՝ իւր ջերմ ազդեցութեամբ, իւր
անվեհեր ձեռնարկներով և հիանալի ու հանճարեղ
գիւտերով։

Արդ այս ամէնը պէտք է վերագրել այն առա-
ջին յղացած գաղափարին՝ որ առեղծուած մը կը
կարծուէր, այն հաստատ առաջադրութեան, որ յա-
մառութիւն պիտի ըսուէր, այն առաջին ճանապար-
հորդութեան՝ որ կը թուէր թէ պիտի վերջանայ
սոսկալի և անդարմանելի աղէտով մը։ Քոլոմպոս
ինքն եղաւ այս գաղափարը յղացողը և յամառ իր
առաջադրութեան մէջ, կեանքի վտանգով ձեռք զար-
կաւ այս առաջին անստոյդ և աղէտաւոր ճամբորդու-

թեան։ Հոս, ով ընթերցող, քեզի պատմելու էի վշտաց և հակառակութեանց շարք մը, զոր մեծ մարդը ստիպուեցաւ կրել իր մեծ գիւտէն վերջ ալ։ Բայց իմ ձեռնարկիս նպատակն ու վախճանը չէ պատմել Ամերիկայի բախտաւոր գտիչին արկածներն ու դըժ-բախտութիւնները։ Ուստի բան մը չպիտի ըսեմ անոր չորս ճամբորդութեանց վրայօք՝ դէպի նոր աշխարհը։ ոչինչ այն կատաղի փոթորիկի մասին՝ որուն ենթարկուեցաւ առաջին ճամբորդութենէն դառնալու ատեն։ ոչինչ նոյնպէս նախանձի, ատե-լութեանց և զրպարտութիւններու շուրջ՝ որոնք ծա-կեցին անցան, վիրաւորեցին անոր վեհ ու անվկանդ հոգին։ ոչինչ իւր երրորդ ճամբորդութենէն՝ յորում նախ գտած էր նոր աշխարհը, և իւր վերադարձին ի Ապանիա, ոմն Բոբագիլայի ստոր զրպարտութեամբ և հրամանաւ շղթայաղարկ՝ Յերտինանտ թագա-ւորին առջեւ հանուեցաւ։ Չեմ ուզեր դարձեալ բան մը գրել անոր չորրորդ և վերջին ճամբոր-դութեան վրայօք՝ երբ աղքատութիւն, մահացու-ցումներ և խեղճութիւն ստիպուեցաւ կրել՝ չունենալով նոյնիսկ այն բաւականութիւնը, այն միսիթարութիւնը որ նոր գտած երկիրը գոնէ իւր անուամբ յորդոր-ջուէր, ինչ որ եղաւ իրմէ աւելի բախտաւորին՝ Ա-մերիկոս Վեսպուչիին։

Քեզի պիտի ըսեմ միայն, ընթերցող, որ յոգ-նութենէն և չարքաշ կեանքէն տկարացած, բայց և այնպէս իւր թշնամեաց հալածանքներէն չընկճուած մեծն Քոլոմպոս, որուն գտած նոր աշխարհէն և տիրած երկիրներէն գետի պէս ուկի կը թափէր

յԵւրոպայ, մեռաւ աղքատ և լքեալ՝ ի Վալլադօլիդ
20 Մայիս 1506ին, վաթսուն և հինգ տարեկան։

Կարդալով այս քանի մը էջերը, ով ընթերցող,
անշուշտ սոսկացիր, տեսնելով թէ ինչպիսի անգը-
թութեամբ վարուած են այս հանճարեղ մարդուն
հետ և ինչպիսի ցածութեամբ զրպարտուած է ան։
Գուցէ յաճախ անգամ դուն քեզի հարցուցած ես
թէ՝ ի՞նչ բանի համար է հոս Քոլոմպոսի նկարա-
գրութիւնը, քանի որ առնշութիւն մը չունի այս
գրքոյկիս բովանդակութեան հետ։ Բարւոք, ես քեզի
նկարագրեցի Քոլոմպոսը՝ ոչ թէ աչքերէդ արցունք
խլելու համար անոր տիսուր շիրմին վրայ, այլ
քեզի ցուցնելու, ճանչնալ տալու համար՝ թէ որքա՛ն
ունայն և խաբերայ է մարդոց արդարութիւնը,
և հետեւաբար, որքա՛ն կարեւոր և բարձրագոյն՝
աստուածային արդարութիւնը։ Այսպիկ սովոր են
յախուռն դատել առանց նախապէս քննելու, և յա-
ճախ անգամ անարդար են՝ առանց նախապէս լաւ
մը զննելու դատապարտելնուն համար։



ԳԼՈՒԽ ԵՐԿՐՈՐԴ

ՎՃԻՌՆԵՐ ԱՌԱՆՑ ԴԱՏԱՍՏԱՆԻ

1.

ԱՆԱՐԴԱՐՈՒԹԻՒՆՆԵՐ
ՔՈՂՈՄՊՈՍԻ ԵՒ ՀԱԻՍՏՔԻ ՀԱԿԱՌԱԿ

Գրեթէ չորս դար առաջ, Փոլոմպոսի հակառակ մարդոց գործադրած անարդարութիւնը չեն ամչնար վերանորոգելէ նաեւ մեր օրերուն մէջ սուրբ կրօնքին նկատմամբ։ Կ'ուզեն դատապարտել կրօնքը իրեն հաւատոյ մասանց մէջ, իւր հաստատութեանց մէջ, իւր գործադրութեան մէջ՝ առանց ամենափոքր քննութեան, առանց զրեթէ զայն ճանչնալու։ Ինչպէս Փոլոմպոսի վրայ կը ծիծաղէին, կ'այպանէին անոր բերած փաստերը, յիմարութիւն կը համարէին անոր եզրակացութիւնները առանց լուրջ քննութեան ենթարկելու՝ այսպէս և ճշմարիտ Առաջնորդին, նոր Փոլոմպոսին որ Պետրոսի խորհրդական նաւին դե-

կավարն է, Աւետեաց Երկիրը հասցնելու համար զայն, կը ծաղրուին վարդապետութիւնները, յաւիտենական ճշմարտութիւնները և օրինագանց կը գտնուին իրեն պատուիրանաց պահպանութեան։ Մեզի եւս, ինչպէս այն ռամիկ նաւորդներուն, ըստոյգ նշաններ, յայտնի և ճշմարիտ առհաւատչեաններ չեն որ կը պակսին. մանաւանդ, մեր օրերու անկրօն մարդիկ թէպէտ չուզեն գոցել իրենց աչքերը և միտքը ակնյայտնի ճշմարտութեանց լուսոյն հանդէպ, այնու հանդերձ պէտք են համեմատել աստուածային յայտնութեանց բոլոր նկարագրութիւնները եկեղեցւոյ իր վարդապետութեանց հետ։

Դիւրին է ըսել. «Մարդկային գիւտեր են, քահանաներէն հնարուած հաւատոյ վարդապետութիւններ են, արհաւիրքներ են...» Բայց ապացոյց. ինչո՞ւ չեն քննուիր փաստերը։ Ինչո՞ւ այսչափ կարեւորութեան արժանի խնդիր մը առանց քննութեան շուտ մը կը դատապարտուի տգիտութեամբ, հպարտութեամբ և կիրքերով։ Մարդիկ, որոնք կ'ընկերանային Ամերիկայի մեծ գիւտն ընողին, տեսնելով ստոյգ նշանները զոր նա ապացուցած էր, չէին կրնար չհամաձայնիլ և չզիջանիլ. անոր ոտքը ինկան լալով և թողութիւն խնդրեցին։ Կարելի՞ բան է, որ ուզուի աչքերը գոց պահել այնքան զօրաւոր ապացոյցներու և փաստերու հանդէպ՝ երբ խօսքը կրօնքի մասին է։ Առանց կանխակալ կարծեաց թող քննուի հաւատքը, վասն զի հաւատքը վախ չունի պետութենէն՝ այլ տգիտութենէն։ զի հաւատքը աւելի դատապարտուած է տգէտ և կրքով լի նախապաշարումէ։

2.

ԴԱՏԱՊԱՐՏՈՒԹԻՒՆ ԱՌԱՆՑ ՔՆՆՈՒԹԵԱՆ

ՄԵԿ բան միայն, կ'աղաղակէր Տերտուղիանոս
տասնեւլեց դար առաջ՝ հեթանոս կայսերաց, մէկ
բան միայն կը պահանջէ հաւատքը – Զդատապար-
տել զայն ճանչնալէ առաջ։ Ամենայայտնի ոճրա-
գործներուն, ամենագոեհիկ շարագործներուն հա-
մար իսկ դատաստան տեղի կ'ունենայ, կը կանչուին
վկաներ, կը լսուի պաշտպանութեան ճառը, փորձ
մարդկանց խորհուրդը կ'առնուի... ասկէ աւելի ալ
ի՞նչ... նոյն իսկ շարագործին ալ կը հարցուի թէ
ի՞նչ ունի ինքզինք արդարացնելու համար։ Կը
քննուին նոյնպէս մահապարտները, որոնց վճիռը
նովին իսկ գործով տրուած է և դատապարտուելու
են։ Յատ անգամ բռնաւորներն իսկ տեսակ մը
դատաստան կ'ընէին նախկին քրիստոնէից, որոնք
արդէն նախապէս դատապարտուած էին մարտիրո-
սութեան։ Դատաստանական տարեգրութեանց մէջ
բնաւ չի կարդացուիր մէկու մը մասին՝ որ առանց
նախապէս քննուելու անոր յանցանքը՝ դատապար-
տուած ըլլայ։ Ընդհակառակը, երբ խօսքը կրօնքի
վրայ է հնդկահաւերու պէս կատարները կը բար-
ձրացնեն, կը զրպարտեն, հիմնուած սխալ ենթա-
դրութեան մը վրայ՝ կը վերագրեն եկեղեցւոյ այն-
պիսի վարդապետութիւններ, զորս յայտնապէս դա-
տապարտած է և երբեք սորվեցուցած չէ։ Ահա թէ

որպիսի թեթեւամտութեամբ դատաստան կը կտրեն
կրօնական հարցերու նկատմամբ։ Այս երկնքի ամեւ-
նասուրբ ծնունդը, կրօնքը, դատապարտուած է
քանի մը մարդոց կողմէ ոչ թէ համոզմամբ և
մանրակրկիտ քննութեամբ մը, և հետեւաբար զայն
հիմնապէս ճանչնալէ յետոյ, այլ տղայաբար, կուրօ-
րէն մղուած սխալ դատաստանով։

3.

ՏԳԻՏՈՒԹԻՒՆ ԵՒ ԱՆՀԱԻԱՏՈՒԹԻՒՆ

Տիկին մը կը ճանապարհորդէր։ Յոյց տալու
համար որ ինքն ալ նոր գլուխ – զարգացած տիկին
մ'է, ի ներկայութեան քահանայի մը կը հաստատէր
որ ինք բոլորովին անհաւատ է և թէ չի հաւատար
կրօնքին։ Ուղեկիցները զարմանքով մը միայն երեսը
նայեցան, իսկ քահանան լրջութեամբ դէպի տիկինը
դառնալով, ըսաւ անոր։

— Դուք, Տիկին, որ այդշափ վստահութեամբ
կը հաստատէք ձեր անհաւատութիւնը, անշուշտ
այս որոշ եզրակացութեան յանգած ըլլալու էք յետ
լուրջ և խոր ուսումնասիրութեան մը։ Կարդացած
պիտի ըլլաք Բօսիւէի երկասիրութիւնները, կամ
անոր «Հանդէս Կաթողիկէ հաւատոց» գիրքը, նոյն-
պէս կարդացած պիտի ըլլաք շատ մը էջեր նշանա-
ւոր և գիտնական Ֆենելոնի գրուածոց, ինչպէս
նաեւ Ֆրէյսինուսի քանի մը ճառերը կրօնքի մասին.
անկասկած ուսումնասիրած պէտք է ըլլաք Բերժիէի

գլուխ զործոց երկասիրութիւնները, զոր օրինակ, քրիստոնէութեան ապացոյցներուն ճշմարտութիւնները, Քրիստոնէական կրօնքի ջատագովութիւն, պատմական և վարդապետական ճառք ճշմարիտ կրօնքի վրայ, Դը Հոլբախի հերքումը բնութեան կարգի նկատմամբ. կարդացած պիտի ըլլաք...

— Կամաց, կամաց, ով տէր, խնդրեմ, շատ առաջ կ'երթաք. ես ժամանակ չեմ կորսնցուցած բնաւ այդպիսի գրքեր կարդալով:

— Ասկայն և այնպէս, յարեց քահանան, զոնէ կարդացած պիտի ըլլաք ու է քրիստոնէական վարդապետութիւն մը՝ դիւրըմբոնելի և ապացոյցներով գրուած:

— Ո՛չ, կարծես թէ ժամանակ ունէի այդպիսի փուճ բաներով զբաղելու և միտքս յոդնեցնելու:

— Բարւոք, քանի որ այդպէս է ձեզի խօսք մը միայն ոլիտի ըսեմ, որ թերեւս ցարդ մէկէ մը լսած չէք: Արդ, զիտցէք և ականջնուղ օղ ըրէք՝ որ թէեւ անհոգ և տգէտ կրօնական հաւատալեաց մէջ, սակայն երբեք դուք անհաւատ մը չէք: Աիրով սորվեցէք կրօնքը, առանց մոլար նախապաշարումներով խանդարելու ձեր միտքը, մէկ կողմ դրէք սխալ գաղափարները, և ահա պիտի համոզուիք իմ ըսածներուս:

Տիկինը շփոթած մնաց և լոեց:

Յիրաւի, եթէ կրօնքի ճշմարտութիւնները ուսումնասիրուին առանց նախապաշարման, այնքան պարզ և յայտնի են՝ որ առանց դեղեւելու պիտի հաւատացուին:

Խորհուրդներն իսկ որ չեն հակասել, այլ կը գերազանցեն մարդկային միտքը, չեն վարագուրեր մեր լոյս հաւատքը, վասն զի խորհուրդներն ալ կը բղխին նոյն անսխալ աղբիւրէն, Աստուծմէ, անսահման իմաստութենէն:

Վերջապէս մէկը պիտի համոզուի մեր սուրբ հաւատքի աստուածայնուրենէն:

4.

ՄԵԾ ՄԱՐՏԱՀՐԱԿԻՇ ՄԸ

Տերտուղիանոսի քրիստոնէութեան մեծ ջատագովին Հռովմայ կայսերաց ըրած առաջարկը, այսինքն թէ միայն օրինակ մը ցոյց տան, որով կուպաշտ մը խորապէս ուսումնասիրած ըլլայ քրիստոնէուրիւնը և դարձած ըլլայ, կրնանք մենք ալ ընել արդի անկրօնից.

«Գտէք, եթէ կարելի է, միայն մէկ մը ձեզմէ, որ հաւատքէն անհաւատութեան անցած ըլլայ՝ խղճի մտօք ուսմունք մ'ըրած ըլլալէ վերջ՝ մեր սուրբ կրօնքին վրայ և մենք ընդհակառակն մեծն կուպաշտ Տերտուղիանոսէն մինչեւ լա Հարպ Փիլիսոփան ձեզի պիտի ցուցնենք հազարաւոր անաստուածներ, զորսուսումը հաւատքի կոչեց և վերջինիս պէս պիտի ըսեն ամէնքը. Պարոնայք, քննեցէք ինչպէս ես ըրի ու դուք ալ ինծի պէս պիտի հաւատաք»:

Ասոր հակառակ դատաստան ընել, չափել, ձեւել կրօնքի և ձմարտութեան խորհուրդներու վրայ,

գրեթէ առանց զանոնք ճանշնալու, առանց սորվելու և ուսումնասիրելու, յաւակնոտութեամբ զայն դատապարտելը իմաստասիրութեան դէմ ծանծաղամտութիւն է:

Կը վիճաբանուի, պայքարներ կը յարուցուին մեր կրօնքի սուրբ խորհրդոց ամենադժուարին կէտերու վրայ, առանց աստուածաբանութեան տարրական ուսում մ'ըրած ըլլալու, մանաւանդ թէ բոլորովին անսուաղ այդ գիտութենէն։ Զարմանք չէ ուրեմն, եթէ անձ մը կ'ուրանայ հաւատքը զոր չի ճանշնար և անոր հաստատութեանց և յայտնութեանց մասին գաղափար մ'ունի՝ առանց անոր ամենամեծ փաստերուն թափանցելու։

5.

ԵՐԻՏԱՍԱՐԴ ԱՂԵՔՍԱՆԴՐ ՄԱՆՅՈՆԻՆ

Այս մտաց թեւերով թոշինք Փարիզ երթանք։ Հոն 1805ին հազիւ քսանամեայ իտալացի երիտասարդ մը կը գտնենք օժտուած դեռ անծանօթ՝ սակայն կորովի տաղանդով մը, որով հայր պիտի հանդիսանար իտալական նոր մատենագրութեան։ Իր «Աղատութեան Յաղթանակ» փոքրիկ քերթուածը, թէեւ սնոտիաբանութիւն մ'է հնգետասանամեայ պատանիի մը, բայց և այնպէս իր թագուն հանճարը մեծ խորհողներու թոիչքն ունի, գիտութեան պաշտամունքը՝ ծածկուած։

Եւ ահա թէ ինչ կը պատահի։ Անցեալ դարու

սկիզբը Փարիզ կը խայտար Նապոլէոն Բոնարարտի փառքերով։ Մեր երիտասարդը Գրոսելոյ հրապարակի փոշիներու ամպովն է ծածկուած, ուր նոր Կեսարը իւր դիւցազն բանակին զօրահանդէս կը կատարէ։ Նա խլացած է զինուց շաշիւնէն ափ ի բերան եղած և շլացած սպառազինելոց ոսկեճամուկ տարազներէն։

Մեր երիտասարդը կը սիրէ նաեւ խառնուիլ հանձարեղ ականաւոր անձանց շարքին, իմաստնոց կաճառին։ Կը խօսի Վոլնէյի հետ, որ «Աւերակաց» կոչուած երկասիրութեան հեղինակն է, կը բարեկամանայ սերտիւ կափանխոխն, Գարային, Դը Թրասիի, Ֆորիէլի, միով բանիւ կը մտնէ դաղղիական փիւխոփայական միութեան կազմին մէջ։ Այլ աւազ, զի այն փիւխոփաները սկեպտիկական են, անհաւատ, նիւթապաշտ, աղատախոհ աղանդէն են. մեր իտալացին ալ աղատախոհ մ'է իր երիտասարդութեանը։

Մայրը որ Կեսար Բեկկարիայի աղջիկն էր, Փարիզ գնացած էր որդւոյն հետ։ Հոս յաճախ երեկոները այցելութիւն կուտար Հանրի Գրէդուար Բլուայի հոչակաւոր եպիսկոպոսը, նախկին ներկայացուցիչ ժողովրդեան խորհրդարանի (Convention), և դիտնական տիկնոջ հետ կրօնական նիւթոց վրայ կը բանախօսէին որդւոյն ներկայութեանը։

Պատանին որ անհաւատութեան իմն ունէր իր հոգւոյն և ի ներքոյ շրթանց անոր թոյնը՝ չէր կը նար անվրդով մտիկ ընել, ուստի արհամարհութեամբ կը ժպտէր կամ Վոլոդիրեան հեղնանքով կը վիրաւորէր մեծ Հովիւը։

Յարգելի ծերունւոյն խօսքը պարապի չելաւ և հեղձուցիչ փուշերու մէջ չինկաւ։ Ամիս մ'անցած էր անկից ի վեր։ ահա երիտասարդ Մանձոնի երեկոյեան մթնշաղին սուրբ Ոտքոսի անուան նուիրեալ եկեղեցին կը մտնէ և խորանի մը առջեւ ծունկի կուդայ։

Մինչեւ հոս հասած էր, յետ խորապէս մտածելու և խորհրդածելու գաղղիացի եպիսկոպոսին աղդարարութեան վրայ . . .

«Երօնքը արհամարհելէ առաջ պէտք է ուսումնասիրել զայն և խոկալ»։

Խորապէս մտախոհ, բազմահոգ և գրեթէ լաւագին, աչքերը վեր կը բարձրացնէ, և առանց իսկ ակնարկելու իր շուրջը գտնուած առարկայից վրայ, փնտոելով ի վերուստ աստուածային լոյսը, կ'աղաղակէ։

— Աստուած իմ, երե կաս՝ ձանցուր զքեզ ինձի։

Այսպէս կ'աղօթէ և Աստուած իրեն դիմողին կը յայտնուի։ Երիտասարդը ծնրադրած տեղէն կ'ելլէ բոլորովին փոխուած։ կը վերադառնայ մօրը ու կը յայտնէ որ իտալիա վերադառնալ կ'ուզէ։ Բոլորովին փոխուած։ ազատամիտը դարձած էր քրիստոնէական լոյս հաւատքը յարգելու։

Զէք ճանշնար Աղեքսանդր Մանձոնին, Փարիզի սուրբ Ոտքոսի եկեղեցւոյն մէջ աղօթողը։

Նա Հենրիկոս Գրէգուար եպիսկոպոսը ծաղրողնէ, իսկապէս ինքն՝ ազատախոհն է։ Կընաֆ այլեւս գտնել իր մէջ անաստուած Վոլնէի, նիւթապաշտ կարանիսի և Աէնի անկրօն փիլիսոփայից մոլորու-

թեանց հետքը։ Բնաւ երբեք։ Բայց ի՞նչ կ'ըսեմ։
Հաւատքի բուռն տենչանօք ի սրտէ կոչած Աստուա-
ծը, միթէ ինքզինքը անոր ճանշցնել տուած չէր։
Միթէ չի տեսնուիր, որ նա ճանշցած էր զԱստուած
իր յօրինած սրբազան տաղերուն, իր թատրերդու-
թեանց, անոր «Խօսեցեալք»ը գլուխ գործոց երկա-
սիրութեան և «Կարողիկէ Բարոյական»ը յորջորջեալ
գրքերուն մէջ։ Այս բաւական չէ։ Մանձոնին որ
իսպառ մէկ կողմ թողուց ազատամիտ աղանդին
գաղափարը և եռանդուն կաթոլիկ դարձաւ, արդեօք
իր կորովի հանճարին վեան մը բերաւ, կամ քաղա-
քական աշխարհի արհամարհանացն արժանացաւ։
Ոչ երբեք։ Քաղաքական աշխարհը կը խոնարհի
կաթողիկէ Մանձոնիի առջեւ իբրեւ հոչակաւոր մա-
տենագրի, իսկ Խտաւացիք կ'ողջունեն Մանձոնին
իբրեւ իրենց մատենագրութեան փառքերէն և պար-
ծանքներէն մին՝ ամենէն գեղեցիկը։

6.

ԱԿԱՆԱԻՈՐ ՄԱՐԴՈՅ ՇԱՐՔ ՄԸ

Ինչպէս Մանձոնին, այսպէս բոլոր մեծամեծ
անձինք, յետ սորվելուսուրը Կրօնքը և իր հիանալի
ապացոյցները, յետ ճանչնալու սուրբ հաւատքը իբ-
րեւ աստուածային յայտնութիւն, խոնարհաբար
ծունք դրին, իրենց հանճարը խոնարհեցուցին անոր
ոտից առջեւ և հաւատացին։ Աստուած եկեղեցւոյ
միջոցաւ խօսեցաւ և Վիկոյ, Մալրրանց, Դէկարտ,

Բակոն . . . խոնարհեցուցին իրենց հանճարեղ միտքը՝
Եկեղեցին ներկայացուց մարդոց, գերբնական ճշշ-
մարտութեանց որակութիւնը և Կոռնէլ, Ռասին,
Տասսոյ, Գանտէ . . . հաւատքի սաղմոսներ յօրինե-
ցին և երգեցին տասնաղեաւ և փանդիոններով։ Ելան
Տիւրէններ, Կոնդէններ, Փիլիբերդներ և ուրիշ
հազարաւոր դիւցազներ՝ իրենց զօրեղ սուրերով կրօն-
քի ճշմարտութիւնը պաշտպանելու համար։ Եկեղե-
ցին ճանչցուց մարդոց գերագոյն ճշմարտութիւնները
և Ուաֆայէլ, Կօրրէճճիոյ, Միքէլանձէլոյ և ուրիշ
շատեր իրենց վրձինով կեանք տուին քրիստոնէա-
կան վսեմ և գերազնիւ դաղափարներուն, ներկա-
յացնելով ապագայ սերունդին գեղարուեստական
աշքերուն՝ կրօնքի փառապանծ վեհութիւնները։ Կո-
պեռնիկոս, Կէպլէր, Գալիլէոյ, Քոլոմպոս և բազ-
մաթիւ, անհամար փաղանգ մը իմաստնոց՝ կրօնքին
ենթարկեցին իրենց հրաշալի դիւտերը։ Աստուծոյ
քարոզութեան նուիրեցին իրենց պանծալի գրիչները
Ուկերերան, Օգոստինոս, Դպրոցներու հրեշտակ սուրբ
Թովմաս Ագուինացի, Պասկալ, Բոսիւէ, Ֆենելոն
և հաղարաւորներ։ Աստուած Եկեղեցւոյ բերնով
խօսեցաւ և միլիոնաւոր մարտիրոսներ իրենց արեամբ
վկայեցին յայտնութեան աստուածայնութիւնը։

Պիտի չկրնայի լմնցնել եթէ թուել ուղէի բոլոր
աշխարահռչակ հանճարները, որոնք յարգանօք խո-
նարհեցուցին իրենց միտքը հաւատքի ճշմարտութեան
առջեւ, բոլոր դարերու մէջ և քաղաքական աշխարհի
ամէն կողմը։

Ի՞նչ խեղճ և ողորմելի կերպարանք մը չեն

առներ արդ, այս վեհ, անթիւ գիտնական և ակա-
նաւոր մատենագիրներու, արուեստագէտներու և
իմաստուններու հանդէպ... մեր եղկելի գիտնականք
և ոչընչութիւն չեն դառնար... Ով որ քիչ մը տրա-
մաբանութիւն ունի կրնայ դատել:



ԳԼՈՒԽ ԵՐՐՈՐԴ

ԽՈՐՀՐԴԱԿԱՆ ԼԵՇԸ

1.

ԽԱԻԱՐԵՆ ԼՈՅԸ

Ամայի դաշտի մը մոլորական և միայնակ գիշերային խոր մթութեան մէջ կ'ընթանար նազենի օրիորդ մը։ Ով որ քիչ մը ուշադրութեամբ դիտէր, իսկոյն պիտի նկատէր անոր դէմքէն՝ որ ազնուական ազգատոհմէ օրիորդ մ'էր և որ անծանօթ պարագայից բերմամբ իր նախկին մեծութենէն ինկած էր։ Կը շրջէր շփոթած, վախով, կը դողար, ու երբ անծանօթ արահետէ մը յառաջանար՝ իսկոյն ետ կը դառնար տխուր և անմիսիթար։

Հասաւ վերջապէս սեպաձեւ լերան մը ստորոտը և տեսնելով անոր գագաթը անսովոր ու խորհրդաւոր լոյս մը՝ սրտին մէջ բուռն բաղձանք մը զգաց հոն բարձրանալու։ Անձկանօք բոլորտիքը նայեցաւ

տաժանելի վերելքին առաջնորդ մը գտնելու համար։
Ոչ զոք գտաւ, վերստին սկսաւ նայիլ լուսոյն որ
մերթ ընդ մերթ կ'արծարծէր և լուսաւոր կը դառ-
նար։ Այս տեսութենէն նոր ոգի առնելով, բոլորո-
վին առանձինն սկսաւ տաժանելի զառիվերէն բար-
ձրանալ։ Իր բաղձանքները հոն էին, իր վախճանն
էր հասնիլ կատարը, տեսնելու և մօտէն հետազօ-
տելու համար խորհրդաւոր լոյսը։

Անփորձ աղջկան կրած տագնապալից վտանգները,
երկիւղալից անկումները, սարսուոր որով ճնշուած-
էր, անստոյգ վիճակը յորում կը գտնուէր, աւելի
դիւրին է երեւակայել քան թէ նկարագրել։ Բազում
անգամ մոլորեցաւ ճամբան, անգէտ թէ ո՛ր արա-
հետը ընտրէր, մինչ խորհրդաւոր լոյսն աւ իր աշ-
քէն կ'անհետանար։

Իր մէջ քաջութիւնը կը դառնար՝ երբ անակըն-
կալ կերպով կը վերարծարծէր լոյսը։ Բայց շուտով
մթութիւնը աւելի թանձրացաւ, ու խեղճ, անզգոյշ
օրիորդը վհատած, ծոած, սկսաւ կորսնցնել ուժերը։
Վերջին ճիգ մ'ալ ըրաւ, ապա լքաւ և ինկաւ ճամ-
բուն վրայ, աղաշելով երկնքին որ ապահով և ստոյգ
առաջնորդ մը խաւրէ իրեն։

2.

ՀՐԱՇԱԼԻ ԵՒ ՃԵՄԱՐԻՏ ԱՌԱՋՆՈՐԴԸ

Վերջապէս, երբոր խսպառ սրտարեկած և յու-
սահատած էր, զգաց որ ձեռք մը զինքը շարժեց և

ազնիւ ու սիրալիր ձայն մը զինքը քաջալերեց շարունակելու ճամբան, խոստանալով զինքն առաջնորդել ուղիղ և ստոյգ ճանապարհին վրայէն։ Բոլորտիքը նայեցաւ խեղճը ու շփոթած՝ աչքերը սեւեռեց վըստահութեամբ անոր երեսին, որ շատ յարմար ժամանակին իրեն սատար կը հանդիսանար։

Հասակով բարձր էր, ճոխաբար զգեստաւորուած, ճակատին վրայ շքեղ ադամանդ մը կը կրէր և վսեմ քալուածք մ'ունէր։ թագուհիի մը կը նըմանէր, մանաւանդ թէ երկնային հրեշտակի մը։ Աւ տարակոյս չկար։ Աստուած ի գութ շարժեալ թըշուառին վրայ՝ անոր օգնութիւն մը կը դրկէր, ոահահորդ մը՝ որուն կրնար վստահիլ։

Միասին սկսան այն դժնդակ վերելքը, և օրիորդը վստահութեամբ լեցուած դէպի իր ուղեկիցը, քաջալերուած էր և յոգնութիւն չէր զգար, կը սորվէր երթալիք ուղիղ ճանապարհը և վտանգները յորոց խուսափելու էր։ Շատ շուտով ոգի առաւ հէք ճանապարհորդը։ Հարցուց իր ուղեկցին երեւցած լուսոյ մասին, անոր յատկութեանց նկատմամբ, ինչ որ լերան կատարը տեղի կ'ունենար։ Հասնելով վերջապէս լերան գլուխը, իսկոյն բոլոր մարմնով շրջապատուեցաւ լոյսէ, ուրախութենէն զմայլած՝ ձեռքերով աչքերը ծածկեց, վասնզի լուսոյ ազդեցութենէն կը խողտէին։

Սիրոյ և երախտագիտութեան խօսքերով շնորհակալ եղաւ իր կարապետին որ ուղեկցած էր իրեն, որ մատնանշած էր լուսոյ կեդրոնը և որուն հրաշալի տեսքէն սքանչացած էր օրիորդը։

— Հոն, ըստ անոր, պիտի գտնուիս օր մը և
երանի քեզի այն ատեն երբ որ պիտի ճանչնաս
այն լուսոյ իսկութիւնը. երանելի պիտի ըլլաս, պիտի
թաղուիս անսպառելի ուրախութեան և ցնծութեան
մէջ, որ բնաւ պիտի շլմննայ և միշտ պիտի աւելնայ
այն երանութիւնը . . . :

Սիրելի ընթերցող, կարդացածդ ստոյդ է և
տեղի ունեցաւ ուրիշ կարգի մէջ և ոչ թէ բնական
կարգի մէջ, թոյլ տուէք ինձի միայն՝ բացատրել
այս նմանութեան այլաբանական իմաստը։ Աղջա-
մուղջը, խաւարը իսկապէս այն էր, յորում կը գըտ-
նուէին մեր նախնիքը. անփորձ, ազնուական և ան-
կեալ օրիորդը մարդկային խեղճ միտքն է։ Կա-
հեռուէն, գրեթէ լերան մը գլուխը ճշմարտութեան
լոյսը կը տեսնէ, սակայն չկրնար ժառանգել և մօ-
տէն վայելել, վասնզի ճանապարհը դժնդակ էր և
քարոտ ու անծանօթ։ Ճշմարտութիւնը լուսոյ փայ-
լատակի նման կը շանթէր, կը փայլատակէր կոա-
պաշտութեան և հեթանոսութեան մթագին հորիզոնին
վրայ։

Անկարելի է նկարագրել մոլորութիւնները յորս
ինկաւ մարդը՝ երբ միայն մարդկային մտաց ուժով
յաւակնեցաւ փնտոել ճշմարտութիւնը և գտնել։
Ամենամեծ փիլիսոփաները սխալեցան մեծապէս,
ուզելով սահմանափակել մարդուս ծագումը, բնու-
թիւնը և վախճանը։ Կամ Աստուծոյ էութիւնը մեր-
ժեցին և կամ անթիւ աստուածոց էութիւն երե-
ւակայեցին, սխալելով միշտ աստուածային ստորո-
գելիքները սահմանելու մէջ։ Այն բոլոր աստուած-

Ներու ծննդաբանութիւնը, կ'ըսէր Վոլթէռ, բոլորն
ալ այնքան սուտ էին, որքան որ սուտ մարդոց
ազգաբանութիւնները, որոնք ամէն օր կը բազմա-
պատկուին: «Հազար և մեկ զիշեր»ներու արժանաւոր
առասպելներ, որոնք Յունաց և Հոռվիմայեցւոց
կեանքի էութիւնը կը կաղմէին:

3.

ՄԱՐԴԿԱՅԻՆ ՄԻՏՔԸ ԵՒ ՃՇՄԱՐՏՈՒԹԻՒՆԸ

Խեղճ մարդկային միտքը կը Մջէր մոլար պատ-
ճառաբանութեանց շրջանակին մէջ, ինչպէս եղկելի
տարաբախտը, զոր առասպելը նկարագրեր է կրե-
տէյի անել լապիւրինդոսի մէջ, առանց Արիաննայի
չուանին: Մարդկային անզօր բանաւորութիւնը կը
ջանար ամենաղժուարին զառիվերը մագլցելով բար-
ձրանալ մեծ իմաստասիրաց միջոցաւ: Ի զուր կը
փնտոէր ճշմարտութիւնը, վասն զի միշտ ողբոց ար-
ժանի և տիսուր մոլորութեանց մէջ կ'իյնար: Բոլո-
րովին վհատած էր, լքեալ և սրտաբեկ. երկնքէն կը
խնդրէր ճշմարիտ և ստոյգ կարապետ մը, առաջնորդ
մը: Եւ այսպէս, ի միջի այլոց Սոկրատ կ'ըսէր.

— Ահ յուսաք բնաւ թէ կը յաջողիք մարդոց
բարոյից վերանորոգութեան, եթէ Աստուած չի հաճի
դրկել մէկը՝ որ իր հրամանաւ իր օրէնքները սոր-
վեցնէ ձեզ:

Պիւդագորաս կ'ըսէր.

— Յայտնի է քէ մարդս՝ պարտական է ընկերու ինչ

որ համելի է Աստուծոյ, բայց անկարելի է որ մեկը զայն ձանձնայ (այսինքն՝ ինչ որ համելի է Աստուծոյ), եթե ոչ անիկա որ իսկական Աստուծուն սորված է, կամ ոգիներէն և կամ թէ աստուածային լուսով լուսաւորուած է:

Պղատոն ալ, հեթանոսութեան ամենավեհ հանձարը, յետ գրելու խորիմաստ էջեր Աստուծոյ էութեան և Անոր բնութեան վրայ հետեւեալը կը գրէր իր «Եպամինոնդա» (Eraminonda) երկասիրութեան մէջ. «Կրօնքը, այսինքն Աստուծոյ սէրը և պաշտամունքը ոչ ոքէ կրնայ ժառանգուիլ, եթէ սորվեցընող մը շըլլայ. արդ ոչ ոք պիտի կրնայ զայն սորվեցնել եթէ Աստուած օգնութեան չգայ»։ «Երկրորդ Ալիիպիադէս»ին մէջ, նոյն իմաստուն փիլիսոփան, չգիտնալով թէ ինչպէս յարգելու էր զԱստուած և ոչ ալ անոր հաւատալու կերպը, կ'ըսէր համարձակ. Լաւ է որ սպասուի, որպէս զի նա ինքն Աստուած սորվեցնէ։ « Մեր բռնելիք ճամբան սպասելն է համբերութեամբ որ մէկը դայ սորվեցնելու մեզի ձեւը, որով մենք պարտական ենք աստուածներու և մարդկանց հետ վարուիլ։ Բայց Ե՛րբ պիտի հասնի այս օրը և ով է այն՝ որ մեզի պիտի սորվեցնէ այս ամէն բաները։ Ո՞հ, որքան հաճութեամբ պիտի տեսնէի այն մարդը՝ ով որ ալ ըլլար. ո՞հ, թող շուտով գայ, ես պատրաստ եմ ընելու ինչ որ նա հրամայէ, և կը յուսամ թէ զիս լաւագոյնի կը դարձնէ։ Թող գայ այս աստուածային օրէնսդիրը քանդակելու համար հրեղէն դրոշմով մարմարիոնի և պղնձի վրայ իր հին օրէնքները՝ զորս կիրքերը

և նախապաշարումները մարդկանց սրտէն ջնջեցին,
թող գայ աշխարհի չորս կողմը հրատարակէ զանոնք,
և թող փարատէ բոլոր խաւարը»։

4.

ԱՍՏՈՒԱԾՍՅԻՆ ՅԱՅՏՆՈՒԹԻՒՆԸ
ԵՒ ԵԿԵՂԵՑԻՆ

Ինչպէս որ այն օրիորդը իրեն առաջնորդ և
ճամբայ բացող ունեցաւ լուսաւոր, վսեմ և չքնաղ
թագուհին, այսպէս ալ մարդկային խեղճ միտքը
ունեցաւ Յայտնուրիւնը որ կարապետեց, առաջնոր-
դեց մարդոց անստոյգ քայլերուն և զանոնք տարաւ
սիրալիր եղանակաւ ապահով և հաճոյալից ճանա-
պարհէ մը, դժուարամատչելի խորհրդաւոր լերան
գագաթը, անոնց ճանչցուց աւելի լաւ ըմբռնելու
զայն և ժառանգելու։

Արդ ի՞նչ պիտի ըսէիք այն օրիորդին, եթէ
անքաղաքավար ձեւերով իրմէ հեռու վոնտէր ճըշ-
մարիտ առաջնորդը։ Եւ առանց ուրանալու ու երախ-
տագէտ ըլլալու այն բարեկամական անձնուիրու-
թեան համար, աւելի նախադասէր մոլորիւ ուղիղ
պողոտայէն, չգնահատելով և չճանչնալով անոր
բարեացակամ ծառայութիւնը։

Ահ, անկարելի է հեռաւորապէս իսկ երեւա-
կայելն յանձին այնպիսի ազնիւ օրիորդի մը՝ այդ-
պիսի անարժան սիրտ մը, այդպիսի գոեհիկ զգա-
ցում մը և անխելք գործ մը։ Եւ սակայն ցաւով

պէտք ենք հաստատել թէ քիչ չեն այնպիսի անձինք որ այնքան ապերախտ և անգէտ Աստուծոյ բարութեան, որ ուզեց խաւրել մեղի ապահով կարապետ մը, ինչպէս է աստուածային Յայտնուրիւնը, զոր մինչեւ անգամ կը յաւակնին արհամարհել և ուրանալ անոր ամենազեղեցիկ պարծանքը, որ է իսկապէս երկնային և աստուածային ծագումը:

Մինչդեռ Աստուած ի գութ շարժելով խղճաց մարդկային ազգին՝ որ կը խարիսափէր մոլորութեան և մութի մէջ, կը յայտնէր մարդոց այն ճշմարտութիւնները որոնց պէտք էին հաւատալ։ Ոմանք թշուառ եղկելիներ հոն հասան՝ որ մինչեւ անգամ կուրութեամբ ուրացան Յայտնուրեան գոյութիւնը, պնդելով ձրիաբար թէ հաւատոյ ճշմարտութեանց մասը մարդկային գիւտ է և թէ անոր ծագումը Աստուծմէ չէ։ Ոմանք ալ կ'ուզեն մարդկային միտքը հասցնել մինչեւ նախկին հեթանոսաց ժամանակը, ուրանալով հրաշափառ և զարմանասքանչ ծագած լոյսը։ Բայց խաւարը փարատեցաւ, վասն զի Աստուած ի սկզբանէ խօսեցաւ մեր նախնեաց մարդարէից բերնով, և այժմ մեղի՝ իր Որդւոյն միջոցաւ. «Ի վախճան աւուրցս այսոցիկ՝ խօսեցաւ ընդ մեզ Որդւով» (Առ Երրայեցիս Ա. 1) որ երկնքէն երկիր իջնելով մարդոց լոյս հանդիսացաւ, լոյս մը որ խաւարի մէջ կը փայլի յայտնելով Եկեղեցւոյ այն ամէն բան՝ որոնց մարդս պէտք է հաւատայ, և պատուէր տալով անոր որ շարունակէ զայն ուսուցանել ազգաց և ազանց։ Ոչ, բաւական չէր լոկ յայտնութիւնը, այլ անտնօրինելի էր որ ըստ նաեւ

ստոյգ և անսխալ աւանդապահ մը, ճանշցնելու համար այլ և այլ ազգաց սերնդոց ամէն մէկ անհատ ներուն, ճշմարտութիւններն որոնց պէտք էին հաւատալ: Ուրեմն Եկեղեցին է որուն դիմելու ենք ճանչնալու համար անկէ ճշմարտութիւնները զորս Աստուած իրեն յայտնեց: Կոյնիսկ Լուտեր, օր մը ստիպուեցաւ զայն ճանչնալ. «Ո՞վ որ Փրիստոսի մասին բան մը գիտնալ ուզէ, պէտք չէ ինքն իրեն վստահի և ոչ առ յաւակնի կամուրջ մը շինել երկրէս մինչեւ երկինք՝ իր բանականութեամբը, այլ պէտք է Եկեղեցւոյ դիմէ և անոր հարցնէ»: Եկեղեցւոյն միայն պարտական ենք դիմել աստուածային յայտնութիւնը ճանչնալու համար, զի հաւատքի մթերանոցը անոր քովն է: Երբ մէկը հաւատքի կանչել ուզեց և արտաքոյ կարգի եղանակաւ մը, փոխանակ ուղղակի լուսաւորելու՝ սովորական միջոց մը ձեռք առաւ, որ է Եկեղեցին և անոր պաշտօնեաները, զանոնք անոնց ուղղելով: Այսպէս ըրաւ սուրբ Պօղոսի, խաւրելով զինքն Անանիային, կուռնելիոս հարիւրապետին՝ յղելով զայն առ սուրբն Պետրոս, այսպէս Եւստաքէոսին հետ վարուեցաւ առաքելով զնա առ սուրբ Յովհաննէս եպիսկոպոս՝ որ զինքը մարզէ, դաստիարակէ հաւատոյ ճշմարտութեանց մէջ:



5.

ՄԱՐԴՈՒՄ ԱՊԵՐԱԽՏՈՒԹԻՒՆԸ
ԵՒ ՏԳԻՏՈՒԹԻՒՆԸ

Արդ ովկ կրնայ հաւատալ . աստուածային յայտ-
նութեան պարգեւէն ետքը, Աստուած որ արժանի
սեպեց սորվեցնել մեզի մեր հաւատալիքները, մատ-
նանիշ ընելով անսխալ և ստոյգ ուսուցիչ մը, կ'եւեն
մարդիկ չարամտութեամբ կործանել, եթէ կարենան
նոյնիսկ հաւատքի ամենամեծ շէնքը, տարակոյաներ
հանելով Եկեղեցւոյ սորվեցուցած վարդապետութեան
վրայօք։ Զկրնալով լրբութեամբ ուրանալ և հակա-
ռակիլ ինչ որ ի դիմաց Աստուծոյ մեզ կը պարտա-
դրուի հաւատալու, կը ջանան խանդարել մտքերը
թէ ինչ որ Եկեղեցին մեզի իրը հաւատոյ ճշմար-
տութիւն կ'առաջարկէ աստուածային յայտնուրիւն
չէ, այլ մարդկային գիշտ։ Քահանաներն են (այս-
պէս կը բացագանչեն արդի անհաւատք), քահանա-
ներն են որ հնարած են հաւատոյ մասերը և կո-
թողիկէ կրօնքին մէջ բովանդակուած վարդապետու-
թիւնները։



6.

ՆԵՐԿԱՅ ԳՐՔՈՅՑԿԻՍ ՎԱԽՃԱՆԸ


Գրքոյկիս վախճանն է ապացուցանել թէ, ինչ
որ Եկեղեցին մեզի կ'առաջարկէ հաւատալու համար,
իսկապէս Աստուծմէ յայտնուած ճշմարտութիւնն է
և հետեւաբար աստորածային յայտնութիւն է:

Աստուած այնպէս կարգադրեց որ աստուածա-
յին յայտնութեան առհաւատչեայք, վկայութիւնները
այնպէս բացայայտ ըլլային և այնպէս յայտնապէս
ապացուցանէին աստուածային ծագումը, որ տա-
րակուսելու տեղիք մը չմնայ, ի բաց առեալ այն
պարագայէն եթէ մէկը կոյր և յամառ չարութեամբ
ուզէ լուսոյ առջեւ իր մտաց լուսամուտները գոցել:
Ակսելէ առաջ կը կանխեմ ըսել, որ յանուն Հաւա-
սոյ կ'ուզեմ ըոլոր ճշմարտութիւնները հակիրճ
եղանակաւ առաջի աչաց դնել, որոնց պէտք ենք
հաւատալ և թէ Եկեղեցին մեզի զանոնք կը սոր-
վեցնէ: Արդ, ձեռք կը զարնեմ ապացուցանելու որ
այս ճշմարտութեան հիմը մարդկային գիւտ չէ:
Աւելի բացատրութեան համար ներկայ նախադա-
սութիւնը կ'ընեմ.

«Աստուածային է և ծագում ունի Աստուծմէ
այն հաւատքը՝ որ աստուածային ծագման նկարա-
գիրն ունի. արդ այն ամէն բանի որ կը հաւատանք
հաւատոյ ճշմարտութեանց միութիւնը կը կազմէ,
ունի իսկապէս գրաւականը, վկայութիւններն որոնք

ապացոյց են աստուածային յայտնութեան, ուրեմն
այն ամէն բանի որ կը հաւատանք ուղղակի Աս-
տուծմէ կ'իջնայ և է աստուածային յայտնութիւն»։

Առաջին նախադասութիւնը ինքն իրմով յայտ-
նի ըլլալով, պէտք չունի ապացուցման։ Եթէ հա-
ւատքը մեզի կ'ընծայէ ստոյդ և յայտնի նկարագիրը
իր աստուածային ծագման, ստուգիւ ոչ սակաւ յի-
մարութիւն է մերժել զայն և անոր յայտնութիւնը
ու վերագրել մարդուս՝ որպէս անոր հեղինակը։
Հաստատելով այսպէս աստուածային յայտնութիւնը
այն ճշմարտութեանց զորս սուրբ Եկեղեցին մեզի
կը սորվեցնէ, պիտի հաւատանք հաստատապէս,
վստահելով Աստուծոյ խօսքին որ անսահման կերպով
հեղինակաւոր է և ճշմարիտ։



ԳԼՈՒԽ ԶՈՐՅԱՐԴ

ՇՈԳԵՄԵՔԵՆԱՆ ԵՒ ԵՐԿԱԹՈՒՂԻՆ

1.

ՇՈԳԵԿԱՌԵՔԻ ԵՐԿՐՈՐԴ ԿԱՐԳԻ ՄԸ ՄԵԶ

Հոռվմ ենք և ճիշդ երկաթուղւոյ կայարանը։
Ամառնային շոգ օր մ'է։ Մարդոց արագաքայլ շարժումը, եռուղեռը, գոյքերու հապճեպ փոխադրութիւնը, խլացուցիչ և շփոթ պոռալները, և ամենէն աւելին՝ տեղաշարժի կաթսաներու մէջ ջրոյն խոխոջանօք եռալը, քեզի կ'ըսեն յայտնապէս՝ որ շոգեկառքը մեկնելու մօտ է։ Արդէն կը լսուին նշան տուող զանգակի հարուածները, փողի մը սուլոցը, յետոյ երկու ներդաշնակ շշիւն սուր և երկարեալ...
Երջանի առաջին արտահոսումները, և ահա տեղաշարժը կառքերու երկայն շարքերով շարժման մէջ է, կը թողու կայարանը վսեմութեամբ, կարծես թէ

Հանդերձեալը և զարմանալի գիշտերը

զայրացած վարդելով ձեպընթացը դէպի ընդարձակ դաշտավայրը:

Երկրորդ կարդի համեստ յարկաբաժնի (couplet) մը մէջ սպրկիկ հագուած քահանայ մը և երիտասարդ մը նստած էին: Երկուքն ալ դէմ առ դէմ նստած լուռ կը մնային: Այս շոգեմեքենան սուլելով, մուխի ալիքներ ժայթքելով կը կտրէր կ'անցնէր արագութեամբ Հոռվմէական բլրազարդ դաշտավայրը, քահանան՝ ի ձեռին սեւակող գրքոյկ մը, ոսկեզօծ կտրուածով, աղօթքներ կը մրմնջէր մեղմաձայն, Երիտասարդը զգալի կերպով անհանգիստ էր անոր մելամաղձոտ և անխօս ընկերութենէն: Խեղճը կը նախատեսէր անհամ և ձանձիր ճամբորդութիւն մը: Անցուցին լոռութեամբ երեք քառորդ երկայն ժամ՝ մին աղօթքով իսկ միւսը անհամբեր և ձանձրոյթով:

Քահանան վերջապէս լմնցուց աղօթքը, ու երիտասարդը, թէեւ քահանայից հակառակ, սակայն և այնպէս, ճանապարհի նեղութիւնը թեթեւցնելու համար, կը փութար որ և իցէ խօսակցութեան մը սկսիլ:

— Ո՞ֆ, շոգ է, — երիտասարդին առաջին բառերն եղան, — այսքան արագութեամբ կը ճամբորդենք, այնու հանդերձ ճամբորդութիւնը միշտ ձանձրացուցիչ է, այնպէս չէ:

— Այո՛, պատասխանեց քահանան, իրաւունք ունիք, բայց ես կը նախաղասեմ այժմեան շոգեկառքերու կարճ և ոչ միշտ ճշմարիտ ձանձրոյթը, քան թէ այն վտանգները և ձանձրոյթները զորու կը զգային հին ատեն՝ երբ կը ճամբորդէին:



2.

ՇՈԳԵԿԱՌԻ ԳԻՒՏԵՆ ԱՌԱՋ
ԻՆՉՊԵՍ ԿԸ ՃԱՆԱՊԱՐՀՈՐԴԻԿԻՆ

Հին ատեն աղէկ կառքով մը արշալոյսէն սկսեալ
մինչեւ գիշերը, քառասուն մղոն հազիւ կրնային
կտրել անցնիլ: Գրեթէ տասնըմէկ օր կը դնէին թու-
րինօյէն Վենետիկ երթալու համար: Ընդհակառակն
այսօր տասը ժամ և քսան վայրկեանէն կը հասնի
մարդու: Ճանապարհակառքին մէջ տեղ ունենալու
համար երեք շաբաթ առաջ կանխավճար մ'ալ տեղի
ունենալու էր. իսկ սուրհանդակի կառքին մէջ տեղ
բռնելու համար՝ չորս կամ վեց շաբաթ առաջ, վասն
զի անոնք աւելի ճեպընթաց էին և ժամուան մը մէջ
մինչեւ 16 մղոն ճանապարհ կ'ընէին: Զեմ ուղեր
խօսիլ վտանգներու վրայօք, որ ամէն բռպէ աւա-
զակաց յարձակման ենթակայ էին, կառքին կոտրիլը,
ձիերը փոխելու համար ժամանակի կորուստը, երբ
ստիպուած էին գիշերը անցնել զանազան պան-
դոկներու մէջ, այլ և այլ տեղեր կերակուր գտնելու
համար, և ուրիշ շատ մը նեղութիւններ՝ զորս թուելը
աւելորդ է և շատ երկար կ'ըլլայ: Ընդհակառակն
այժմ, երկար քալելը, ճանապարհի դժուարութիւնը,
լերանց արգելքը տեղի չունին. դիւրութեամբ ան-
հետացան այս դժուարութիւնները բազմաթիւ կա-
ռախումբերէ, որոնք լեռներ ու դաշտեր ամէն ուղ-
ղութեամբ կը կարեն կ'անցնին հիասքանչ արագու-

թեամբ։ Անզղիական ձեպընքաց կառախումբերը ժամը 80 և ոմանք մինչեւ 100 հազարամեղը կ'ընթանան։

— Ո՞հ, այո՛, կը բացագանչէր երիտասարդը, ճշմարտապէս երկաթուղին հրաշալի գիւտ մ'է։ Զարմանալի՛ է մարդկային ամենակարող հանճարը։ Հեռաւոր ազգեր մերձեցան միմեանց, հեռաւորութիւնները զգալի կերպով կ'անհետանան, ուր որ կը լսուի շոգեմեքենային սուլոցը՝ հոն է քաղաքակրթութիւնը և յառաջադիմութիւնը։

— Ստոյգ է, ըստ քահանան, զարմանալի գիւտ մ'է և պէտք է անհրաժեշտօրէն հիանալ շոգեմեքենայի գիւտին վրայ, ծափահարել և դրուատել մեքենական ճարտարութիւնը, զարգացումը և հաղորդակցութեան դիւրութիւնը։ Մեծ զարմանքի առարկայ եղած է տեսնել այս մեծ պողոտային նոր ըստքանչելիքը, որ մինչ այնքան մեծ ծառայութիւններ կը մատուցանէ մարդկութեան արուեստին, վաճառականութեան, ուրիշ սնունդ շունի՛ եթէ ոչ ածուխն ու ջուրը ըստ պատշաճի մատակարարուած։ Նոյնպէս հիւանդութեան ատենն ալ ուրիշ բանով չի դարմանուիր՝ եթէ ոչ կրակով և մուրճով։

Երիտասարդը՝ որ ով գիտէ քանի քանի անգամներ ծաղրածութեան առարկայ դարձուցած էր քահանաները, նոյնը պիտի ընէր և այս անդամ եթէ պարագան տարբեր կերպով ներկացացած շըլար։ Յարմար հարցումներ ուղղեց քահանային՝ այնքան կարեւոր և հետաքրքրութեան արժանի գիւտի մը պատմութիւնը իմանալու համար։

3.

ՇՈԳԵՄԵՔԵՆԱՅԻ ՊԱՏՄՈՒԹԻՒՆԸ

Քահանան հմուտ էր այս գիտութեան. Երիտասարդին հոգեւորապէս անուղղակի կերպով օդտակար ըլլալու դիտաւորութեամբ՝ սկսաւ բացատրել հաճութեամբ, գոհացում տալու համար երիտասարդին բուռն փափաքին՝ ճանչնալու այսպիսի մեծ գիւտի մը պատմութիւնը:

‘Եակ բացատրեց շոգիի տարածողական զօրութիւնը, երբոր ջուրը կ'եռայ և կը բանտարկուի որոշ միջոցի մը մէջ՝ ուսկից չի կրնար դուրս ելլել. այս հիմն է որուն վրայ հաստատուած է շոգեմեքենայի գիւտը։ Զանց առնելով խօսիլ այն փորձերու վրայօք որ տղայական կրնան կոչուիլ և երեւակայուեցան հին գիտնականներու, Հերոն Աղեքսանդրիայէն մինչեւ Ուորչէսթըրի Մարքիզը, նկարագրեց Դիոնիսիոս Փափէնի պուտուկը. այն է՝ ամենալաւ խփուած կաթսան միսը շուտ եփելու և կամ ուկորներէն յոյզը հանելու համար, օդտուելով Գալիլէոսի, Պասգալի և Օթօն Գէրիքի գիւտերէն։

— Այս դժբախտ բնագէտը, որ նախապէս ուսումնասիրեց շոգիին յատկութիւնը և անոր գործածութիւնը, շատ անգամ փորձեր ընելով կարողացաւ հնարել և շինել առաջին շոգենաւը՝ զոր վանդալաբար կտոր կտոր ըրին նաւորդները, որպէս զի արգիլեն անոր մուտքը Ուէզէրի ջրերուն մէջ։ Յետ գտնելու

Ջրոյ գոլորշիի էական և հիմնական սկզբունքը պարապութիւն մը գոյացնելու և մխոց մը մղելու, մեռաւ խեղձութեան, աղքատութեան մէջ, գուցէ աքսորի մէջ եւս, առանց երեւակայելու իր հրաշալի գիւտին արտաքոյ կարգի կարեւորութիւնը:

— Ատէպ լսած եմ սակայն որ կը խօսուի, ընդհատեց երիտասարդը մի ինչ որ մթնոլորտային մեքենայ (machina atmosferica), որ շոգեմեքենայէն առաջ ծագում ունեցած էր:

— Ճիշդ է, յարեց քահանան, խոնարհ պայտահար մ'էր թովմաս Նիւկոմըն, որ Դարմուդէ քաղաքին մէջ կ'ապրէր, առաջին անգամ շինեց մըթնոլորտային մեքենան՝ ապակեգործ կառլէյի ընկերակցութեամբ 1771 թուականին։ Այս մեքենային մէջ գլխաւոր դեր կատարողն էր օդի ճնշումը կամ ծանրութիւնը՝ պատշաճապէս օգտագործուած։ Հետզհետէ կարեւոր կատարելագործութիւն ունեցաւ, կարգի մտաւ, սակայն չյաջողեցաւ մեծ անյարմարութեան մը առջեւն առնել։ Նիւկոմընի մեքենան կը պահանջէր յարատեւ հսկողութիւն այն անձին կողմէ՝ որուն պաշտօնն էր բանալ և գոցել երկու բանալիները։

ՄԱՆՈՒԿՆ ՓՈԹԹԷՐ ՈՐ ՄԵՇ ԳԻՒՏ ՄԸ Կ'ԸՆՔ ԽԱՂԱԼՈՒ ԱՏԵՆ ՈՒՆԵՆԱԼՈՒ ՀԱՄԱՐ

Այս երկու բանալիները սահմանուած էին թոյլ տալու որ գոլորշին գլանի մէջ մտնէ և նպաստէ պաղ ջրոյ անձրեւանման մուտքին, խորացնելու համար

շոգին՝ որ արդէն իր ձգողական զօրութեամբ բարձրացուցած էր միոցը։ Այս ձանձրացուցիչ պաշտօնը սովորաբար տղու մը տրուած էր։ և 1713ին մանուկ Հենրիկոս Փոթթէրը ձանձրանալով միակերպ պաշտօնէն, բաղձալով ընկերներուն հետ խաղալ, առանց վտանգի մէջ դնելու յարատեւ շարժումը և մեքենայի պահպանութիւնը, հնարեց մինչեւ այն ատեն անծանօթ մնացած քանի մը պարագաներ։ Քանի մը առասաններ առաւ, յարմարութեամբ կապեց միջաձողին, որ փոփոխակի ինքնաշարժութեամբ երկու բանալիները բացուին՝ առանց մարդկային ձեռքի գործակցութեան։ Անկարելի կը թուի, սակայն և այնպէս, բոլոր հանճարեղ կատարելագործութիւնները և յօրինումները, որ հետզհետէ յիշեալ Փոթթէրի չուաններու փոխանակութեան համար տեղի ունեցան Բէյկոսու, Ֆից, Գերալդ, Բրինդլէյ, բոլորն ալ հանճարեղ մանուկի սկզբունքի և մեքենական գիւտին վրայ հիմնուած են, որ իր ընկերաց հետ զուարձանալու ատեն գտնելու համար հնարեց։

Երբ յետոյ 1762 թուականին սկսվտիացի բընագէտ Յովսէփ Բլակ, ուսուցիչ Գլասկովի համաւսարանի, գտաւ ջերմութեան տեսական գիտութիւնը, սահմանելով թաքուն և տեսական ջերմութիւնները, այն ժամանակ կրցան կատարելագործել Նիւկոմընի մեքենաները, օգտուելով շոգիի այլ և այլ բարեխառնութեանց առածգական զօրութենէն։ Ահա այն ատեն էր՝ որ գտնուեցան շոգեմեքենաներու տեսական ուսումնասիրութեանց մէջ քանի մը սկզբունքներ, որոնք ամենամեծ կարեւորութեան արժանացան։

ԵՐԲ ՈՐ ԲԼԱԿ ԳՎԱԱԿՈՎԻ ՀԱԺԱԼՍԱՐԱՆԻՆ ՄԵՂ, 1763
ԹՈՒԱԿԱՆԻՆ, ՔԱՅՈՒԱ ՃԵՐՄՈՐՔԵԱԾ ՄԵՍԱԿԱՆ ՊԻՄՈւ-
ԹԻՒՆԸ ԿԸ ՔԱԳԱՄՐԵՐ, ԴԱՍԱԽՈՍՈՒԹԵԱՆց ՆԵՐԿԱՅ
ԵՂՈՂՆԵՐՈՒՆ ՄԵՂ ԿԸ ԳՄՆՈՒԵՐ ԱԿՈՎՄԻԱԳԻ ԱՂՔԱՄ
ԵՐԻՄԱՍԱՐԴ ՄԸ, ՀԻւԱՆԴՈՄ, ՉՈՒՐԸ 27 ՄԱՐԵԿԱՆ և
ԿԸ ԿՈՀՈՒԵՐ ՅԱԿՈԲ Ուաղդ:

— Յատ լււ, ըսաւ երիտասարդը, հաճելի պիտի
ըլլար ինձ լսել այս հաղուագիւտ հանճարի մասին,
վասն զի կ'ըսուի թէ շոգեմեքենաներու գիւտի մեծ
մասը իրեն վերագրելու է:

5.

ՅԱԿՈԲ ՈՒԱԴԴ ԵՒ ՇՈԳԵՄԵՔԵՆԱՆ

— ՅԱԿՈԲ Ուաղդ, յարեց քահանան, ստուգիւ
ամենակարեւոր գիւտերու հեղինակն եղաւ շոգեմե-
քենաներու վերաբերմամբ: Հազիւ 6 մարեկան էր
երբ բարեկամ մը նկատեց, որ տղան ուշադրութեամբ
կը ջանար երկրաչափական խնդիր մը լուծել: Ար-
տաքոյ կարգի հակում և տրամադրութիւն մ'ունէր
մեքենական արուեստին, և իր տարիքէն անհամե-
մատօրէն վեր հանճարով օժտուած էր, բայց ըստ
արժանւոյն գնահատուած չէր իր ծնողացը կողմէ:

Ահա թէ իր հօրեղբօր կինը օր մը ինչ ըսաւ
անոր, տեսնելով զինքը պարապ, կեցած ամանի մը
առջեւ՝ որ կրակին վրայ դրուած ջուրով կ'եռար:

— Յակոբ, քեզմէ աւելի ծոյլ տղայ տեսած
չեմ: Գիրք մ'առ և զբաղէ օգտակարապէս: Ժամ

մ'է որ բերանդ չի բացուիր, բան մը չես ըներ եթէ
ոչ բանալ և գոցել թէյի ամանի խուփիը, արձակուած
շոգիի սիւնակին մէջ մտցնելով բաժակի մը ոտքը,
կամ արծաթ դդալ մը՝ և անոնց վրայ ձեւացած
կաթիւները դիտելով... ինչո՞ւ այսպէս ժամավաճառ
կ'ըլլասս:

Փոքրիկ Յակոբը, թէյամանին առջեւ ոչ միայն
ծոյլ մանուկ մը չէր, այլ մեծ հնարիչն էր ամենա-
մեծ նոր գիւտի մը, որ զինքը պիտի բարձրացնէր և
ազգին երախտագիտութեան պիտի արժանացնէր:
Ուէսթմինսթրի Արքայարանին մէջ, ի ներկայութեան
Անգլիոյ աւագանւոյ, Երեսփոխանական դահլիճի
անդամոց և առաջին նախագահ Լորդ Լիվրպուլի
ներկայութեան, մեծ հանձարին արժանաւոր մար-
մարիոնէ հրաշակերտ արձան մը կանգնուեցաւ: Հը-
րով եռացող թէյամանի մը վրայ դիտողութիւննե-
րով այս մարդը ուժ մը կը գտնէր, որով 50 տա-
րուան շրջանին աշխարհի երեսը պիտի կերպարա-
նափոխէր:

6.

ԱՆՈՐ ՈՒՐԻՇ ՕԳՏԱԿԱՐ ԳԻՒՏԵՐԸ

— Բայց ըսէք ինծի, խնդրեմ, որո՞նք եղան իր
ամենաօգտակար գիւտերը և որպիսի՞ հանգամանաց
մէջ կրցաւ կատարել:

— Չեր բարեացակամ հետաքրքրութիւնը հա-
ճութեամբ կը յագեցնեմ, ըստ քահանան: Ուստի

մտքով վերադառնանք Գլասկով, խոնարհ մեքենա-
գործին աղքատ աշխատանոցը, որ այն ատեն դեռ
հազիւ 20 տարեկան էր։ Յամին 1763ի, համալսարանի
բնագիտութեան ուսուցիչը պատահմամբ Ուաղդի գոր-
ծատունը տարաւ։ Նիւկոմընի մթնոլորտային մեքենան,
որպէս զի հմուտ մեքենագործը քանի մը վերանորո-
գումներ ընէ։ Յակոբ օգտուեցաւ այս առիթէն՝ մե-
քենան խորապէս ուսումնասիրելու համար։ Նկատեց
կիզանիւթի և աշխատութեան անհաւասարութիւնը
գլանին յարատեւ տաքնալու և պաղելու պատճառաւ,
և կրցաւ ճար մը գտնել՝ հնարելով առանձնացնող
խտացուցիչ գործին։ Ուաղդի հանճարոյն վերագրելու
ենք մթնոլորտային զօրութեան ճնշումը, արմատա-
պէս մեքենայի սկզբնաւորական շարժիչին փոխելը,
այնպէս ընելով որ գործողութիւնը բացարձակապէս
կախում ունենայ շոգիին ձգողական զօրութենէն։

Անկէ վերջը այլեւս անկարելի է նկարագրել
նոր մեքենային ստացած անհամեմատ տարածու-
մը՝ զոր սկսան գործածել մասնաւորապէս Կորնո-
վալիայի՝ Անդիոյ ածխարեր բովերու մէջ ամենա-
նուազ վառելիքի համար։ Մինչդեռ յառաջագոյն այն-
քան շատ հարկաւոր էր։

Եթէ մինչեւ այն ատեն շոգեմեքենան ծառայած
էր բացառապէս միայն ջուրը բարձրացնելու, Ուաղդ
շուտով յարմարցուցնոր շարժիչ մը ճարտարարուեստի
նորանոր կիրառութիւններու համար։

Մինչեւ այն ատեն ջրհան մխոցը ընդհատ ար-
դիւնք կու տար միայն վայրէջքին գործելուն համար,
հետեւաբար միակերպ ու յարատեւ աշխատութիւն

պահանջող ճարտարարուեստներուն մէջ անգործադրելի էր։ Անհետացուց այս անպատեհութիւնը միսցին վրայ դռնակներ յարմարցնելով՝ որով շոգին փոփոխակի վերն ու վարը սկսաւ աշխատիլ։ Կոր մեքենան կոչուեցաւ կրկնարզասիբ (doppio effetto):

Ուաղդ շուտով ուրիշ գիւտ մ'ալ ըրաւ, այսինքն դժուարակնակիու և հանճարեղ գործիքը, որ կոչուեցաւ զուգահեռագիծ յօդաշատ (parallelogramma articolato), որով կը հաղորդէր կշուիչ ճօճանակին ելլելու և իջնելու շարժումը։ Ուստի ճօճանակի երթեւեկութեան շարժումը շարունակեալ բոլորշի շարժման փոխելու համար, սկովտական հանճարը անուաւոր լծակը հնարեց, հեսանողներու գործածածին նման։ Ատկէ ի՞նչ աւելի լաւագոյն բան։ Հանճարեղ հնարագէտը, ստիպեց զմեքենան ոչ միայն կանոնաւոր շարժում առաջ բերել, այլ ինքն իրմէ կատարել այդ շարժումը արգիլելով ամէն կարելի վտանգ և աւերում, նորագիւտ կեդրոնախոյզ զօրութեան կանոնաւորիչով, որ դեռ ցայժմ մեքենաներու վրայ կը տեսնուի։

7.

ԵՐԿԱԹՈՒՂԻՆ

— Կերեցէք, ըսաւ այս պահուն երիտասարդը, գրեթէ մեր ճանապարհի կէսը ըրած ենք և դուք տակաւին երկաթուղւոյ մասին խօսք մը չըսիք, որուն գերազանց և արդիւնաշատ ծառայութիւնը

հիացմամբ կը գնահատեմ. կը բաղձայի մեծապէս գիտնալ երկաթուղւոյ ծագումը:

— Ճիշդ է, յարեց քահանան. բայց անկարելի էր երկաթուղւոյ վրայ խօսիլ առանց նախապէս տեղաշարժի գիւտին և կատարելազործութեան պատմութիւնը ընելու: Միւս կողմէ ալ, այս կէտին հասնելով շատ դիւրին է և համառօտ տեղաշարժի վրայ խօսիլը: Իր սկիզբը շոգեմեքենաներուն հետ է: Ասոնք հնարուեցան ածխահանքերէն ջուրը հանելու համար, և տեղաշարժերն հնարուեցան հանքածուխը դիւրութեամբ և առանց մեծ ծախքի տեղափոխելու: Աւելորդ է խօսիլ առաջին ժամանակներու փայտէ ուղիներու մասին, և ոչ ալ անողորկ և անտաշ եզերքներով երկաթուղիներու կամ դէպի անիւները ցցուած եզրներով, փոխանակ դնելու զայն անուի ակօսին մէջ, վասն զի այս ամէնը չի պատկանիր ուղղակի այն մեքենային՝ որու մասին քեզի պիտի խօսիմ:

Առաջին շոգեմեքենային գիւտը պարտական ենք Գէորգ Աթէֆէնսընի, աղքատ անգղիացիի մը, որ հանքերու մէջ աշխատաւոր մ'էր: Ութ տարեկան էր, երբ նախիր կ'արածէր և միանգամայն հանքածուխի երկաթէ դռները բանալու և գոցելու պաշտօնն ունէր, որպէս զի կառքերը անցնին, և ասոր համար օրական քսան սանդիմ կը ստանար: Երբ տասնըչորս տարեկան էր կրակ վառող էր շոգեմեքենային թրոկլէյ-Բիճ հանքին: Շատ բաղձանք ունէր ճանչնալու շոգեմեքենաներու կազմութիւնը: Տասնըութը տարեկան էր կարդալ սորվեցաւ: Ուս-

մունքով, համեստութեամբ և անձանձրոյթ գործունէութեամբ բարւոքեց իր վիճակը և մինչեւ կիւլինդռորդի հանքի մեքենապետ եղաւ:

Կը թողում խօսիլ այն ապարդիւն փորձերուն, զոր այն ատենները ի գործ դրին կառքերը շոգեմեքենաներով տեղափոխելու, ըսեմ միայն որ տեղաշարժի սկզբնաւորութիւնը եղաւ 1803ին, թրեվիրիկեայօրինուած շոգեմեքենան։ Յետոյ թողուեցաւ թրեվիրիկի կառքը ուղիներու պատճառած վնասին համար միայն կարճ ժամանակ 1811-ին Բւենկիրունի հնարած և շինած ատամնաւոր անիւներովն սկսաւ գործածուիլ ատամնաւոր երկաթուղիներու վրայ։ Այն ատեն սխալ ենթադրութեամբ մը կը կարծէին թէ՝ տափարակ շրջանաւոր անիւները բաւական յարմարութիւն չէին ընծայեր երկաթուղիներու վրայէն տեղաշարժը քալեցնելու, ուստի կառախումբը պիտի մնար առանց տեղէն շարժելու։ 1812 թուականին, Չապման եղբայրները հնարեցին քաշելու նոր ձեւ մը, չուանով փաթթելով ճախարակի մը որ շոգեմեքենայով կը շարժէր և մէկ ծայրը հաստատուած էր երկաթէ լծակի մը՝ որ հեռու էր կառախումբէն։ 1813ին ճանչցուեցաւ Բրունթընի անհեղեղ գիւտը՝ նեցուկաւոր մեքենան, որ առաջին իսկ փորձին պայթեցաւ և սպաննեց իսեղճ մեքենավարը։



8.

ՍԹԷՖԷՆՍԸՆԻ ՅԱՂԹԱՆԱԿԸ

— Ո՞չ, հաճէիք խօսելու վերջին գիւտի մասին, այսինքն այն տեղաշարժին վրայ որ իր ետեւէն կը քաշէ կառախումբը. պարոն Աթէֆէնսըն է անոր հեղինակը, դէթ ինչպէս որ լսած եմ:

— Այո, ճշդապէս, յաղթանակը վերապահուած էր այս հոչակաւոր հեղինակի հանձարոյն, որ ամբողջ տասնըհինգ տարի աշխատեցաւ այս կարեւուրագոյն գիւտին վրայ: 1814 Յունուարի 25ին տեղաշարժին առաջին փորձը ըրաւ, որ «Բլիւշէր» անունն առաւ, յետոյ մեծ բարեփոխութիւններով կատարելութեան հասուց, աւելցնելով մթերանոց կառք մը, որ տեղաշարժին ջուր և ածուխ մատակարարէ: Տարլինկթընի հարուստ ածխահանքերը Աթոքթընի (Թէէս գետի վրայ) միացնելու համար երկաթուղի պիտի շինուէր և այս առթիւ Աթէֆէնսընի աշխատանոցէն դուրս եկաւ առաջին տեղաշարժը, որ այժմ իբրեւ պատմական յիշատակարան պատուանդանի մը վրայ գրուած է Տարլինկթընի կայարանին մէջ: Այս տեղաշարժը՝ որ առաջինը եղաւ, որ սկսաւ երկաթուղւոյ մը վրայ շրջիւ, ժողովրդեան համար բացման հանդէսը կատարեց ժամուան մէջ տասը հազարամեղը մղոն ճանապարհորդելով երեսունեեօթը ածուխով լեցուն կառքեր ետեւէն քաշելով, մէկ պատուոյ վագոն ընկերութեան վարիչ-

ներու և հրաւիրեալներու համար։ Այս տեղաշարժի շողեմեքենային նպաստաւոր արգասիքը ազդեց հաղորդակցութեան էական գործին զարգացման, և Սթէֆէնսըն հետզհետէ աւելի կատարեալ բարւոքումներու հասցուց։

— Այն օրուընէ սկսեալ, ըստ երիտասարդը, անշուշտ բոլորը երկաթուղիով սկսան ճանապարհորդել, քանի որ այսպիսի հանգիստ և խնայողական միջոց մը կ'ընծայէր։

— Ո՛չ, պարոն, կը սխալիք, վասնզի ո՛չ սակաւ դժուարութիւններ տեղի ունեցան որոնց յաղթել պէտք էր։ Շատերը շահասիրութեան պատճառաւ հակառակ էին և մինչեւ անգամ հասարակաց դահլիճին մէջ (Camera) խեղճ Սթէֆէնսըն երազատես հանդիսացուցին և իր ծրագիրը սխալ և երեւակայական։ Անգլիական հեղինակաւոր և մեծարդի պարբերաթերթը «Քուարթլը» խօսելով Լիվըրըուի և Մանչեսթըրի երկաթուղւոյ շինութեան վրայ, զգուշացուց իր ընթերցողները, ըսելով. «Յիմարութիւն է և վտանգաւոր ճամբորդել սուրհանդակի կրկնակի արագութեամբ գացող շողեկառքով, որ նոյն է ըսել ճամբորդել ոռւմբի մը վրայ նստած։ Եւ թէ զգուշանան յարմարիլ և հաշտուիլ երազատես և խելացնոր Սթէֆէնսընի նորահնար գիւտէն»։ Վերջապէս կոչ կ'ընէր Երեսփոխանական ժողովին ողջմտութեանը որպէս զի մերժէր այդ անտրամարան և անհեղեղ ծրագիրը։

Երբ 1829ին երկաթուղւոյ շինութիւնը վերջացաւ, վարիչները տակաւին անստոյդ էին կառա-

խումբերու փոխադրութեան համար բռնելիք դրութեան:

9.

ՄՐՑՈՒՄ ԱՄԵՆԱԼԱԻ ՇՈԳԵՄԵՔԵՆԱՅԻՑ

Ոմանք կը նախադասէին ձիերու գործածութիւնը. ուրիշներ ալ անշարժ մեքենայով մը կ'ուզէին չուաններով քաշել կառախումբը. միայն Աթէֆէնսունն էր՝ որ կը պաշտպանէր իր տեղաշարժի գործածութիւնը, և վերջապէս յաջողեցաւ ընդունել տալ մրցման մը բացումը, որու կրնային մասնակցիւ աշխարհիս բոլոր հոչակաւոր ճարտարագէտները. 12500 լիրայի մրցանակ մը որոշուեցաւ ամենակատարեալ մեքենայի հնարիշին: Որոշուեցաւ որ մը բցումը տեղի ունենայ 1829ի Հոկտեմբեր 1ին, պայմանաւ որ տեղաշարժը 6 տակառաչափ (tonnellate) ծանրութենէ աւելի չըլլայ, որ կարենայ քաշ տալ 40.000 լիտր (20 տակառաչափ) բեռի ծանրութիւն մը՝ մէկ ժամուան մէջ 16 մղոն արագութեան ընթացքով:

Այլեւս կրնաք երեւակայել թէ որպիսի եռանդուն ջանքով գործին լծուեցաւ: Աթէֆէնսուն օգնական ունենալով իր Առբերդ որդին, մտածեց խողովակաշար կաթսան յօրինել՝ շոգիի աւելի մեծ ուժունենալու համար, ինչ որ կարելի չէր ձեռք բերել առվորական կաթսաներով:

Յիշատակաց արժանի մրցման օրը ասպարէզի վրայ երեւան եկան հինգ տեղաշարժներ, որոնց անուանքն են. «Անմրցակից»ը (l'Impareggiabile), որ երկու ժամ վերջ աւրուեցաւ և անգործածելի դարձաւ: «Նորուրիւն»ը (la Novità) որ մրցման ասպարէզէն դուրս հանուեցաւ՝ վասն զի կաթսան անուժ էր ընդարձակ շոգի ժայթքելովը: «Յարատեռուրիւն»ը (la perseveranza) որ չհամարձակեցաւ իսկ մրցման մտնել: «Հակայ»ն (la Ciclopede) մերժուեցաւ, վասն զի շոգիով չէր իր շարժումը, այլ մէկ ձիով, որ վանդակի մը մէջ գոցուած, շարժոն և շեղ յատակի մը վրայ կը շարժէր մեքենաները:

Իրաւամբ, մրցանակի արժանացող մեքենան որ բոլորը գերազանցեց՝ Ոթէֆէնսընի «Հրացայտ»ը (Rosket) եղաւ, վասն զի միակն էր որ ծրագրի պահանջներուն համապատասխանեց:

1830ի Յունիս 14ին ամբողջ գիծը Վիվըրբուլի և Մանչեսթըրի միջեւ ճեպընթաց գնացքով շափեց անցաւ առաջին տեղաշարժը՝ առաջին անգամ մեծապէս ծանրաբեռնուած համբարով: Եւ նոյն տարւոյն Սեպտեմբեր 15ին վերջնականապէս բացուեցաւ երթեւեկը բոլոր ժողովրդեան համար: Այն օրէն մինչեւ այսօր տեղաշարժը մեծ կատարելութեան հասաւ: Այժմ դուք կը տեսնէք թէ ինչպէս աշխարհս երկաթուղիներով ծածկուած է ամէն ուղղութեամբ, ծանրաբեռն կառախումբերով որ կը լափեն միջոցը անհաւատալի արագութեամբ շուրջ 60 հազարամետր մղոն ճանապարհ կտրելով մէկ ժամուան մէջ: Մեր օրերը կը ճամբորդեն այն հանգստութեամբ, ինչ որ

պանդոկի մէջ կարելի էր ունենալ. օրինակի համար
Նիւ Եռքէն Աան Ֆրանչիսկոյ անցած ատեն, որ
եօթը ութը օր կը տեւէ, ճամբորդը կ'անցնի Ապա-
ռաժուտ լեռներն, Աիեռա Կեվատան, իրրեւ թէ
ընթերցասրահի մը՝ մանաւանդ թէ իր սեպհական
տանը մէջ գտնուէր մէկը։ Ամերիկեան շոգեկառքե-
րուն մէջ կան խօսարաններ, ծխարան, ճաշասրահ-
ներ, ամենահանգիստ ննջարաններ բոլոր փափաքելի
յարմարութիւններով։ Քանի մը երկաթուղիներու
մէջ նոյն իսկ դաշնամուր և այլ երաժշտական գոր-
ծիներ։ Զէք կրնար երեւակայել ինչպիսի զմայլե-
ցուցիչ և անակընկալ հակաղութիւն կը ճշգրտի
ինչ ինչ կէտերու վրայ, սոսկալի և անապատ վայ-
րերու և կառախումբի ներքնապէս շքեղորէն զար-
դարուած դահլիճներու միջեւ։

Ահաւասիկ, սիրելի երիտասարդս, քիչ խօսքե-
րով գիւտի մը պատմութիւնը, որ այնքան գեղեցիկ
է, այնքան օգտակար՝ որոնց վրայ դուք մեծապէս
կը սքանչանաք և կը զարմանաք։

10.

ԱՐԴԵՕՔ ՀԱՐԻՒՐ ՏԱՐԻ ԱՌԱՋ
ԵՐԿԱԹՈՒՂԻՆ ԿՐՆԱՐ ՆԱԽԱՏԵՍՈՒԻԼ

Քահանան լմցնելով իր պատմութիւնը լոեց.
իսկ երիտասարդը արտայայտելով իր երախտագի-
տական զգացումը, չկրցաւ այլեւս համբերել, հիա-
ցաւ, զարմացաւ շոգեկառքի նկատմամբ, արտայայ-

տուեցաւ բոլոր խանդավառութեամբ։ Իր զարմանաց մէջ յիշեց նաեւ նախնիքը, նկատելով թէ՝ ի՞նչ պիտի ըսէին անոնք եթէ զերեզմաններէն ելլելով տեսնէին երկար կառախումբը, որ քաշ կ'երթայ ածխոյ և ջրի ուժով, առանց ձիերու պէտքը զգալու։ Յետ անթիւ զարմանաց և բացազանչութեանց, երիտասարդական տաքարիւնութեամբ հարցուց։

— Յարդելի հայր, ըսէք ինծի, այս ամէնը ինչ որ պատմեցիք, կընա՞ր նախատեսուիլ ասկէ հարիւր տարի առաջ։

— Ո՛չ բնականաբար, անկարելի էր, նկատելով որ գիտութիւնը դեռ իր խանձարուրին մէջ էր, մեքենական գիտութիւնը որ սկզբնական վիճակի մէջ էր, ամէն բանէ աւելի, նկատի առնելով յաջորդական և բազմապիսի գիւտերու պարագաները, մարդոց մեծ դաս մը որոնք գործակցեցան իրենց հանձարով և տեսական ու գործնական ուսմամբ մեքենայից, զարգացնելու և կատարելազործելու շոգեմեքենային առաջին աննշան գիւտը։ Մէկ խօսքով, գործը ապագայ դէպքի մը շուրջը կը դառնար, որ բազմաթիւ հանգամանքներէ կախում ունէր և որուն իրականացումը շատ դժուար էր, աննախատեսելի, մանաւանդ որ կախուած էր գիտութեան և մարդկային ազատ ամենաստոյդ զարգացումէն։



11.

ՃՇՄԱՐԻՏ ՄԱՐԳԱՐԵԿՈՒԹԻՒՆՆԵՐԸ

— Եւ եթէ մէկը հարիւր տարի առաջ, մանրամասնաբար և ճշգորէն նախատեսած ըլլար այս բոլորը, որ յետոյ իրագործուեցաւ, ի՞նչ ըսելու էինք մենք։

— Այն առեն ճշմարիտ մարդարէ մը եղած պիտի ըլլար, այսինքն մարդ մը՝ որ Աստուծմէ լուսաւորեալ միտք մ'ունի։

— Եւ նայեցէք, յարդելի տէր, թէպէտեւ ես մարդարէական բաներուն այնքան դիւրին հաւատացող չեմ, այսու ամենայնիւ եթէ ըլլար այնպիսի մարդ մը որ այսօրինակ մարդարէութիւն մ'ըրած ըլլար՝ պիտի յարդէի զինքը ու հաւատայի անոր առանց կանգ առնելու, դաւանելով որ այնպիսին Աստուծմէ լուսաւորուած է։ Ասիկա չի նմանիր կրօնական մարդարէութիւններուն, որոնց մասին կը խօսէր մեր բարեյիշատակ մամը և ժողովրդապետքահանան երբ փոքրիկ էինք։

— Կամաց, պարոնիկ, կամաց, պատասխանեց քահանան հանդարտութեամբ, դուք շատ առաջ կ'երթաք, դուք մեր շողեմեքենայէն աւելի ճեպընթաց կը վազէք։ Մարդարէներու վրայ գէշ խօսելէ առաջ, զանոնք ծաղրելէ առաջ, նախապէս լաւ մտածեցէք։ Ի՞նչ, հաւատքի մարդարէութիւնները համեմատել կ'ուզէք այն մարդարէութեան հետ զոր ենթազրե-

ցինք շողեմեքենային նկատմամբ։ Եւ ոչ իսկ կարելի է համեմատութեան դրուիլ։ Խօսքը հարիւր տարի վերջ ըլլալիք գործի մը մասին չէր, այլ աւելի քան տասը, քսան, երեսուն դար յետոյ ըլլալիք հրաշքի մը, իրականութեան մը վրայ էր։ Խնդիրը մեծագոյն կէտի մը վրայ չէր ուր օր մը դիտութիւնը կրնար հասնիլ քայլ առ քայլ, այլ տարօրինակ, արտաքոյ կարգի իրողութիւն մը, ըլլալիք մը նախատեսելու վրայ էր, անձանց ծննդեան վրայ էր մանրամասն պարագաներով և մինչեւ անգամ ազատ գործեր, որ կախում ունէին նոյնիսկ կրօնքի թշնամիներէն։

— Կերեցէք, որ ես համարձակ կը խօսիմ ինչ որ կը մտածեմ։ Եթէ ճշմարիտ և ապացուցուած ըլլային մարգարէութիւնները, որոնց վրայ դուք կը խօսիք, ստուգիւ չպիտի դիմաղրէի ու հակառակէի, բայց ահա, խնդրին իսկական հանգոյցը հոս է։ Ես կարծեմ թէ մարգարէութիւնները յարմարցուած են պատահական դէպքերուն հետ, փորձ մը՝ որով հաստատուի կրօնքի աստուածային ըլլալը և ցոյց տրուի թէ ամէն բան Աստուծմէ յայտնուած է։

— Ո՞հ, գեղեցիկո, ըսածնիդ նոր բան չէ, ձեզմէ առաջ հեթանոսներն ալ ըսին նոյնը, ինչպէս կը գրէ Ս. Օգոստինոս։ Տեսնելով անոնք ճշմարտութիւնները որոնք կը համապատասխանէին իսկապէս բոլոր եղած մարգարէութիւններուն, տեսնելով որ Հին Կտակարանի մարգարէութիւնները կէտ առ կէտ իրականացած էին, կ'ըսէին թէ քրիստոնեաներէն գրուած են՝ սոյն դէպքերը պատահելէ յետոյ։

— Զոր օրինակ, ինչպէս քիչ առաջ կ'ըսէի ձեզի։

— Բարւոք, զիտցէք սիրելիս, այն ամէն բան
ըսին հեթանոսները զորս դուք պահ մը կրկնեցիք,
անկարելի է, կ'ըսեմ պարզապէս, վասն զի մարգա-
րէութիւնները իրապէս զրուեցան շատ դարեր առաջ.
սկսան աշխարհի սկզբնաւորութեան հետ, ստեղծման
հետ, տեղի ունեցան քառասուն դար առաջ, զանա-
զան վայրերու մէջ և ժամանակի ընթացքին։ Մա-
նաւանդ որ պահուեցան բարեխղճարար ոչ թէ քա-
հանաներէն, քրիստոնէական կրօնքի բարեկամներէն,
այլ մեր իսկ թշնամիներէն։

12.

ՈՎ ՊԱՀԵՑ ՊԱՀՊԱՆԵՑ ՄԱՐԳԱՐԵՌԻՒՆՆԵՐԸ

— Խնդրեմ, ըսէք, որո՞նք են որ պահեցին
մարգարէութիւնները։

— Պատրաստ եմ ձեր բաղձանքին գոհացում
տալ։ Մարգարէութիւնները զրուեցան Հին Կտա-
կարանին մէջ Յիսուսի Քրիստոսի ծնունդէն հազա-
րաւոր տարիներ առաջ։ Արդ, որովհետեւ Երրայեցիք
միշտ պաշտպանեցին Ս. Գիրքը ըստ որում իրենց
օրինաց մատեանն էր, միանգամայն պահեցին մար-
գարէութիւններն ալ՝ որոնք հոն զրուած էին։ Եւ դի-
տեցէք, սիրելիս, որ Երրայեցիք իրեւ անյաղթ և
կատաղի թշնամի քրիստոնէից, պէտք էին զանոնք
ոչընչացնել, եթէ կարելի ըլլար, վասն զի անոնց
մէջ բովանդակուած էր իրենց դատապարտութիւնը
և ամենափայլուն ապացոյցներն մեր հաւատքի աս-

տուածայնութեան։ Ուրեմն Երբայեցւոց անհաւատութիւնը, անոնց յամառութիւնը կ'ապացուցանէ ու կը հաստատէ մարգարէութիւններուն հեղինակութիւնը։ Անոնք, խեղճերը, երկրիս վրայ ցրուած ու թափառական, սիրելով և պաշտպանելով Ս. Գիրքը, իրենց հետ տարին մարգարէութիւնները և պահեցին անայլայլ և ամբողջ, զանոնք կարդալ տալով զանազան ազգաց։ Ծառայի պաշտօն կատարեցին, կրեցին միով բանիւ տէրերուն գրքերը, ճշմարիտ վկաները եղան քրիստոնէութեան՝ իրենց չարամտութեամբ՝ յակամայ կամս, և կատաղի ատելութեամբ հանդերձ մեր մարգարէութեանց հնութեան և ամբողջութեան։ Ահա միակ հրաշք մը աշխարհիս վրայ։ Ժողովուրդ մը, ազգ մը տասնեւինը դար ամենամեծ նախանձախնդրութեամբ անարատ և անայլայլ կը պահէ Ս. Գիրքը՝ որ իրենց դատապարտութիւնն է և մեր յաղթանակը։

— Այժմ ստուգիւ փարատեցիք իմ բոլոր տարակոյսներս, որուն համար երախտապարտ եմ ձեզի։

— Կը տեսնէք ուրեմն, թէ որքան յախուռն և անհեթեթ սխալներով կը խօսին կրօնքի վրայ, առանց գիտնալու և ճանչնալու։ Եկատեցէք դարձեալ թէ Աստուած որքան բարի և նախախնամող է։ Զանազան դարուց և ժամանակաց մէջ հանեց մարգարէներ, հաղորդելով անոնց ապագայ խորին դաղտնիքները, այսպէս տուաւ մարդոց ճշմարտութեան ամենահզօր ապացոյցը այն հաւատքին՝ որու համար կը մարգարէանային։



13.

ՄԱՐԳԱՐԵՒԹԻՒՆՔ Կ'ԱՊԱՑՈՒՑԱՆԵՆ
ԿՐՈՆՔԻ ԱԾՈՒԱԾԱՅԻՆ ԸԼՎԱԼԸ

— Ներեցէք. մարգարէութեանց արժէքը լուրջ
կարեւորութիւն ունի։ Աստուած միայն կրնայ յայտ-
նապէս տեսնել ապազան ու յայտնել ի հաստատու-
թիւն հաւատքի։ Ուստի մարգարէութիւն մը ինչպէս
հաւատքը կը սորվեցնէ, եթէ իրականացած է, ի
դլուխ եկած է, ամենաստոյգ փաստ մ'է ի նպաստ
իրեն։

— Շատ ճիշտ կը խօսիք, և յիրաւի մարգա-
րէութեանց արժէքը այնքան մեծ է որ Տէրն մեր
Յիսուս Քրիստոս, մեծատան առակին մէջ Աքրա-
համու բերանը կը դնէր այս խոկական բառերը.
«Անոնք, այսինքն մեծատան եղբայրները, ունին
Մովսէս և այլ մարգարէներ՝ անոնց թող մտիկ ընեն-
եւ եթէ չեն ուզեր լսել Մովսէսի և Մարգարէնե-
րուն՝ և ոչ յարութիւն առնող մեռելի մը պիտի
հաւատան»։ Այսպէս Ա. Պետրոս, մարգարէութեանց
համաձայն ցոյց տուաւ ի Յիսուս Քրիստոս խաչեալն
և յարուցեալն ի մեռելոց, բոլոր մարգարէներու
պատգամները, կրցաւ համոզել մէկ անգամով երեք
հազար հրէաներ և ուրիշ անգամ հինգ հազար,
քրիստոնէական կրօնքի ճշմարտութեան նկատմամբ
զամէնքն ալ մկրտութեան կոչելով։

— Ուրիշ կերպ ալ չէր կրնար ըլլալ, վասն զի

մարգարէական պատգամները պայծառափայլ ըլլա-
լով միեւնոյն ժամանակ չափազանց համոզիչ էին:

— Հատ անգամ և մեծ արդիւնք ունեցան: Զոր
օրինակ, թէովիիլոս Անտիռքացին, Ավտոլիկոս իր
բարեկամին զրած ատեն, որպէս զի աւելի արագ
և հաստատապէս սուրբ հաւատքի բերէ, իբր ապա-
ցոյց անոր աստուածային ըլլալուն՝ աչքի առջեւ
դրաւ զանազան մարգարէութեանց կատարումը: Այս
միջոցին կը դիմէր յաճախ նաեւ սուրբն Օդոստինոս,
սորվեցնելու և անհաւատները ի հաւատս բերելու
համար: Անհամար օրինակներէն հատ մը միայն մէջ
կը բերեմ, այն է շատ յայտնի Ա. Յուստինոս փի-
լիսոփայինը, որ հեթանոսութենէ քրիստոնէութեան
դարձաւ միայն մարգարէութեանց ընթերցումովը և
անոնց առընչական կատարմամբը: Ինքն է որ զայս
կը խոստովանի Տրիփոնի հետ իր ըրած վիճաբա-
նութեան ընթացքին, որ նշանաւոր էր երրայական
վարդապետութեան մէջ:

Ահա թէ ինչ ազդեցութիւն ունին մեր հոգւոց
վրայ մարգարէութիւնները, և անմիտ ու սրտով
հեղգացեալ ըլլալու է, ինչպէս մեր Տէրը ինքնին
ըսաւ երկու աշակերտաց՝ որ Եմմառւս կ'երթային
ու դեռ չէին ըմբռնած մարգարէութեանց կատա-
րումը:

Հոս երկաթուղին զգալապէս դանդաղեցուց իր
ընթացքը, լսուեցան քանի մը սուր սուլոցներ ու
տեսնուեցան շատ մարդիկ, որ կեցած կը սպասէին
շոգեկառքին ժամանումին. մինչդեռ կը բացուէին
կառախումբի դռնակները, լսուեցան թաւ ձայներ,

որոնք կը ծանուցանէին հասած քաղաքնուն անունը
ԱԵՐ երկու ճամբորդները փոխադարձաբար յարգանօք
ողջունեցին զիրար և իջնելով շողեկառքէն՝ իւրա-
քանչիւր ոք գնաց իր ճամբան։

Քահանան անդամ մ'ալ ետ դարձաւ տեսնելու
համար համարձակ և քաջ երիտասարդը. և մինչ
տխուր մտածմունք մը խորշումեցուց ճակատը և ըստ
ինքնիրեն. «Փիչ մը լուսաւորեցի այն խեղճ հողին,
այնքան տարակոյսներու մէջէն գէթ մէկը փարա-
տելով, որ խաւարեցուցած էին այդ խեղճ երիտա-
սարդին միտքը . . . հապա այնքան չար և մոլար
սկզբունքները . . . միւս տարակոյսները։ Իսկ ուրիշ
երիտասարդներ, որ այնչափ դժուարութեանց և
ապականեալ ընկերութեան մէջ այնքան վտանգնե-
րու կը հանդիպին . . .։ Այս սրտաբեկ մտածմունքին
յարեց եռանդուն աղօթք մը։

Սիրելի ընթերցողս, եթէ այս քահանան որուն
իմաստուն խօսակցութիւնը լսեցիր, ժամանակի սը-
ղութեան պատճառաւ ստիպուեցաւ բաւականանալ,
ապացուցանելով միայն մարգարէութեանց վաւերա-
կանութիւնը, ես չեմ ուզեր կանգ առնել, այլ կ'ու-
զեմ աւելի խորը թափանցել մարգարէութեանց
փաստերուն, ապացուցանելու համար մեր հաւատքի
աստուածային ծագումը։

Ուրեմն, ներկայ գլուխն աւարտելէս առաջ,
կ'ուզեմ առաջի աչաց դնել ապացուցանելիք ուրոյն
ուրոյն մասերը. — այսինքն՝ ինչ բանի որ կը հա-
ւատանք, կամ մեծաւ մասամբ մարգարէացուած են
և կամ հաստատուած են մարգարէութիւններով։

Բայց միայն Աստուած է որ կրնայ ապագան տեսնել, Աստուած ինքն է մարգարէութեանց հեղինակը. Աստուած ներշնչած և խօսել տուած է այն ամէն բան որուն կը հաւատանք, պէտք է ուրեմն որ ինքն ըլլայ մեր հաւատքի հեղինակը, պէտք է ի հարկէ Աստուծմէ ներշնչուած և յայտնուած ըլլայ ինչ բանի որ մենք կը հաւատանք և ինչ որ կաթողիկէ եկեղեցին մեզի կը սորվեցնէ:



ԳԼՈՒԽԾ ՀԻՆԳԵՐՈՐԴ

ՄԵԾ ՄԱՐՏԱՀՐԱԿԻՐ ՄԸ

1.

ՍՈՒՐԲ ՊՈՂՈՍԻ ԱՊԱՑՈՅՑԸ

Օր մը Երուսաղէմի տաճարին մէջ մեծ աղմուկ
մը տեղի ունեցաւ. Ժողովուրդը յարձակեցաւ խեղճ
մարդու մը վրայ, որ աղաղակներով և սպառնալի-
քով քարշեցին՝ տաճարէն դուրս հանեցին և ամէն
գնով կ'ուղէին սպանել զայն։ Պատեհ ժամուն իմա-
ցուցին հարիւրապետին, որ հասաւ իր հոսվմայեցի
գունդովը և մեծ դժուարութեամբ կրցաւ ազատել
այն եղկելին կատաղի թշնամեաց ձեռքէն։ Այն
մարդը սուրբ Պօղոսն էր, ամբասանուած իբրեւ
ապստամբ և խառնակիչ՝ զի նոր վարդապետութիւն
մը կը քարոզէր։ Բանտ դրուեցաւ և յետոյ պահա-
պան զօրքերով կեսարիա դրկուեցաւ։

Ժամանակ մը վերջ հարցաքննեց զի՞նքը Փեստոս

ի ներկայութեան Ազրիպպաս թագաւորին և Բերինիկէի՝ անոր քրոջը։ Առլրբ Պօղոս պատմեց իր հրաշալի դարձը, քարոզած վարդապետութիւնը և իր կրած հալածանքները ու խօսքը վերջացուց ճիշդայսպէս։ «Աստուծոյ օգնութեամբ պաշտպանուած, յարատեւեցի մինչեւ այսօր սորվեցնելով թէ մեծերուն և թէ փոքրերուն միայն այն՝ ինչ որ մարգարեներ և Մովսէս ապագայի մասին խօսեցան»։

Ահա թէ սուրբ Պօղոս ինչպէս համոզեց Ազրիպպաս հրեայ թագաւորը՝ որ մինչեւ անդամ ըստ։ «Քիչ կը մնայ որ զիս ալ համոզես քրիստոնեայ ըլլալու»։

Ապացոյցը այնքան հզօր էր և մեծ որ չէին կրնար դատապարտել սուրբ Պօղոսը առանց ուրանալու մարգարէներն ու նոյն իսկ առանց ուրանալու Մովսէսը, որուն աշակերտները ըլլալ կը պարծէին։

Պօղոս առաքեալ իր քարոզութեանց մէջ կը թուէր բոլոր մարգարէութիւնները և անոնց ճշգրիտ կատարումը։

Այս է ահա զոր հիմայ կ'ուզեմ ապացուցանել, այսինքն թէ՝ այն ամէն բանի որ կը հաւատանք նախապէս դարեր առաջ արդէն գուշակուած էր։



2.

ՏԱՆՏԻՐՈԶ ԱՆՈՒԱՆ ՏԱՐԵԴԱՐՁԸ

1884 թուականի Գեղարքունիքի 21ի երեկոն էր. պարոն Ս...ի տան շքեղ դահլիճի մը մէջ կը դըտնուէին բազմաթիւ անձինք՝ հրաւիրուած հանդիսիւ և երաժշտութեամբ՝ պարոն Թովմասի ծննդեան տարեդարձը տօնելու։ Գիտէին որ նուագահանդէսէն զատ տեղի ունենալու էր սոսկալի մարտահրաշիր մը... Տղաք և փոքրիկ աղջիկներ կ'ենթադրէին մենամարտութիւն, սուր, թուր, վերք, արիւն, հոգեվարք և այլն . . . Ո՞չ, տղայական երեւակայութիւն։ Անհամբեր կը սպասէին ճակատագրական վայրկենին, և այնպէս զարմացմամբ կը դիտէին մենամարտող անձինքը, որոնք անտարբեր և հանդարտ էին։

Կ'ուզեմ, սիրելի ընթերցող, որ դու ալ ներկայ ըլլաս այս վիճարանութեան և եթէ կ'ուզես՝ մենամարտին. բայց հոն մտնելէ առաջ քեզ ներկայացնել կ'ուզեմ գլխաւոր դերակատարները։ Պարոն Թովմաս, վաթսուննոց անձ մը, հին հաւատքի տէր, ճշմարիտ տիպար համեստ պաշտօնէի՝ որ իր ընտանիքին մէջ կը վայելէ անբասիր կեանքի մը յարգանքը և բաւականաչափ կենսաթոշակի մը քաղցրութիւնը։ Կինը տիկին Մագդաղինէ կը կոչուէր. ունէր երկու որդի, Հենրիկոս 26 տարեկան արդէն

պաշտօնեայ, և միւսը 20 տարեկան օրիորդ իդա,
որ արտասովոր յաջողակութեամբ կ'երգէր:

Երեկոյթին կը տեսնուէին շքեղազարդ դահ-
լիճին մէջ Ա... տան ազգականները. Հոն էր սլարոն
Ուրալոս Ֆ., բարեկամ և ընկեր Հենրիկոսի, քաջ
դաշնակահար, և քահանայ մը, տէր Անսելմոս, յար-
գելի ծերունի տաներէցը և հինէն մտերիմն ընտա-
նիքին:

3.

ԵՐԳԵՐ ԵՒ ՆՈՒԱԳՆԵՐ

Քաղաքավարական սովորական փոխադարձ ցոյ-
ցերէն և արարողութենէ ու հաճոյալից խօսակցու-
թիւններէ վերջ, յորում կը տեսնուէր քահանայի
ուրախ տրամադրութիւնը, սկսան դաշնամուրի քաղ-
ցրահնչիւն ներդաշնակութիւնները. Ուրալոս առան-
ձին նուազեց՝ մասնաւոր յաջողակութեամբ ընտիր
կտորներ Շոպենէն, Բեթովենէն, Շումանի Ռուման-
ցան, քանի մը կտորներ Բելինիի Նորմայէն, Վեր-
դիի թղավիարայէն և Տոն Քարլոսէն. այս նշանաւոր
կտորներէն մէկ քանիին ընկերացաւ օրիորդը իր
փայլուն ձայնով, ու բազմականաց բուռն ծափա-
հարութիւնները իւեց: Խաղընդմէջի կարճ դադար-
ներէն օգտուելով Տէր Անսելմոս, նկատել տուաւ
ուրախ բազմականին դերմանական և իտալական
երաժշտութեան տարբերութիւնը: Պաշտպանեց հըմ-
տութեամբ, դերմանականը իրբեւ շատ աւելի լուրջ

գիտական, բայց ոչ այնքան վճիռ, կարծես տեղական մառախլապատ մթնոլորտի ազդեցութեան ցոլացումը կը կրէր։ Ահնչդեռ իտալական երաժշտութիւնը, սատարուած կլիմայէն և ժողովուրդի հոգեբանական ուրախ տրամադրութենէն, լի է պարզ զուարճութեամբ, ազնիւ զգացումներով որ կ'ազդեն սրտին, յօրինուած է խանդով մը, - զեղգեղանքով մը, որ կը սքանչացնէ և կը յուզէ։ Դիտել տուաւ դարձեալ թէ՝ ինչպէս երաժշտութիւնը ներշնչուելով կրօնական զգացումէ, որ սկիզբ, կեանք և վախճան է ամէն բանի, անսպառելի աղբիւրը քնքուշ, վեհ և ազնիւ զգացմանց։ Վերջացուց ըսելով թէ՝ Փիէր Լուիճի-տա-Փալեսդրինան եղաւ, որ իր վեհ հանճարով կրցաւ կրօնական երգը ազատել ինկած ստորին ձեւերէն, բարձրացնելով զայն այն բարձրութեան, այն վսեմութեան՝ որ անհրաժեշտ էր ծառայեցնելու համար նպատակին, այսինքն փառաբանել բոլոր արարածոց Հեղինակը՝ որ է զերագոյն Աստուածը։

— Արդէն դուք քահանաներդ, ընդհատեց Ուբալդոս բարձրածայն ծիծաղելով, չէք կրնար վերջ տալ խօսակցութեան մը առանց եկեղեցւոյ և աւանդատան, առանց կրօնական բան մը մէջը խառնելու թողուցէք գոնէ երաժշտութիւնը իր ազատ ասպարէզին մէջ և մի խառնէք անհամեմատ իրաց հետ։ Աւ փոքրիկ քարոզիկ մը պակաս էր, որպէս զիմեզի ցոյց տայիք թէ երաժշտութեան անարատ թագաւորութեան մէջ ալ մտած է կրօնքը։ Այս բանիս համար ձեզի միայն երախտապարտ կրնայ ըլլաւ Հանդերձեալը եւ զարմանալի գիտերը

Թովմասը, անտարակոյս, վասն զի ասով նուիրագործուած պիտի ըլլայ իր անուան տարեղարձը երաժշտական, կրօնական և հոգեւորական ճառով մը:

— Աէկ կողմ թողուցէք կատակը, սիրելիներս, համոզուեցէք որ անկարելի է գեղարուեստից մէջէն կրօնքը արտաքսել կամ անջատել զայն:

4.

ՀՈԳԵՒՈՐ ՆԱԽԱԳԻՏԵԼԻՔ

Հոս, ով ընթերցող, պէտք է որ քեզի մի քանի լուսաբանութիւն տամ այս նիւթիս վրայօք, վերադառնալով նախկին խօսակցութեան, աւելի հասկըցնելու համար ինչ որ կ'ուզենք ապացուցանել ներկայիւս։ Գիտցիր ուրեմն՝ որ բարի ժողովրդապետին վերջին խօսքերը առանձնապէս Ուբալդոսին ուղղուած էին, որը թէպէտ չար երիտասարդ մը չէր, սակայն և այնպէս ստիպուած էր քիչ մը արդի անհաւատութեան աղբիւրէն խմել, խեղճը. քիչ մը շնչած էր համալսարանական դպրոցներու մթնոլորտի ապականութիւնը, լսած էր յաճախ կրօնքի դէմ խօսակցութիւններ առանց կարենալու յաղթանակաւ պատասխանել, և պէտք է ըսել որ կ'ուզէր պատասխանել, եթէ աղէկ սորված ըլլար քրիստոնէական վարդապետութիւնը։ Ատէպ, պարոն Թովմասի տունը առիթունեցած էր խօսելու ժողովրդապետին հետ և շատ անդամ ժողովրդապետը կրցած էր ճարպիկութեամբ և յարմարութեամբ խօսքը կրօնքի վրայ դարձնել։

Յաճախ փարատած էր տարակոյսները, լուծած էր Ուրալդոսի ըրած առարկութիւնները. մանաւանդ թէ, երբեմն խօսակցութենէ աւելի կրօնական բանախօսութեան կը նմանէր, որ մեծ հաճոյք կը պատճառէր այն բարեպաշտ գերդաստանին։ Վերջին խօսակցութիւններէն միոյն մէջ երիտասարդը յայտնապէս պարզեց քահանային, թէ ինքը շատ անգամ հաւատքի նիւթոց մէջ տարակոյսներ ունէր, և թէ յաճախ լսած էր որ քահանայից, տիեզերական ժողովոյ, պապերու գիւտն է՝ ինչ որ հաւատալիք է, ինչ բանի որ կը հաւատանք։ Աստուած յայտնած չէր Եկեղեցւոյ ինչ որ նա կը սորվեցնէ իրը աստուածային յայտնութիւն։ Քահանան եղբայրուիրական համբերութեամբ ճանչցուց իրեն թէ՝ այս ամբարտաւանութիւնը որչափ անհիմն է, և մանաւանդ շատ մը ապացոյցներ կան, որոնք ցոյց կուտան աստուածային յայտնութիւնը, ինչպէս Եկեղեցին կը սորվեցնէ հաւատոյ մասանց մէջ։

5.

ՀԱԻԱՏԱԼՈՒ ԵՕԹԸ ՇԱՐԺԱՌԻԹՆԵՐԸ

Այս ապացոյցները, ըսաւ, հաւատալու եօթը շարժառիթներն են, այսինքն այն նշանները՝ որոնք ցոյց կուտան թէ հաւատքը Աստուածմէ ծագած է։ Եւ այս շարժառիթները կամ փաստերն են մարդարեռքիւնք, հաշատոյ սրբութիւն և իմաստութիւն, վրկայք, տարածումն և վերջապէս տերականութիւնը սոյն

Հաւատքի։ Անշուշտ բոլորն ալ պիտի բաղձային լսել
եօթը ապացոյցներու ցուցադրութիւնը։ բայց մէկ
կողմէ նիւթի երկարութիւնը նկատի ունենալով և
միւս կողմէ, որովհետեւ երիտասարդը կը գոհանար
առաջին փաստի պատճառաբանութեամբ միայն, ուս-
տի ամէնքն ալ համաձայնեցան միայն առաջին ապա-
ցոյցի պատճառաբանութիւնը առաջ բերել։ Տէր Ան-
սելմոս կը պնդէր, թէ Եկեղեցւոյ մեզի հաւատալու
համար առաջարկած ճշմարտութիւնները աստուա-
ծային յայտնութիւն են, վասն զի մեծաւ մասամբ
դարերով առաջ մարդարէացուած են։ Արդ, մարդս
իր բնական մտաց ուժով չի կրնալով ապագան գու-
շակել, բնականաբար կ'եզրակացուի՝ որ դիմէ առ
Աստուած, ըստ որում մարդարէից ներշնչողն է։ Եւ
եթէ ինչ բանի որ պէտք էինք հաւատալ Աստուած
զանոնք մարդարէից ներշնչած էր, բնականաբար կը
հետեւի Եկեղեցւոյ մեզ սորվեցուցածներուն աս-
տուածային ծագումը, այլապէս այնքան տարիներ
առաջ նախագուշակել տուած պիտի շըլլար։

Եւ որովհետեւ բոլորը, մանաւանդ Ուրալդոս
հաւանեցան տէր Անսելմոսի ըսածին, որով ուրիշ
բան չէր մնար ընելու եթէ ոչ ապացուցանել մար-
դարէութիւններն, առաջի աշաց դնելով եղելութիւնը,
այսինքն թէ ինչ բանի որ կը հաւատանք նախապէս
դարերով առաջ մարդարէացուած է։

Այս ապացոյցը ճշգրտօրէն տալու համար Աս-
տուածաշունչ մը կարեւոր էր, և բարի ժողովրդապետը
խոստացաւ մերձակայ ժողովոյն սուրբ Գիրքն ալ
հետը բերելու այս անարիշն մենամարտին համար,

ինչպէս որ ուղեցին կոչել։ Ուստի որոշուեցաւ Գեկ-
տեմբերի 21ը պարոն թովմասի տօնին տարեդարձը։

6.

ԱՆԱՐԻԻՆ ՄԱՐՏԱՀՐԱԽԵՐ

Հասաւ վերջապէս որոշեալ օրը, յորում բարի
ժողովրդապետը և ուրախ երիտասարդը ճակատ առ
ճակատ կը գտնուէին պատերազմելու համար։ բոլոր
ներկաները վկայ պիտի ըլլային իրենց ճակատա-
մարտին։ Այն զէնքը՝ որով պիտի պարտուէր երի-
տասարդը չափազանց արտաքոյ կարգի և բնաւ չէր
տեսնուած պատերազմողներու ձեռքին մէջ, ոչ մի
մենամարտ տեղի ունեցած էր այդպիսի զէնքով։
Թանգարաներուն մէջ ալ չէր գտնուեր նման գործիք
մը, ուր հին դիւցազն ըմբիշներու ժանգոտած ուազ-
մական զէնքերը ի ցոյց դրուած են։ Վերջապէս
բոլորովին նորօրինակ էր։ Սեւակողք մեծ գիրք մ'էր,
շատ գործածուած, նշաններով լի։ Սուրբ Գիրքն էր
Մարդինիի թարգմանութեամբ։

Ներումն կը խնդրեմ ընթերցողէն այսքան եր-
կար շեղումի համար, զոր անտնօրինելի համարեցի
լաւապէս ճանչցնելու համար վիճաբանութեան ծա-
գումը և պարագաները յորս տեղի ունեցաւ։

Արդ, կը շնորհեմ խօսքս երկու ճակատամար-
տիկներուն՝ որոնք պատրաստ են կոռւելու, և կարճ
միջոցին պիտի տեսնենք ճշմարտութեան յաղթանակը։

Մենամարտին որոշուած զէնքերը զիտենք, մէկ կողմէն Աստուածաշունչ գիրքն է և միւս կողմէ ձրի և յիմար Ենթադրեալ պատճառաբանութիւն։

Մարդկային գիւտ է, առասպել է, քահանայից արհաւիրքն է, երկիւղն է, բնաւ տեղի ունեցած չէ աստուածային յայտնութիւն և ուրիշ անտեղի առարկութիւնները պիտի ըլլան թերահաւատ երիտասարդին տկար զէնքերը։

— Կը յիշէք Ուրալդոս, ըսաւ քահանան, վիճաբանութիւնը այս երեկոյ տեղի պիտի ունենայ։

— Այո՛, պատասխանեց երիտասարդը, բայց կարծեմ թէ ես ազատ եմ հաւատքի մասին իմ բուլոր տարակոյսներու կրկնելէ. ուրիշ խօսակցութեանց մէջ արդէն արտայայտած եմ ու պատասխանն ըստացած։ Միայն թէ՝ մինչեւ որոշապէս չտեսնեմ Աստուծմէ յայտնուած ըլլալը պիտի չհաւատամ։ Այս երեկոյ իմ պաշտպանս ալ ունիմ, այսինքն Թովմաս առաքեալը, որ ինչպէս կ'ըսեն, չուզեց հաւատալ մինչեւ որ բոլորովին վստահ չեղաւ. լսած եմ մատի մը մասին եւս զոր ուզեց մխել Յիսուսի կողը, գեղարդին ծակած տեղը։

— Յատ աղէկ, դուք ալ հաստատապէս պիտի հաւատաք երբոր ցոյց տամ թէ հաւատքը Աստուծոյ խօսքն է, դուք Թովմասի պէս ձեռքով պիտի շօշափէք ճշմարտութիւնը և պիտի հաւատաք։



7.

ՄԱՐԳԱՐԵՌԻԹԻՆՆԵՐԸ

Կախ և առաջ աւելորդ կը համարիմ ապացուցանել մարգարէական գրոց վաւերականութիւնը, քանի որ ըստիք թէ անոնց նկատմամբ տարակոյսչունիք, պահպանուած ըլլալով Երրայեցւոց կողմէ, քրիստոնէութեան ամենակատաղի թշնամիներէն, և բոլորն ալ իրականացած են մեր կրօնքի թշնամեաց միջոցաւ։ Մարգարէութեանց հնութեան գալով, գիտցէք որ առաջինը տեղի ունեցաւ հազիւ թէ առաջին մեղքը գործուեցաւ։ այս մարգարէութիւնը աստուածային Փրկչին գալուստը կ'ակնարկէր։ Յակոբ նահապետ մահուան անկողինն էր Քրիստոսի գալուստէն 1700 տարի առաջ, երբ մարգարէացաւ Փրկչին ծնունդը։ Պէտք էին սահիլ անցնիլ 1500 տարի, Մովսէսի Մեսիայի վրայ ըրած մարգարէութեան կատարման համար։ Այսպէս Դաւիթ՝ Փրկչին ծնունդէն 1055 տարի առաջ կը մարգարէանար։ Ամովս, Ողիա և Յովել կը նախատեսէին աստուածային գործերը գրեթէ 800 տարի առաջ։ Եսայիայէ, Երեմիայէ և այլն, մինչեւ Մաղաքիա յաջորդեցին մարգարէութիւնք ճշդապէս 760, 628, 450 տարի՝ անոնց ի գլուխ գալէն առաջ։

— Բայց, ներեցէք տէր ժողովրդապետ, դուք ինձի խոստացաք մարգարէութեանց վկայութիւնները կարդալ և ոչ թէ ակնարկել անոնց մարգարէութեան

թուականը։ Ամէն բանէ առաջ, ինդրեմ, հաճէիք բացատրել ի՞նչ անձինք էին մարգարէները։ Կարծեմ թէ անոնց մարգարէութիւնները լսելնէս առաջ լաւ է որ տեղեկանանք թէ ովքե՞ր էին և ինչպիսի՞ անձինք։

— Իրաւոնք ունիք, սիրելիս, և ձեր տենչանաց յագուրդ տալու համար, զիտցէք որ Աստուածիր մարգարէները ամէն վիճակէ և դասակարգէ կանչեց։ Ոմանք թագաւոր եղան, ինչպէս էր Դաւիթ, ոմանք ազնուական ծագում ունէին, ինչպէս Եսայի, ոմանք ալ քահանայական ցեղէ, ինչպէս Երեմիա և Եղեկիէլ, ոմանք ալ զեղջկական ստորին դասակարգէ, ինչպէս Եղիսէլ և Ամովս։ Մարգարէները աղքատ էին և ճգնաւորներու պէս դաշտերու և անապատներու մէջ կ'ապրէին, իրենք զիրենք բոլորովին աղօթքի, ուսման տուած էին, Աստուծոյ օրէնքներու վրայ կը մտածէին և Աստուծոյ փառաբանութիւնները կ'երգէին։ Ոմանք ալ այնչափ աղքատ էին որ ստիպուած էին ծառի կոճղներով բաց դաշտի մէջ խրճիթ մը շինել, խորդ էր հագածնին, տիրութեան վերարկուով։ Անոնց կերակուրը հաց էր և խմելիքը ջուր, և այս կ'ընէին ժողովրդեան մեղաց քաւութեան համար։ Այն անծանօթ մենակեացներէն, այն սոսկալի այրերէն Աստուած հանեց իր ծառաները և խաւրեց զանոնք մարգարէանալու ժողովրդեան մէջ։ Թէ մեծերէն և թէ ստորին դասակարգէն միշտ նախատուեցան, ատուեցան, բանտարկուեցան, չարչարուեցան և մինչեւ սպաննուեցան։ Այս արտաքոյ կարգի մարդիկ՝ գուշակող ըլլալէ զատ, ինչ-

պէս կը կարծեմ թէ սուրբ Օգոստինոս կ'ըսէ՛ փիւ-
լիսովայ, աստուածաբան և գիտնականներ էին,
վարդապետ էին պարտուց և բարեպաշտութեան:

Մարգարէները կը պատկանին այն սրբոց կար-
գին, որոնց մասին սուրբն Պօղոս Առաքեալ կը խօսի
առ Եբրայեցիս գրած թղթոյն մէջ. Գլուխ ԺԱ. 36.
«Եւ կէսքն զտանջանաց և զգանից զփորձ առին,
զկապանաց և զբանտից: Քարկոծեցան, սղոցեցան,
փորձեցան, սպանմամբ սրոյ մեռան, շրջեցան լաշ-
կամաշկօք և մորթովք այծենեօք: Կարօտեալք, նե-
ղեալք, չարչարեալք, զորս ոչ արժէ աշխարհս, յա-
նապատի մոլորեալք, և ի լերինս, և յայրս, և ի փա-
պարս երկրի»:

Արդ, ահա ներկայացուցի մարգարէները. այժմ
գիտէք թէ ով էին մարգարէները, սիրելի Ուրաւ-
դոս, այնպէս չէ:

— Հազար շնորհակալութիւն. կ'ուզեմ այժմ
մարգարէութիւններու խօսքերը լսել, ճիշդ բնագիրը:

— Մի աճապարէք, սիրելիս, հիմայ այդ պիտի
ընեմ բոլոր մարգարէական գրքերէ քաղելով, որով
պիտի համոզուիք՝ որ մարգարէութիւնները թելա-
դրուած են այնպիսի ճշգրիտ բառերով և ձեւերով,
որոնք ճշմարիտ պատմութիւն մը կը թուին եղած
դէպքերուն: Ահա, ասոր համար այս մեծ գիրքը
ձեռքս առած եմ:



8.

Մ Ե Ս Ի Ա

Դուք կ'ընդունիք և առանց այլ և այլի կը հաւատաք՝ որ Մեսիան յառաջընթաց կարապետ մ'ունեցաւ, որ ժողովրդեան կ'աւետէր Քրիստոսի գալուստը։ Եւ իսկապէս ասիկա մարգարէացած էին Եսայի և Մաղաքիա մարգարէները, ըսելով թէ «Անապատի մէջ ձայն մը պիտի լսուի, Տիրոջ ճանապարհը պատրաստելու համար՝ անմիջապէս իրմէ առաջ»։ Այս բանը ստուգելու համար բացէք Եսայի 40րդ գլուխը, երեք համար, և Մաղաքիա գլուխ 3 համար առաջին։

— Աւելորդ կը համարիմ բանալ և ստուգել, ինձի այնքան կարեւոր չի թուիր։

— Աղէկ, յարեց տէր Անսելմոս, մենք կը հաւատանք Մարգեղութեան Բանին՝ կուսի մը արգանդին մէջ. ահա Եսայի որ կը գուշակէ այնքան յայտնի եղանակաւ, որ Մեսիան, Էմմանուէլ կոչուածը, որ ըսել է Աստուած ընդ մեզ, պիտի ծնանի կուսէ մը։ Կարդամ ձեզի իր ճշգրիտ բառերը, Եսայի եօթներորդ գլուխ, 14 համարին մէջ. «Վասն այդորիկ տացէ ձեզ Տէր ինքնին նշան։ Ահա կոյսն յղասցի՝ և ծնցի որդի, և կոչեսցեն զանուն նորա Էմմանուէլ»։

— Հաճեցէք ըսել ինձ, Տէր ժողովրդապետ, արդեօք նախագուշակուեցա՞ւ յայտնապէս Մեսիայի ծննդեան ճիշդ ժամանակը։

— Անտարակոյս. Յակոբ նահապետ մարգարէացաւ, մանաւանդ թէ ընդարձակօրէն, երբ նա մահամերձ էր : Կանչեց իր զաւակները և օրհ Նելով զանոնք ուրոյն ուրոյն, ամէնուն համար մարգարէութիւններ ըրաւ : Յետ շատ մը աղէկ բաներ նախատեսելու Յուղային, աւելցուց հետեւեալ բառերը զոր կը կարդանք Ծննդոց 49-րդ գլխուն 10-րդ համարին մէջ . «Մի պակասեսցէ ի քէն իշխան Յուղայ և մի պետ յերանաց նորա . մինչեւ եկեսցէ նա որոյ իւրն է հանդերձեալքն, և նա է ակնկալութիւն հեթանոսաց»: Արդ, Մեսիան եկաւ աշխարհ ճիշդ այն ատեն՝ երբ Դաւթի իշխանութիւնն օտարի ձեռք անցած էր, այսինքն՝ երբ Հերովդէս, ազգաւ Եղովմայեցի, կը տիրէր Եբրայեցւոց: Եւ այսպէս, դուք կը տեսնէք որ Յուղայի ցեղին մէջ տեւեց թագաւորութիւնը մինչեւ Մեսիայի գալուստը: Յիսուսի Քրիստոսի գալստենէն յետոյ վերջացաւ իսպառ Յուղայի ցեղի թագաւորութիւնը և ուրոյն իշխանութիւն ըլլալէ դադրեցաւ:

— Ներեցէք, ինձի շատ լաւ ճշդուած չ'երեւիր Յիսուսի Քրիստոսի ծննդեան ժամանակը . կընա՞մ ինդրել որ ուրիշ մարդարէի մարդարէութիւն մ'ալ ցոյց տայիք Մեսիայի ժամանակի գալստեան վրայեօք :

— Ամենայն սիրով ձեր բաղձանաց յագուրդ կուտամ, Դանիէլի մարդարէութիւնը աչքի առջեւ դնելով . իններորդ գլխուն 24 համարին մէջ և ուր զկնի կ'ըսէ թէ պէտք էին համրուիլ տարիներու 70 շաբաթները, այսինքն շուրջ 490 տարի, Կիւրոս Պար-

սից թագաւորին, որ տիրապետած էր Բաբելոնի կայսրութեան, Երուսաղէմի շինութեան հրովարտակէն մինչեւ Արքոց Արքոյն դալուստը։ Ըստ Եսայեայ մարգարէի, այս իշխանը ազատութիւն պիտի տար Երրայեցւոց և թոյլ պիտի տար քաղաքին վերաշինութիւնը, որ ճշգրտեցաւ կէտ առ կէտ Աւգոստոս Կեսարի թագաւորութեան հնգետասաներորդ տարին։

Դարձեալ դիտենք՝ որ Բեթղեհէմ տեսաւ աստուածային մանկան ծնունդը. և այս պարագան մարգարէացած էր Արքիա մարգարէն. Գլուխ 5, համար 2. «Եւ դու Բեթղեհէմ տուն Եփրաթայ սակաւաւոր՝ իցես լինել ի հազարաւորս Յուղայ։ Ի քէն ելցէ ինձ լինել իշխան իսրայէլի. և ելք նորա ի սկզբանէ աւուրց աշխարհի»։ Կը տեսնես ուրեմն թէ ինչպէս նաեւ այս պարագան ճիշդ իր տեղին Աւսիայի դալստենէն 700 տարի առաջ մարգարէացուած է։

9.

ՄՈԳ ԹԱԳԱԽՈՐՆԵՐԸ

Յանկարծ լսուեցաւ քաղցր արծաթահնչիւն ձայն մը։

— Տէր ժողովրդապետ, մոգ թագաւորներն աւ որ ընծայ բերին սուրբ Ամանկան, մարգարէացուած էին։

Այս խօսքերուն վրայ բոլորը ժպտեցան. դարձան դէպի փոքրիկ Յովսէփիկը, դարմանալով անոր

ուշադրութեան՝ որ կը հետեւէր վիճաբանութեան, և կուշտ մը ծիծաղեցան այդ պարզամիտ հարցման համար։ Երբ ծիծաղը դադրեցաւ, Ուրալդոս ժպտելով՝ փոքիիկ Յովսէֆիկը իրեն համամիտ մը յայտարարելէ վերջ, բարի ժողովրդապետը խօսք առաւ.

— Դուք ամենքնիդ ալ ծիծաղեցաք Յովսէֆիկի միամիտ հարցման. զուցէ ձեզի մանկական հետաքրքրութիւն մը թուեցաւ, ենթադրելով որ մարդարէները կրնային արդեօք զբաղած ըլլաւ այդպիսի մասնական պարագաներով, սակայն և այնպէս ես կրնամ զձեզ ապահովցնել որ այս հանգամանքն ալ նախատեսուեցաւ Դաւիթ և Եսայի մարդարէներէն։ Ահա անոնց խօսքերը. Դաւիթ 71-րդ սաղմոսին տասներորդ համարին մէջ կ'ըսէ. «Թագաւորք Թարսոսի և կղզեաց պատարագս մատուցեն նմա, թագաւորք Արարայ և Սարայ պատարագս բերցեն նըմա»։ Բարի Յովսէֆիկին բաւականութիւն պատճառելու համար պիտի յիշեմ նաեւ Եսային, որ մանրամասն կը նկարագրէ ո՛չ միայն՝ թէ ինչպէս այրը հասան, այլ մինչեւ իսկ ընծաները զորս նուիրեցին։ Կարդամ ձեզի Եսայեայ մարդարէական խօսքերը, որոնք գրուած են գլուխ 60, համար 6. «Եկեսցեն երամակը ուղտուց, և ծածկեսցեն զքեզ ուղտերամակքն Մադիամու և Գեփայ։ Ամենեքեան ի Սարայ եկեսցեն, բերել ոսկի և կնդրուկ և ականս պատուականս. և զփրկութեան Տեառն առցեն զաւետիս»։ Տեսաք ուրեմն. և ի՞նչ աւելի կ'ուզէք։ Նոյն Եսայի մինչեւ անգամ աստղը տեսաւ՝ որ Առգերուն պիտի առաջնորդէր. նոյն գլխուն 3 համարին մէջ կ'ըսէ.

«Եւ գնասցեն թագաւորք ի լոյս քո, և հեթանոսք
ի ծաղել լուսոյ քո»։ Իսկ ինչ որ կը վերաբերի աս-
տեղ հրաշալի երեւման, ունինք ուրիշ մարդարէ մը
որ զայն աւետեց։ Բաղաամ կանչուեցաւ Առվարա-
ցւոց թագաւորէն, անէծք կարդալու իսրայէլացւոց։
յանդիմանուեցաւ հրեշտակէն, երբ իր հեծած էշը
հրաշքով խօսեցաւ և բողոքեց՝ որ զինքը անդու-
թեամբ կը ծեծէր։ Երեք անգամ մարդարէն պատ-
րաստուեցաւ անիծելու իսրայէլացիները, բայց
միշտ արգիլուեցաւ Աստուծմէն։ Եւ վերջապէս ա-
նէծքը օրհնութեան դարձնելով, ընտրեալ ժողովը-
դեան ամէն տեսակ բարօրութիւն մարդարէացաւ։
Ներշնչեալ մարդարէն ամենապայծառ կերպով այն
վայրկենին յանձին մոզերուն տեսաւ, որ Փրկչին
ծննդեան համար ծագած աստեղ առիթով՝ եկան
Բեթղեհէմ երկրպագելու համար։ Լուցէք իր իսկ
խօսքերը, զոր կը կարդամ Թուոց գրքին մէջ (Թուոց
կ'ըսուի՝ վասն զի ժողովրդեան թուարկութեամբ կը
սկսի)։ Գլուխ 14, Համար 17. «Յուցից նմա և ո՛չ
այժմ. երանեցից և ո՛չ ի մօտոյ։ Ծագեսցէ աստղն
Յակոբայ, և յարիցէ այր յիսրայէլէ, և հարցէ զիշ-
խանս Առվարայ, և առցէ աւար զամենայն որդիս
ԱԵԹԱՅ»։

10.

ԱՆՄԵՂ ՄԱՆԿԱՆՑ ԿՈՏՈՐԱԾԸ

Բեթղեհէմի մանուկներու մահուան աղիկտուր
տեսարանը, որ ընդհանրապէս անմեղ մանկանց կո-

տորած անունով կը կոչուի, շուրջ 600 տարի առաջ
գուշակուեցաւ Երեմիա մարդարէէն. Գլ. 31Երորդ
15 համարին մէջ կ'ըսէ. «Չայն ի Հռամայ լսելի
եղեւ, ողբումն, և լալումն և գուժումն. Ուաքէլ լայր
զորդիս իւր, և ոչ կարէր միիթարել ի վերայ որդւոց
իւրոց՝ զի ոչ գոյին»։

— Ներեցէք յարգելի տէր, ընդհատեց Երեւ-
տասարդը, միթէ ասիկա՞ իրապէս մարդարէու-
թիւն կրնա՞յ ըսուիլ. անմեղ մանկանց կոտորածը
Ուաքէլի հետ ի՞նչ առնչութիւն ունի։ Վկաներ, ձեզի
կոչ կ'ընեմ, գոնէ այս անգամ, վասն զի այս մար-
դարէութիւնը ես մութ կը տեսնեմ։

— Աիրելի Ուրալդոս, այս խօսքերը բացա-
տրութեան պէտք ունին, և ահաւասիկ պատրաստ
եմ։ Նախ և առաջ գիտցէք, որ սուրբ Մատթէոս
Գլուխ Բ., համար 17 և 18, պատմելով անմեղ ման-
կանց ջարդը, կ'ակնարկէ Երեմեայի այս գուշակու-
թիւնը և կ'ըսէ թէ՝ կատարուեցաւ ինչ որ մարդա-
րէացուած էր։ Սուրբ Մատթէոսի գրածին մէջ կը
կարդանք. «Չայն գործեաց ի Հռամայ»։ Արդ Հռամ
փոքրիկ քաղաք մ'էր Բենիամինի տոհմին և Բեթ-
ղեհէմի մօտ էր։ Իմաստն այս է, այսինքն մանուկ-
ներու լացը և աղաղակը մինչեւ Հռամ հասաւ, մինչեւ
Հռամ կը լսուէր։ Իսկ ինչ կը վերաբերի անոր որ
կ'ըսէ. «Ուաքէլ լայր զորդիս իւր»։ գիտենք որ Բե-
նիամինի մայրը Բեթղեհէմ թաղուեցաւ. ուստի շատ
յարմարութեամբ գրած է մարդարէն, որ բոլոր մայ-
րերու փոխարէն, նա, Ուաքէլ կ'ողբար իր թոռներու
մահը։

— Այս անգամ եւս, ինչպէս միշտ, դուք իրաւունք ունիք յարգելի ժողովրդապետ։ Հաճեցէք ըսելու թէ Եգիպտոս փախչիլը, որ անմեղ մանկանց ջարդի հետեւութեամբ տեղի ունեցաւ, որ մարդարէն գուշակած է այս։

— Ի հարկէ այս, ահա մենք կը կարդանք Ովսեայ մարդարէութիւնը, որ խօսելով Աստուծոյ առ Խորայէլ ունեցած սիրոյն վրայ, կ'ըսէ։ Գլուխ 44, համար 1. «ՅԵգիպտոսէ կոչեցից զորդի իմ»։ Գուշակուեցաւ նաեւ, յարեց քահանան, Մեսիայի քարոզութիւնը, որ բեղմնաւոր պիտի ըլլար սրբութեամբ և հրաշքով ի նպաստ մարդկային խեղճութեանց։ Յիշենք առանձնապէս Եսայեայ մարդարէի խօսքերը։ Գլուխ 35, համար 4, 5, 6. «Յայնժամ աշք կուրաց բացցին, և ականջ խլից լուիցեն, յայնժամ վազեսցէ կաղն իրրեւ զեղջերու, և պարզ լիցի լեզու ծանրախօսաց»։

— Ստուգիւ այսպէս է, ընդհատեց տիկին Մադդաղինէ, մեր սիրելի Յիսուս Քրիստոսը եկաւ աշխարհ զմեզ փրկելու, ոչ միայն զմարդիկ բարութեամբ լցուց, այլ նաեւ բոլոր մարդոց մեղքերը իր վրան առաւ, արդարութեան հատուցում ընելու համար։

— Իսկապէս, յարեց տէր Անսելմոս, այս ալ, թէ նա մեր մեղքերը իր վրայ առաւ, մարդարէացուած է Եսայի մարդարէի բերնով։ Ես շնորհապարտ ըլլալու եմ տիկին Մադդաղինէին, քիչ մնաց պիտի մոռնայի այս մարդարէութիւնը։ Ահաւասիկ մտիկ ըրէք մարդարէին խօսքերը։ Գլուխ 53, համար 4,

5. «Յա զմեղս մեր բառնայ և վասն մեր չարչարի, և մեք համարեցաք զնա ի ցաւս և ի հարուածս և ի չարչարանս իրրեւ յԱստուծոյ։ Բայց նա վիրաւորեցաւ վասն մեղաց մերոց, և պատժեցաւ վասն մերոց անօրէնութեանց։ Խրատ խաղաղութեան մերոյ ի նմա, և նորա վիրօքն բժշկեցաք»։ Կարծես թէ պատմութիւն մ'է՝ որ կը կարդանք և ոչ թէ մարգարէութիւն մը, որ տեղի ունեցած է 800 տարի առաջ։

11.

ՎԱՐՔ. ԶԱՐՉԱՐԱՆՔ ԵՒ ՄԱՀ
ՅԻՍՈՒՍԻ ՔՐԻՍՏՈՍԻ

— Դեռ ըոպէ մ'ալ սպասեցէք, սիրելի Ուրալդոս, և պիտի տեսնէք ինչ ճշգութեամբ, ինչ մանրամասնութեամբ մարգարէացուած է մեր Փըրկշին չարչարանքը և մահը, մեր հաւատքին գլխաւոր առարկան։ Եւ Յիսուսի իրրեւ Արևիա Երուսաղէմ փառաւոր մուտքէն սկսելով պիտի ըսեմ, որ զայս իսկապէս մարգարէացած էր Զաքարիա մարգարէն, որ յետոյ Ա. Պուկասու Աւետարանին մէջ պատմըւած է։

— Տէր ժողովրդապետ, Զաքարիա մարգարէն... ներեցէք որ կ'ընդհատեմ հարցմամբ մը որ ծաղրաւից պիտի թուի, մարգարէն կը նախատեսէ՞ նաեւ Յիսուսի Քրիստոսի յաղթանակաւ Երուսաղէմ մտած ժամանակը, իշու վրայ նստիլը։

— Ի հարկէ, կարդացէք Զաքարիա Գլուխ 9,
Համար 9., և պիտի տեսնէք որ կը խօսի թէ ինչ-
պէս մեր Տէրը պէտք էր իշու վրայ նստիլ. «Ու-
րախ լեր յոյժ, դուստր Ախոնի։ Ահա թագաւոր քո
գայ առ քեզ, արդար և փրկիչ, նոյն հեզ և հեծեալ
ի վերայ իշոյ և յաւանակի նորոյ»։ Կմանապէս,
ընդդէմ Կաղովրեցւոյ դաւադրութիւնը, յարեց ժո-
ղովրդապետ քահանան, թագաւորներու և ժողովր-
դոց դաւաճանութիւնը իրեն դէմ՝ զուշակուեցաւ
թագաւոր մարգարէէն այն բառերով, զորս Աաղմո-
սին մէջ կը կարդանք, Գլուխ Բ., Համար 2. «Յան-
դիման եղեն թագաւորք երկրի, և իշխանք ժողովե-
ցան ի միասին վասն Տեառն և վասն Օծելոյ Կորա»։
Կոյնապէս այն բառերը զորս կը տեսնենք, Աաղմոս
Գլուխ 21, Համար 17. «Շուրջ եղեն զինեւ շունք
բազումք, և ժողովք չարաց պաշարեցին զիս»։

— Բայց, դիտել տուաւ երիտասարդը, իրեն
աշակերտներէն մէկը չէր որ մատնեց աստուածա-
յին փրկիչը և ծախեց զայն թշնամիներուն երեսուն
դահեկանի։

— Այս, այս երկու հանգամանքներն իսկապէս
նշանակուած են։ Մտիկ ըրէք ինչ կ'ըսէ Կաւիթ.
Աաղմոս 40, Համար 11., Յուդայի մատնութեան
վրայօք իրականութիւն գտնելէ հազար տարի առաջ.
«Որ ուտէր ընդ իս հաց, յաճախեաց առնել ինձ
խարէութիւն»։ Զաքարիան եւս երկնային լուսով
լուսաւորուած՝ կը նախատեսէ՝ 30 արծաթի վաճա-
ռուիլը։ Մտիկ ըրէք իր խօսքերը հոս՝ մետասանե-
րորդ գլխոյ երեքտասաներորդ համարին մէջ. «Եւ

կշռեցին զվարձս իմ երեսուն արծաթի»։ Հոս կ'ակնարկէ մարգարէն երկնային Հովուին կեանքի գինը, պատմելով առակը կամ տեսիլքը հովուի մը՝ որ իր ոչխարներէն մերժուած է և զնահատուած է իր արժէքը երեսուն արծաթի չնչին դումարով։

— Բաւական է, բաւական է տէր ժողովրդապետ, համոզուած եմ և յաղթահարուած Յիսուսի Քրիստոսի վրայօք եղած մարդարէութեանց։ Առկէ զատ կ'ուզեմ որ ինծի ըսէիք…

— Բայց ոչ, պարոն, կ'ուզեմ լմնցնել այժմ, լաւ ոճ չէ սկսիլ բան մը և կէս թողուլ։ Եթէ զիս չընդհատէք մէկը միւսին ետեւէն, Յիսուսի Քրիստոսի չարչարանաց և մահուան վերաբերեալ մարդարէութիւնները համառօտօրէն կ'ըսեմ։

Դուք զիտէք որ Յիսուս անարգուեցաւ իր անագորոյն թշնամիներէն, սուտ վկաներէ ամբաստանուեցաւ, բարբարոսաբար ձաղկուեցաւ։ Բարւոք։ Դաւիթ այս ամէնը արդէն մարգարէացած էր։ Գողդոթայի վրայ զինուորները հանդերձները բաժնեցին, և պատմուճանին վրայ վիճակ ձգեցին։ Արդ, սաղմոսերգուն տասը դար առաջ կը տեսնէր այս պարագան և կ'ըսէր Սաղմոսի Գլուխ 21, 19 համարին մէջ։ «Բաժանեցան զհանդերձս իմ ի մէջ իւրեանց և ի վերայ պատմուճանի իմոյ վիճակս արկանէին»։ Եսայի մարգարէն նախադուշակեց՝ նոյնիսկ ամենաշարագործ սինլքորներու հետ դնելնին, անողորմ և տմարդի հարուածները և թքալից նախատինքները զոր երեսին կը նետէին։ Մտիկ ըրէք ինչպէս կը բացատրէ։ Գլուխ 53, համար 12. «Եւ ընդ անօրէնս

Համարեցաւ. և նա զմեղս բազմաց վերացոյց և վասն անօրէնութեանց նոցա մատնեցաւ»։ Դարձեալ Գլ. 50 համար 6. այսպէս կը մարդարէանայ. «Զթիկունս իմ ետու ի հարուածս, և զծնօտս իմ յապտակս, և զերեսս իմ ոչ դարձուցի յամօթոյ ընդ երեսս թքանելոյ»։ Եւ լեղի քացախ խմելը խաչի գառն ցաւոց հետ, Դաւիթ նախատեսած էր. Սաղմոս Գլուխ 68, համար 22. «Ետուն ի կերակուր ինձ լեղի, և ի ծարաւ իմ արբուցին ինձ քացախ»։ Եւ Սաղմոս 21 Գլուխ, 18 համար կը գրէր. «Ծակեցին զձեռս իմ և զոտս իմ, և թուեցին զամենայն ոսկերս իմ»։ Յիսուսի Քրիստոսի մահը գուշակեց Դանիէլ. Գլ. 9, համար 26. «Եւ յետ վաթսուներկու եօթներորդաց բարձցի օծութիւնն, և իրաւունք ոչ իցեն ի նմա»։

— Ասոնք, խօսք առաւ Ուրալդոս, ապշահար և յայտնապէս յաղթահարուած, տեսնելով այնքան ճշդութեամբ կատարուած Մեսիայի՝ Յիսուսի Քրիստոսի վերաբերեալ մարդարէութիւնները, կը խոստովանիմ սիրելի ժողովրդապետ, որ ասոնց ճշմարտութեան հաւատալու դժուարութիւն չունիմ։

12.

ՀԱԻԱՏՔԻ ՈՒՐԻՇ ՃՇՄԱՐՏՈՒԹԵԱՆՑ ՎՐԱՅ
ՄԱՐԳԱՐԵԿՈՒԹԻՒՆՆԵՐ

— Երեցէք, եթէ դուք կ'ուղէք բոլորովին յաղթանակած ելլել այս վիճաբանութենէն, պէտք

է ինծի ցոյց տաք թէ գուշակուած են մեր հաւատքի միւս ճշմարտութիւններն ալ, զորս եկեղեցին կը սորվեցնէ։ Գիտեմ որ բաւական է եթէ մէկ մարդարէութիւն մ'իսկ լրացած ըլլայ, ի հաստատութիւն ճշմարիտ և Աստուծմէ յայտնուած հաւատքին. բայց և այնպէս շատ զոհ պիտի մնամ։

— Եատ աղէկ, ըստ քահանան, ես կ'ուզեմ բաւականութիւն տալ ձեր այս փափաքանաց, մանաւանդ թէ նախատեսած էի տոանց մարդարէ ըլլալու։ Այս Աստուծաշունչ գրքին մէջ մնացած նշանները զոր կը տեսնէք, ցոյց կու տան որ ուրիշ փաստեր ալ ունիմ այս սոսկալի վիճարանուրեան մէջէն յաղթանակաւ ելլելու համար։

Նախ և առաջ, Յիսուսի Քրիստոսի մահուընէ վերջը, մենք կը հաւատանք իր անճառելի Յարութեան։ Արդ, մտիկ ըրէք թէ ինչպէս Եսայի զայս մարդարէացաւ երբ կը հաստատէր որ Յիսուսի Քրիստոսի գերեզմանը պիտի փառաւորուի։ Ահաւասիկ իրեն խօսքերը. Գլուխ ԺԱ. համար 10. «Եւ եղիցի հանգիստ նորա պատւով»։ Իսկ Գաւիթ աւելի յայտնապէս գուշակեց. Գլուխ ԺԸ. համար 10. «Զի ոչ թողցես զանձն իմ ի դժոխս և ոչ տացես սրբոյ քում տեսանել զապականութիւն»։ Թէ Յիսուս Քրիստոս պիտի ըլլար ծայրագոյն քահանայապետ, նոյնպէս մարդարէացաւ Գաւիթ. Ապամոս 109, համար 5. «Գու ես քահանայ յաւիտեան ըստ կարգին Աեւքիսեղեկի»։

— Ի՞նչ կը վերաբերի քահանայից, ընդհատեց Ուրալոս, ասոնց պատարագ մատուցանելն ալ զու-

շակուած է։ Գրեթէ գրեթէ պատրուակ մը բաւական է ինծի՝ տօնի օրեր պատարագ տեսնելու պարտականութենէ ազատելու։ Տէր ժողովրդապետ, կը տեսնեմ զձեզ մտատանջ և ջղայնացած կը դարձընէք Առւրբ Գրքի թղթերը, խոստովանեցէք որ այժմ յաղթուեցաք և զէնքերը վար դրէք։

— Սիրելիս, զէնքը վար դնելու համար շատ բան կ'ուղէ։ Զեր հարցումը ինծի յիշեցնել կուտայ 1870 թուականէն վերջ տիկնոջ մը ըրած յայտարարութիւնը, ըստ որուն՝ քանի որ պապը Հոռվմայ չիշխէր պարտականութիւն չկայ պատարագ տեսնելու։ Խեղճը, ան ալ պատրուակ մը կը փնտոէր։ Եւ դուք կը տեսնէք ինչ տգիտութիւն մէկ բան միւսին տեղ առնել։ Գիտցէք նաեւ որ պատարագի սուրբ Զոհի հաստատութիւնը, անոր մատուցումը բոլոր աշխարհիս վրայ՝ Աղաքիա մարգարէն մարգարէացաւ։ Գլուխ Ա. համար 11. «Զի յարեւելից մինչեւ ի մուտս արեւու փառաւորեալ է անուն իմ ի մէջ ազգաց, և յամենայն տեղիս մատչին խունկք անուան իմոյ և պատարագ սուրբ, զի մեծ է անուն իմ ի հեթանոսս, ասէ Տէր Ամենակալ»։ Այս բառերով նախագուշակուած է արիւնաթաթաւ զոհերու ջընջումը և հաստատութիւնը նոր զոհի մը միշտ անարատ, միշտ անրիծ, միշտ հաճոյական Աստուծոյ, պատարագ մը որ ամենուրեք և ամէն ազգաց մէջ պիտի մատուցուի։ Այս զոհը խկապէս Յիսուսի Քրիստոսի Արմնոյ և Արեան Զոհն է, նուիրուած անգամ մը իրմէ խաչին վրայ, և վերանորոգուած Եկեղեցւոյ մէջ, ըստ հրամանի մեր Տէրոջ Յիսուսի Քրիստոսի։ «Զայս արարէք առ իմոյ յիշատակի»։

— Այլեւս բոլորովին պարտուեցայ, տէր ժողովրդապետ:

— Կեցէք, դեռ չի բաւեր. կը յիշեմ որ մեր Սուրբ Գրոց ուսուցիչը երբ այս մարգարէութիւնը կը բացատրէր, թէեւ լատին Վուլկաթայի մէջ «Պատարագ սուրբ» կը կարդանք, երբայական բնագրին մէջ կը նշանակէ խսկապէս նորիրազմն հացի, ցորենի, ալիւրի, գինիի, ուր մարգարէն յայտնապէս կ'ակնարկէ այն զոհը զոր նուիրած է Մելքիսեդեկ՝ տիպար մեր աստուածային Փրկչին:

13.

ՀԱԻԱՏՔԻ ՎԵՐԶԻՆ ՆԱԽԱԴԱՍՈՒԹԻՒՆՆԵՐԸ ԿԱՆԽԱԳՈՒՇԱԿՈՒԱԾ

— Կը կրկնեմ, տէր ժողովրդապետ, որ զիս ի սպառ զէնընկեց ըրիք և յաղթեցիք: Սակայն վերջին ապաստան մ'ալ ունիմ: Յիսուսի Քրիստոսի Համբարձումը, իւր երկրորդ գալուստը, դատաստանի օրը, Հոգւոյն Սրբոյ գալուստը, մեղքերուն թողութիւնը, բոլորն ալ ճշմարտութիւններ են որոնց կը հաւատանք, բայց ինդրեմ, ըսէք, անոնք ալ կանխագուշակուած են:

— Անշուշտ. և վերջնական յաղթանակը տանելու համար կ'ուզեմ մաս առ մաս մէջ բերել այս մարգարէութիւնները: Կը սկսիմ Յիսուսի Քրիստոսի հրաշափառ յերկինս համբարձումէն՝ յետ իր աստուածային առաքելութիւնը երկրիս վրայ կա-

տարելու։ Դաւիթ իր մարգարեական աչքով շատ դարեր առաջ տեսաւ Յիսուսի Քրիստոսի փառաւոր մուտքը Երկինք։ ահա իր խօսքերը։ Ապղմոս իԳ. Համար 9. «Համբարձէք իշխանք զղբունս ձեր ի վեր, Համբարձին դրունք յաւիտենից և մտցէ թագաւոր փառաց... Տէր զօրութեանց, սա ինքն է թագաւոր փառաց»։ Յովէլ մարգարեացաւ անոր Երկրորդ գալուստը ընդհանրական դատաստանի օրը. Գլուխ 3, Համար 12. «Զարթիցեն և Ելցեն ամենայն ազգք ի ձորն Յովսափաթու, զի անդ նստայց դատել զամենայն ազգս շուրջանակի»։ Հոգւոյն սրբոյ զալուստն ալ մարգարեացաւ նոյն մարգարէն, որ Գլուխ Բ. Համար 28 այսպէս կ'արտայայտուի, խօսեցնելով նոյն ինքն զԱստուած. «Հեղից յոգւոյ իմոյ ի վերայ ամենայն մարմնոյ. և մարգարեացին ուստերք ձեր....»։ Տարակոյս չկայ որ մարգարէն հոս կը նկարագրէ Հոգւոյն Սրբոյ հրաշալի հեղումը, թոյլ տուէք որ այսպէս անուանեմ, հաւատացելոց վրայ։ Պենտեկոստէի օրը Ա. Պետրոս վերնատունէն ելլելով միւս առաքելոց հետ, քարոզելու Համար ամէն լեզուով, Հոգւոյն Սրբոյ գալստենէն վերջը, հիացման մէջ սքանչացուց և պապանձեցուց բոլոր ժողովուրդը։ Աւկայն եղան ոմանք, որ զիրենք ծաղրելու Համար կ'ամբաստանէին զանոնք ըսելով թէ՝ քաղցուով զինովցած են։ Իսկ Ա. Պետրոս ի՞նչ ըրաւ Հոգւոյն Սրբոյ գալուստը ցուցնելու Համար. Յովելայ մարգարէութիւնը մէջ բերաւ և կէտ առ կէտ բացատրելով, ապացուցուց թէ սոյն մարգարէութիւնը ճիշդ այն օրը կ'ունենար իր կատարումը։ Արդ ըզ-

ձեզ համոզելու համար, որ նախագուշակուեցաւ նաև
մեղաց բողոքիւնը, որ նախ մկրտութեամբ կը ստա-
ցուի և յետոյ ապաշխարութեան խորհրդով, ձեզի
երկու մարգարէ պիտի մէջ բերեմ, Զաքարիա և
Եղեկիէլ։ Կանխատեսած էր Զաքարիա և կ'աւե-
տարանէր։ Գլ. ԺԳ. Համար 1. «Յաւուր յայնմիկ
եղիցի ամենայն տեղի բացեալ տանն Դաւթի՝ ի փո-
փոխումն և ի սրսկումն, և վասն բնակչաց Երու-
սաղէմի լուացումն ի մեղաց»։ Այս աղբիւրը ուր
պիտի լուացուին մեղաւորք իրենց ամենազազրելի
աղտեղութիւններէն, ճշդիւ՝ Մկրտութեան ջուրն է,
որուն մէջ մարդս կը վերածնի ի Յիսուս Քրիստոս,
հանդիսանալով անդամ հոգեւոր Երուսաղէմի, որդի
Աստուծոյ և ժառանգորդ արքայութեան։ Իսկ Եղե-
կիէլն, Գլուխ 36, Համար 25, այսպէս կը գրէ.
«Եւ ցանեցից ի վերայ ձեր ջուր սուրբ, և սրբես-
ջիք յամենայն պղծութեանց ձերոց, և յամենայն
կոոց ձերոց սրբեցից զձեզ»։ Յայտնի է որ հոս հա-
սարակ լուացման մը մասին չէ մարգարէին խօսքը,
նիւթական ջրի, այլ ընդհակառակն լուացումի մը,
ջուրի մը՝ որ ներքին մաքրութիւն մը պիտի գործէր։
Ահա ուրեմն, սիրելի Ուրալդոս, մարգարէութեանց
շարքը որ կը վերաբերին մեր սուրբ հաւատքի գըլ-
խաւոր կէտերուն։ Դուք տեսաք այս երեկոյ որ
գրեթէ բոլոր Հաւատամբը, որ հանգանակ առաքելոց
ալ կ'ըսուի, անոնցմէ շարադրուած ըլլալուն պատ-
ճառաւ, և որ կը կազմէ մեր սուրբ կրօնքի ճշմար-
տութեանց, դարերով առաջ ամփոփումը կանխա-
գուշակուած է։ Եթէ ուրեմն այն ճշմարտութիւննե-

ըլ որոնց կը հաւատանք, և Աւետարանի պատմութիւնները յայտնապէս նախագուշակուեցան, որ միայն Աստուած կրնար նախատեսել տալ, վասն զի մարդիկ միայն մարդկային ուժերով անկարելի էր որ կարենային մինչեւ այդ կէտին հասնիլ, յայտնի է, ուրեմն, թէ բոլոր մեր հաւատքի նիւթը Աստուած կ'ուզէ և կը հաստատէ, իրեն խօսքն է, աստուածային յայտնութիւնն է։ Պարոն Ուրալդոս, արդքանի որ ստուգեցինք աստուածային յայտնութեան գոյութիւնը, ուրիշ բան չի մնար ընելու՝ եթէ ոչ ընդունիլ զայն։ Վասն զի, եթէ Աստուած կը յայտնէ ճշմարտութիւնները և այն կերպը՝ որով կ'ուզէ որ յարգուի մարգարէն, իրաւոնք ունի որ իրեն հաւատանք և հպատակինք։

14.

ՅԱՂԹԱՆԱԿ ԵՒ ԵԶՐԱԿԱՑՈՒԹԻՒՆ

— Սիրելի ժողովրդապետո, յարեց երիտասարդը, կը խոստովանիմ յայտնապէս՝ որ մտքէս բնաւչէի անցուցած թէ Աստուած գուշակել տուած ըլւար մարգարէից ձեռքով բոլոր մեր հաւատքը՝ այսպիսի ճշգրիտ և զարմանալի կերպով։ Շնորհակալ եմ ի սրտէ ձեր ինձ ըրած բարիքին համար։ Ասկէ վերջը երբ մեր կրօնքի մասին չար խօսիլ լսեմ, երբ լսեմ թէ քահանայից գիւտ են ճշմարտութիւնները որոնց հաւատալ կու տան, այլեւս զիտեմ թէ ինչ

պատասխանելու իմ. այս երեկոյեան ճառը կամ վիճաբանութիւնը խորապէս տպաւորուեցաւ իմ մէջաւ Եւ երբ հաւատոյ մասին տարակոյս մ'ունենամ, լաւ համոզուած ըլլալով որ Եկեղեցիէն մեղի առաջարկուած հաւատքի մասերը նոյն ինքն Աստուծմէ յայտնուած են և ոչ թէ մարդերէն հնարուած, այն ատեն պիտի վանեմ ամէն տարակոյս, պիտի հաւատամ հաստատապէս, հիմնուելով Աստուծոյ անսահման իմաստութեան և ճշմարտութեան վրայ:

— Կեցցէք Ուրալդոս, ձեր այս գեղեցիկ եղրակացութեան, գործնական եղրակացութեան համար զոր կը քաղէք մեր այս երեկոյեան խօսակցութիւններէն: Դուք այժմ լաւ հմտացած այս կարեւոր կէտին շուրջ, կրնաք ըստ պարագաներու բերման պատասխանել համարձակութեամբ. «Այս ճշմարտութիւնները սորվեցայ Եկեղեցիէն որ մեր մայրն է և ուսուցիչն է ամէն ճշմարտութեան, և թէ Եկեղեցւոյն յայտնած է ինքն Աստուծած»:

15.

ՍՈՒՐԲ ՌՈՄԱՆՈՍ
ԵՒ ԿԱԹՆԿԵՐ ՄԱՆՈՒԿԸ ՈՐ ԿԸ ԽՕՍԻ

Զեղի պատմել կ'ուզեմ դէպք մը Ա. Ռոմանոսի մարտիրոսութեան ժամանակ տեղի ունեցած, աւելի լաւ համոզուելու և խրախուսելու համար, վստահօրէն և համարձակութեամբ կրկնեցէք այն գեղեցիկ խօսքերը՝ զոր արտասանեց մանուկ մը հրաշքով – քրիստոնեայ մանուկ մը: Ա. Մարտիրոսը, հրամանաւ

ամբարիշտ Ասկլէպիադէս կուսակալին, սոսկալի և
անգութ տանջանաց ենթարկուած էր։ Շատ անգամ
մարտիրոսը փորձեց ըմբռնել տալ անոր իր հաւատ-
քին ճշմարտութիւնը և օրինաւորութիւնը, որպէս զի
դարձնէ զինքը ճշմարտութեան զիրկը։ բայց ի զուր:
Այն ատեն, գրեթէ մոոցած իր անտանելի տան-
ջանքները, ուղեց վերջին փորձ մ'ալ ընել զայն դար-
ձընելու համար, աղօթելով Աստուծոյ որ հրաշք մը
գործէ։ Եւ դառնալով առ Ասկլէպիադէս՝ ըստւ.

— Քանի որ իմ խօսքիս չես հաւատար, հար-
ցուր այն անմեղ մանկան՝ զոր կը տեսնես հոն իր
մօր գիրկը։ Հարցուր անոր, և այն բերնէն զոր չի
կրնար ստել պիտի լսես ճշմարտութիւնը։

Մատնանիշ ցուցուած մանուկը իր տարիքին
համաձայն անկարող էր խօսելու. ներկաներու երե-
սին վրայ կը փայլէր անհամբերութիւն մը տեսնելու
հրաշքը։ բոլորն ալ դարձած էին դէպի մանուկը,
երբ նա սիրալիր հայեացք մը ձգելով իր մօրը, կը
դարձնէր իր աչքերը բազմութեան վրայ, և նայե-
լով երկինք, բարձր և հաստատուն ձայնով մը ար-
տասանեց այս բառերը։

— Այն, Քրիստոս է ճշմարիտ Աստուծ։

Ամէնքն ալ պապանձած էին և ապշած զար-
մանքէն։ Ասկայն չարագործ կուսակալը չուղելով
տակաւին յաղթուած համարել ինքզինքը՝ հարցուց
մանկան։

— Ո՞վ սորվեցուց քեզի այդ բանը։

— Ինծի մայրս, իսկ մօրս ալ Աստուծ, պա-
տասխանեց մանուկը։

Ահա, այն գեղեցիկ պատասխանը զոր պէտք են տալ բոլոր քրիստոնեաները երբ իրենց հաւատքի մասին հարցուին։ Մեզի Եկեղեցին ըստ, պէտք են ըսել համարձակ կերպով, և մեր մօր՝ Եկեղեցւոյն ալ ինքնին Աստուած։

16.

ՅԱՂԹԱԿԱՆ ՔԱՅԼԵՐԳԸ

Այս խօսքերուն՝ ընդհանուր կեցցէ մը բարձրացաւ դահլիճին կամարին ներքեւ։ բոլորն ալ համոզուած էին, և զարմացած գեղեցիկ և սիրելի ատենաբանութեան՝ որուն ներկայ եղած էին։ Ուրալդոս շէր դադրէր կրկնելէ որ շատ ուրախ էր յաղթուած ըլլալուն համար Տէր Անսելմոսի փաստերէն։ կը միացնէր իր ձայնը բոլոր բազմականաց աղաղակին հետ, յայտնելով անոր իրեն չնորհակալիքը։ Յետոյ նստաւ դաշնամուրին առջեւ՝ և զարմացումի ու ընդհանուր խանդավառութեան մէջ վառվուն եղանակաւ նուազեց «Aida»ի յաղթական հրաշալի քայլերգը։ Աղմկալից ծափահարութիւններ խափանեցին նուազի վերջին բառերը, և երեւեցաւ իսկոյն փրփրալից ջերմողին, համեղաճաշակ կարկանդակներ և անուշեղէններ հրամցուեցան ի պատիւ պարոն Թովմասին, աւելի լաւ տօնելու համար տէր ժողովրդապետի յաղթանակը։ Շարունակուեցաւ տակաւին խօսակցութիւնը, և վերջապէս ուրախ բարեմաղթութիւններով և չնորհաւորութիւններով, և

յետ կրկին ու սրտագին շնորհակալութեանց իւրաքանչիւր ոք մեկնեցաւ, գոհ և ուրախ ըլլալով շահաւետ կերպով անցուցած ըլլալուն՝ այս գեղեցիկ երեկոյթը:

17.

ՀԱԻԱՏԱՄՔԸ ՀԱՍՏԱՏՈՒԱԾ ՄԱՐԴԱՐԵՍՈՒԹԻՒՆԵՐԵՆ

Սիրելի ընթերցող, ներկայ եղար դու աւ վիճաբանութեան և լսեցիր բարի ժողովրդապետէն մարզարէութիւններու բացատրութիւնները, տեսար իր առաջարկութեան ճշմարտութիւնը, որ այնքան կը զօրացնէ մեր հաւատքը, թէ ինչպէս ամէն ճշմարտութիւն նախագուշակուած է։ Սակայն նիւթը դեռ վերջացած չէ, վասն զի մեր «Հաւատամքը» ոչ միայն քարոզուեցաւ, այլ և մարզարէութիւններով հաստատուեցաւ։

Եւ յիրաւի, Յիսուս Քրիստոս ուզելով մեզմէ կատարեալ հաւանութիւն իրեն սորվեցուցած ճըշմարտութեանց, ուզեց նաեւ հաստատել զանոնք սքանչելի գուշակութիւններու կատարումով, մարդարէութիւններու ճշգրիտ իրագործութեամբ։ Ուստի եթէ նոյն իսկ վայրկեան մը չնկատենք իր աստուածութիւնը, իր մարզարէութիւնները հրաշապէս կը հաստատեն այն հաւատքը՝ որուն ի նպաստ քարոզուեցան։ Ուստի, երբ մենք ուզենք Յիսուս Քրիստոսը իրեւ պարզ մարզարէ մը նկատել, լոկ իր

մարգարէութիւններէն իսկ կրնանք զօրաւոր փաստ
հանել, ապացուցանելու համար թէ մեր հաւատքը
աստուածային յայտնութիւն է:

Յիսուս Քրիստոս կանխագուշակեց Յուդայի
մատնութիւնը, Պետրոսի երրեակ ուրացութիւնը,
իր աշակերտաց զինքը լքանելը, իրեն ձերբակա-
լումը: Գուշակեց իր չարչարանքը, խաչուիլը և իր-
մօտալուտ մահը, իր յարութիւնը և փառաւոր համ-
բարձումը յերկինս: (Մարկ. Գլուխ Ժ. Համար 33):
«Ահաւասիկ ելանեմք յԵրուսաղէմ, և որդի մարդոյ
մատնեսցի քահանայապետիցն և դպրաց, և դատես-
ցեն զնա ի մահ, և մատնեսցեն զնա հեթանոսաց և
կատակեսցեն զնովաւ, և հարկանիցեն զնա, և թքա-
նիցեն ի նա, և սպանցեն, և յերիր աւուր յարի-
ցէ»: Դարձեալ, կանխագուշակեց, մարդկային ամէն
նախատեսութենէն վեր, իր հաւատքին հաստատու-
թիւնն ու ծաւալումը և թէ իր մահով բոլոր մար-
դիկ իրեն պիտի քաշէ: Կանխաւ իմացուց իրեն
աշակերտներուն թէ հրաշք պիտի գործեն ի հաս-
տատութիւն իր վարդապետութեան, և թէ Հոգով
սրբով պիտի լեցուէին, թէ պիտի նախատուէին,
հալածուէին և մեռնէին: Մարգարէացաւ նաեւ հրէից
մերժուիլը և հեթանոսաց դարձը ի հաւատս, թէ-
պէտեասոնք զրկուած էին հրէից ունեցած նպաստ-
ներէն: Մարգարէացաւ թէ իր Եկեղեցին հաւատա-
րիմ պիտի ըլլար և պիտի տարածուէր մինչեւ աշ-
խարհիս վերջին ծայրերը, և պիտի տեւէ մինչեւ ի
կատարած աշխարհի, հակառակ հալածանքներու,
գայթակղութեանց, կոիւներու և հերձուածոց:

18.

ԵՐՈՒՍԱՂԵՄԻ ԿՈՐԾԱՆՈՒՄԸ

ՕՐ մը բարի Յիսուսը, աղեկեզ ցաւով մը, որ
արտացոլաց և յայտնուեցաւ իր աստուածային դի-
մագծին վրայ, մարգարէացաւ Երուսաղէմի կործա-
նումը։ Եթէ նոյն իսկ մարդկօրէն կարելի ըլլար
ապստամբութիւն մ'ալ գուշակել, պատերազմ մը,
նկատի առած՝ Երրայեցւոց խստապարանոց և յամառ
ընթացքը և Հովմայեցւոց հանրածանօթ խստութիւ-
նը, Աստուծմէ զատ ով կրնար յայտնել մանրամասն
պարազաներ։ Եւ սակայն, Յիսուս Քրիստոս մար-
գարէացաւ ամենավստահ կերպով այն նշանները,
որ պիտի կարապետէին այս մեծ պատահարին, և
ամէնքն ալ իրագործուեցան, ինչպէս որ կը վկայեն
նշանաւոր պատմագէտներ, Յովսէպոս, որ հրէայ
էր և ականատես վկայ, և հեթանոս նշանաւոր
պատմիչներ։ Կուռնելիոս Տակիտոս և Առետո-
նիոս։ Եւ մարգարէացաւ ուրեմն, թէ պիտի զայ-
ժամանակ՝ յորում թշնամիք խրամներով պիտի պա-
շարեն Երուսաղէմը և պատնէշներով պիտի շրջա-
պատեն. պիտի կործանեն քաղաքը և բնակիչները և
իր ընդարձակ շրջապատներուն մէջ քար քարի վրայ
պիտի չմնայ որ չխորտակուի, վասն զի չճանչցաւ
ժամանակը յորում իր Աստուածը իրեն կ'այցելէր։
Արդ, ինչպէս կարելի էր բնական միջոցաւ այս
ամէնը նախատեսել։ Ո՞վ կրնար առանց աստուա-

ծային յայտնութեան հաստատել, որ Երկնքի բարկութիւնը պիտի յայտնուէր այսպիսի ակներեւ և սոսկալի եղանակաւ։ Թէ տաճարը, որ ամենաթանկագին գլուխ գործոց մ'էր զեղարուեստի, պիտի կործանուէր։ Թէ Երրայեցիք պիտի սպաննուէին, և կոտորածէ ազատուածները ամենայն աշխարհ ցըրուելով գերի պիտի երթային ընկճուած իրենց գաղթականութեան մէջ։ Աակայն և այնպէս Յիսուսի մարգարէութիւնը բառ առ բառ կատարուեցաւ։ Բաւական է կարդալ Յովսէփ Փլաւիոսի և Տակիսոսի պատմութիւնը, որոնք յիրաւի վստահելի հեղինակներ են, հասկնալու համար թէ ինչպէս Հռովմայեցիք անգթօրէն կը վարուէին Հրէից հետ Յիսուսի Քրիստոսի մահէն 37 տարի վերջը, որ է 70 ըստ մեր թուականին։ Բաւական է ըսել՝ թէ մէկ միլիոնէն աւելի միայն մեռան սովէն, ժանտախտէն և արտաքին թշնամեաց անգթութենէն, ինչպէս և ներքիններու կատաղութենէն։ Դարձեալ աստուածային պատուհասը Հրէից դէմ այնպէս յայտնի եղաւ, որ Տիտոս իսկ տեսաւ Աստուծոյ վրէժինդիր ձեռքը և չուզեց ընդունիլ յաղթութեան պսակները և մերձակայ քաղաքներու և գաւառներու խնդակցութիւնը՝ ըսելով թէ ինքը միայն աստուածային վրէժինդրութեան գործիք հանդիսացած է։ «Ես յաղթեցի, կ'ըսէր, Աստուծ յաղթեց Հրէից դէմ զայրացած»։

Ամէն բան կործանեցաւ, կը գրէ Յովսէփ Փլաւիոս, պաշարման և Երուսաղէմի գրաւման ատեն։ «Պաշարումը տեւեց չորս ամսէն աւելի և հոն ջարանդեալը եւ զարմանալի գիշտերը

դուեցան մէկ միլիոն և հարիւր հազար Հրէայ»։
Տիտոս կ'ուզէր ամէն գնով տաճարը պաշտպանել
իրբեւ գեղեցիկ յուշարձան մը ի պատիւ կայսրու-
թեան, բայց զինուոր մը մղուած աստուածային
ներշնչումէ, (ինչպէս որ կ'արտայայտէ Ֆլաւիոս
պատմագիրը) առնելով վառուած խանձող մը՝ իր
ընկերներուն կոնակին վրայէն բարձրացաւ և բաց
պատուհանէ մը ներս նետեց. քիչ ատենէն ամէն
կողմէ բոցը կը շրջապատէ տաճարը, և այն անգնա-
հատելի ու մեծղի յուշարձանը կը կործանի։ «Ասո-
ուած, կը գրէ Յովսէփ Ֆլաւիոս, երկար ժամանակէ
ի վեր այն տաճարը կրակի դատապարտած էր»։
Երուսաղէմէն մնացին միայն ցաւալի բեկորներ, և
երբ չորրորդ դարուն՝ Կոստանդիանոսի գահուն բար-
ձրացաւ ուրացող և իմաստասէրն Յուլիանոս, ուզեց
սուտ հանել վերոյիշեալ մարգարէութիւնը, սկսելով
Երուսաղէմի տաճարին վերաշինութիւնը։ Վերաշի-
նութեան գործը սկսաւ Անտիոքացի Ալիպիոսի հրա-
մանատարութեան ներքեւ, բայց հազիւ թէ սկսած
էին հիմը դնել՝ ահա այն մնացած փոքրաթիւ քա-
րերը սկսան շարժիւ, երկիրը ցնցուեցաւ սոսկալի
կերպով, և ամէն կողմէ կրակէ բոցեր ելան, այն-
պէս որ ստիպուեցան ձեռնարկը թողուլ։ Այսպէս,
հաւատքի թշնամիի մը ձեռքով, ճշգրտեցաւ կատա-
րելապէս և կէտ առ կէտ, այն մնացած սակաւթիւ
քարերու շարժումով, Յիսուսի Քրիստոսի մարգա-
րէութիւնը, այսինքն թէ՝ քար քարի վրայ պիտի
չմնայ Երուսաղէմի մէջ։

Այս վերջին դէպքը կը պատմեն մեզի սուրբ

Ամբողջութեան, սուրբ Յովհաննէս Ոսկեբերան, սուրբ Գրիգոր Նազիանզացի և մասնաւորապէս Ամմիանոս Մարկելինոս Հեթանոս պատմագիրը և պաշտօնեայն սոյն Յուլիանոս ուրացողի, ստուգիւ վստահելի Հեղինակ մը։ Նաեւ Ռաբբի Ճէդալիահ Յովսէփը Յեգայեան Հնգետասաներորդ դարուն մատենագիր՝ կը հաստատէ այս աղիողորմ դէպքը։ Նոյն իսկ անհաւատ փիլիսոփաներ Բայնլ և Գիրըն կը վկայեն այս հրաշալի դէպքի նկատմամբ, լուսաբանուած բազմաթիւ տեղեկութեամբ և քննադատութեամբ քանի մը բողոքական հեղինակներու։

19.

ԵԲՐԱՅԵՑԻՈՑ ՅՐԻՈՒՄԸ

Իսկ Եբրայեցւոց ցրուելու մասին՝ մենք արդէն ականատես վկաներ ենք։ Երուսաղեմի արիւնազանդ նուաճումէն վերջը՝ մնացած 97,000 Հրէաներէն՝ 17 տարեկանէն վար տղաք իրր գերի վաճառուեցան։ Գնողին 30 հատը մէկ դենարի կուտային, իրր արժանի պատիժ այն նենգաւորներուն, որ 30 դենար տուին Յուղային, որպէս զի աշխարհի Փրկիչը իրենց յանձնէ մատնութեամբ։ Մնացածներն աւ զբաղեցուցին Հռովմէական գաւառներու մէջ հրապարակական աշխատութեանց, և կամ որոշուեցան կրկէսի մէջ գաղաններու հետ մրցելու։ Յետոյ գերեալներու մէջէն եօթն հարիւր քաջարի երիտասարդներ ընտրեց Տիտոս, որոնք իր ի Հռովմ յաղթական մուտքը

աւելի փառապանծ պիտի հանդիսացնէին։ Յիսուն
տարի վերջ, Աղրիանոս կայսեր ժամանակ, անթիւ
բազմութիւն մ'ալ վաճառուեցաւ և անոնց երկիր-
ները անմշակ, խոպան, անապատ դարձան։

Տասնեինը դարէ աւելի է որ այս ապերջանիկ
ազգը, ինչպէս երբեմն Կայեն, ցրուած թափառա-
կան երկրիս վրայ առանց առաջնորդի, առանց տա-
ճարի, առանց զոհի, առանց քահանայի, առանց
սեղանի ամէն տեսակ պատիժներով հարուածուած,
խստապարանոց յամառութեամբ որ ցայսօր կը տեւէ,
իբրեւ թանձր քող մը իրենց աչքերուն վրայ, կամ
լաւ եւս իրենց յամառ և մարմնասէր սրտին։

Ահա ուրեմն թէ ինչպէս հրաշալի կերպով Յի-
սուսի Քրիստոսի բոլոր մարգարէութիւնները կա-
տարուեցան ի հաստատութիւն իր աստուածային
վարդապետութեան, ինչպէս նաեւ Հին Կտակարանի
բոլոր մարգարէից կանխագուշակութիւնները իրա-
գործուեցան ի հաստատութիւն մեր հաւատքին, վասն
զի Աստուած միայն կրնար հաղորդել այն գիտու-
թիւնը, զոր ինքն միայն ունի։



ԳԼՈՒԽ ՎԵՑԵՐՈՐԴ

ԲՆՈՒԹԵԱՆ ԵՒ ԱՐՈՒԵՍԻ ՀՍԿԱՅ ՀՐԱՇԱԿԵՐՏՆԵՐԸ

1.

ԳԻՏՈՒՆԸ ԵՒ ՏԳԵՏԸ

Առարկայի մը վեհութիւնը, գեղեցկութիւնը,
կնճոռտ կազմութիւնը ստուգիւ աւելի մեծ զարմանք
կը յարուցանեն այնպիսիներուն մէջ՝ որոնք կարող
են ըմբռնելու այն շքեղութիւնը, և հիանալու այն
գեղեցկութեան վրայ, ու ճանչնալու այն խճողեալ
և դժուար խորհուրդը: Տիմարը, տգէտ մարդը կը
տեսնէ, կը լոէ և յաճախ կը զարմանայ ուրիշներու
ունեցած խանդավառութեան վրայ: Ուստի Ուր-
բինացւոյն մոգական վրձինէն ելած նկար մը, հըռ-
չակաւոր Միքէլանջելոյէն քանդակուած աստուա-
ծային Ալիկիէրիի երգ մը, ստուգիւ հիացում և
հաճոյք կը պատճառեն անոնց՝ որոնք աւելի ընդու-
նակ են գնահատելու ձիրքերը, գերագոյն գաղա-

փարը և անյաղթ արուեստական արտայայտութիւնը։
Եւ ով արդարեւ լուրջ կը մնայ հիացումէն՝ անցնեւ-
լով Վատիկանի կամարակապ սրահներէն, ուր կը
մաքառին իրարու հետ փառքը, հարստութիւնը,
արարական զարդերու վեհութիւնը, պատմական նը-
կարներու և խորհրդանշաններու զանազանութեամբ։
Ո՞վ արդեօք ճշգրիտ կերպով կ'ըմբռնէ այն երկնա-
յին գեղեցկութիւնը՝ զոր Ուսփայել գիտցաւ տալ իր
տիրամայրներուն։ Ո՞վ կրնայ առանց զարմացման
մնալ Միքէլանջելոյի «Մովսէս»ի առջեւ, այն գեղ-
արուեստի և գաղափարի հրաշալիքին դիմաց, կեն-
դանի ճակտին, վառվոռն աչքերուն, բերնին և
բոլոր մարմնոյն շարժումներէն դիւթուած։ Ո՞վ կը
հիանայ դիտելով այն մեծղի գաղափարի յղացումը
ընդհանուր դատաստանին, նկարուած անորմէ՝ Աի-
քստեան մատրան մէջ։ Ո՞վ կը նկատէ այն հիանալի
զուգակշութիւնը աստուածային կատակերգուրեան
հետ, գաղափարի ամենաբարձր ծնունդը, բանա-
ստեղծական կարգաւորութիւնը, վեհը, խիստը, վը-
սեմը և դեռ ուրիշ սքանչելի բաներ ով կրնայ երե-
ւան հանել և ուսումնասիրել։ Եւ ի վախճան այս
երկար թուարկութեան ով է որ կարդալով աս-
տուածային կատակերգուրիւնը կը հիանայ, նկատելով
զայն իրեւ մարդկային հոգւոյ գլուխ գործոցներու
մինը, ով կ'անդրադառնայ հոն հեղինակին մատե-
նագրական և գիտական ամենախորին հմտութիւնը։
ով կրնայ ըմբռնել և ըստ արժանւոյն գովել յոգ-
նաթիւ այլարանութիւնները։ . . . Տղէտը արդեօք,
թանձրամիտը. ոչ Ուսմիկը, անուսը կրնան օգտուիլ

բարդ մեքենայէ մը, քրթմնջելով, գուցէ և անիծելով հեղինակը որ գլխովին զերծ չէ ըրած մեքենան հսկողութենէն և մարդուս մասնական գործակցութենէն:

Տգէտ մարդը հազար անգամ կրնայ անցնիլ Ռափայելի պատկերազարդ դահլիճներէն, առանց կանգ առնելու պատկերի մը դիմաց, առանց ուշադրութիւն դարձնելու այն հիասքանչ զարդերուն: Տիմարը պիտի տեսնէ նկարուած սիրիլաները և մարգարէները մեծ Ուրբինացիէն՝ Խաղաղութեան եկեղեցւոյ մէջ, պիտի տեսնէ Բօնարօթթիի արձանը «Գիշեր» և «Մտածուրիւն», նոյնին «Փիկրա»ն. «Մովսէս»ը, որ կենդանի և խօսուն կը թուի. Հոչակաւոր Բիզայի պատերազմին թղթանկարը, որուն վրայէն այնքան հոչակաւոր արուեստագէտներ ուսմունք ըրին և սորվեցան, բայց բիրտը բնաւ զարմացումի բացագանչութիւն մը պիտի չհանէ, և ոչ ալ դրուատեաց խօսք մը մեծասքանչ հանճարներուն և անոնց անհամեմատ գործերուն հանդէպ: Տեսէք այդ անմիտը. կը կարդայ աստուածային կատակերգութեան գլուխ գործոցը՝ յօրանջելով և զգալի ձանձրոյթով մը: Մեծարժէք գործի մը գեղեցկութիւնը, վեհութիւնը, հանճարեղ յօրինուածքը և դժուարին իրագործումը չէ՞ որ կը ցնցէ մտաւոր թմրութիւնը և հիացում կ'արթնցնէ անկիրթ հոգւոյ մը մէջ, մտքի մը մէջ, որ ամենէն տարրական ծանօթութիւններն անգամ կ'անդիտանայ:



2.

ՄԵԾՈՒԹԻՒՆԸ ԶԱՐՄԱՆՔ Կ'ԱՐԹՆՑՆՔ

Ի՞նչ է ուրեմն, ո՞վ ընթերցող, որ կարող է տիրել հոգւոյն, զարմանք պատճառելով թէ իմաստուններուն և թէ տղետներուն։ Երկու բառերով պիտի պարզեմ զայն քեզ։ — Մեծուրիւնը։ Այս, իսկապէս մեծութիւնն է, անսահմանութիւնը, անհուն տարածութիւնն է, անչափ զանգուածը և անծայր միջոցն է, որ ի սրտի կը յարուցանէ հիացում և զարմանք թէ իմաստնոյն և թէ տղետին։ Երբ կը կարծուէր թէ երկինքը պարզ բիւրեղեայ գունդերէ կազմուած է և որուն վրայ հաստատուած են ասողերը, իբրեւ երերուն կայծեր, արդարեւ ոչ ոք կը հիանար։ Բայց երբոր աստղաբաշխական գիտութիւնները զարգացան և ստուգուեցաւ թէ այդ լուրթ երկրագունդը պարզ մթնոլորտային շրջապատ մ'է որ կը պարփակէ երկիրս, երբ ապացուցին թէ աստեղային անջրպետութիւնը անչափ և անսահման է։ Երբ աստղաբաշխները կրցան ցուցնել թէ աստղերը միլիոնաւոր արեւներ են անհունապէս մեծ քան մեր արեւը, որոնք կը փայլին իրենց յատուկ լուսովը ցրուած անսահման ու անըմրոնելի տարածութեան վրայ, այն ատեն ամենքը, ուսեալք և անուսք, ըսկըսան դիտել երկինքը և աստղերը անբացատրելի և զգալի զմայլանքով մը։

Երբ կը կարծուէր Անաքսագորասին հետ թէ

արեւը աստղ մ'է իր մակերեւոյթով Պեղոպնեսէն
ոչ շատ մեծ, ոչ ոք հմայքը կը զգար այդ «բնու-
թեան մեծ մատակարարին», բայց երբ գիտնական-
ները յետ ամենադժուարին հաշիւներու, այն եղա-
կացութեան յանգեցան թէ արեւը անհուն մեծութիւն
մ'ունի, և թէ երկրէս մէկ միլիոն չորս հարիւր հա-
զար անգամ աւելի մեծ է՝ ամենքն ալ հիացան
իրաւամբ, նկատելով մոլորակային դրութեան այս
կեղրոնին ահեղ մեծութիւնը:

Միայն արեւուն հեռաւորութիւնը երկրէս,
եթէ ուզէինք ըսել թէ որքան ժամանակ հարկաւոր
էր զայն կտրելու համար՝ աննկարագրելի զարմանք
պիտի ազդէր: Եւ սսուգիւ, Գուլիելմոսի հաշւոյն
համաձայն, ճեպընթաց շոգեկառք մը, որ ժամուան
մը մէջ 50 մղոն կը կտրէ՝ 347 տարի պիտի դնէր
կտրելու համար այն հեռաւորութիւնը ինչ որ լոյսը
ամէն օր կը կատարէ 8 վայրկենի և 18 մաներկրոր-
դի մէջ՝ և այն ատեն բիրտն ալ իրաւցնէ հիացումէն
ապշած պիտի մնար: Եթէ դարձեալ այս հաշուէն
վերջն ալ ըսուելու ըլլար տգէտներուն՝ թէ կան դեռ
աստղեր արեւէն այնքան հեռու, որոնց լոյսը իրենց
և երկրիս միջեւ եղած միջոցը կտրելու համար մի-
լիոնաւոր տարիներ կը դնէ՝ պիտի հրաշանային
այսպիսի անսահման ու անծայր հեռաւորութեան
վրայ: Մինչեւ իսկ լուսինը, միակ հաւատարիմ ար-
բանեակը երկրիս, համարուած էր տժգոյն ու մե-
լամաղձոտ կանթեղ մը, որ աղօտ կերպով կը լուսա-
ւորէր զիշերային մթութիւնը, և ոչ ոք տգէտներէն
անոր վրայ կը խորհէր: Եւ եթէ բանաստեղծները

պայծառ գիշերներու մէջ արծաթափայլ աստղը կ'եր-
գէին՝ անուս մարդիկ միայն անոր բարիքը կը վա-
յելէին և կ'ուրախանային տեսնելով արեւուն առ
մեզ հասուցած ճառագայթները, բայց առանց զար-
մանքի։ Այլ սակայն երբոր աստղաբաշխները ստու-
գեցին լուսնի հեռաւորութիւնը երկրէս, որ է շուրջ
96 հազար փարսախ, և երբ գտնուեցան ու համե-
մատուեցան մէջը եղած ահագին լեռները, որոնցմէ
շատերուն գագաթին վրայ նոյնչափ շիջեալ հրա-
բուխներ կան և որոնց հրաշունչ բաժակը տասը
փարսախ տրամագիծ ունի, ինչպէս օրինակի համար,
Արիոթիլոսին հրաբուխը, այն ատենն է, որ սկսան
դիտել զլուսինն առանձին հետաքրքրութեամբ մը և
միշտ նոր հիացումով մը նաեւ բիրտերն ու տգէտ-
ները։

Նոյն իսկ երկրիս մակերեւոյթին մեծութիւնը՝ որ
շուրջ 510 միլիոն քառակուսի հազարամեղը է՝ կը
զմայլեցնէ նաեւ ամենէն բթամիտ մարդերն ալ։

Այն հսկայ լեռնաշղթաները, որոնք առաջ եկած
են երկրիս պատեանին այլափոխութենէն, արագ
ցրտութեան մը սկատճառաւ, որ կեդրոնի մէջ չկայ.
այն վիթխարի լեռները իրենց բարձրաբերձ և ամ-
պածրար գագաթներով, իրենց հսկայակերպ զան-
գուածովը, հիացումէ կը պապանձեցնեն։ Բաւական
է ըսել որ լեռանց թագաւորը Հիմալայեա (Himalaya)
տիրող Թիպէղի շղթային, 8840 մեղրի բարձրութիւն
ունի ծովու մակերեւոյթէն։ Աւելի խորհրդաւոր կը
դառնայ հիացումը՝ եթէ նկատենք որ այս բարձր
լեռները երկրագնդիս անսահման մակերեւոյթին հետ-

բաղդատուած չեն, ինչպէս որ աւազի հատիկները
նոյն համեմատութիւնը ունին մէկ մեղք տրամագիծ
ունեցող գնդի մը վրայ. և կամ նման այն անհար-
թութեանց, որ նարնջի կեղեւին վրայ սփռուած են:

Բնութեան ընդարձակածաւալ անապատները,
ծովը իր անսահման մակերեւոյթովը, անապատը՝
որուն եղերքները չեն երեւիր, կը զարթուցանեն
մարդուս մէջ, որքան ալ տգէտ ըլլայ, անսահմա-
նութեան զգացումը։ Ուրեմն բնութեան մէջ ինչ որ
մեծ զարմանք կ'ազդէ նոյն իսկ ռամիկ ժողովրդեան,
անչափ մեծութիւն և անհունութիւնն է։ Եւ որովհե-
տեւ այս կը ճշգրտի բնական իրաց մէջ, այսպէս ալ
կը կրկնուի գերբնական կարդի մէջ։

Աստուծոյ ստորոգելիքները, զոր օրինակ, որ
աւելի տպաւորութիւն կը թողուն չափաւոր գիտու-
թիւն ունեցողի մը վրան ալ, են՝ իրեն անհունու-
թիւնը, ամենուրեք ներկայութիւնը և յաւիտենա-
կանութիւնը։

3.

ԱՊԱՑՈՅՑՆԵՐԻ ԿՐՈՆՔԻ

Անջատ հրաշքներէն՝ ի նպաստ կրօնքի մէջ բե-
րուած ամենէն աղղեցիկ ապացոյցներէն են անտա-
րակոյս հաւատքի ընդարձակածաւալ տարածումը և
անհամար մարտիրոսաց երամները՝ որ զոհեցին իրենց
կեանքը ի հաստատութիւն քրիստոնէական հաւատքի։

Այս երկու ապացոյցները ոչ միայն միւս զօ-

բաւոր ապացոյցներու ազդեցութիւնն ունին՝ այլ
նաեւ ժողովրդեան երեւակայութիւնը յուզելու ուժը
Զկայ մէկը՝ որ կարենայ անտարբեր մնալ, որ չի
պարտաւորուի իր միտքը դարձնել դէպի Աստուած
իրրեւ արարող պատճառ, տեսնելով թէ ի՞նչպէս
կրօնք մը, որ այնքան անթափանցելի է իր խոր-
հուրդներով և անտեղիտալի իր հաւատալեաց մէջ,
այնքան խիստ իր բարոյականով, այսուհանդերձ
տարածուած ըլլայ մինչեւ իսկ հեռաւոր աշխարհ-
ները, տարածուելով բոլոր աշխարհիս երեսը։ Զկայ
դարձեալ մէկը, որքան ալ տիմար և տգէտ երեւա-
կայենք, որ չզարմանայ, չցնցուի այնքան հեղինա-
կաւոր և անթիւ վկաներու փաղանգէ մը, որոնք
մեզ կը ներկայանան շաղախուած արեան մէջ թող-
լով իրենց կեանքը սոսկալի տանջանքներով, վկա-
յելու համար մեր հաւատացած վարդապետութիւն-
ներուն աստուածային յայտնութիւնը և մեր կրօնքի
սրբութիւնը։ Այսուհետեւ կը կրկնեմ դարձեալ, այն ան-
սահման իմաստութիւնը, որ կը տեսնուի հաւատքի
մէջ, իր կատարեալ աստուածային սրբութիւնը
կրնան պարտուպատշաճօրէն նկատի առնուիլ, ճանչ-
ցուիլ ու գնահատուիլ այն մարդերէն, որոնք կ'ուզեն
իրերուն մէջ թափանցել և չեն գոհանար վեր ի վերոյ
ծանօթութեամբ, որոնք դիտեն տրամաբանօրէն բար-
ձրանալ արդիւնքներէն դէպի համազօր պատճառը。
բայց այս երկու փաստերը պիտի չկրնան ընաւ յաղ-
թահարել և իրենց հրապուրել բթամիտ ումկին
մտքերը, ինչպէս կը ճշգրտի հաւատոյ տարածման
գործոյն հանդէպ և մարտիրոսաց վկայութեան։

ՄԵՇ կարծեր, սիրելի ընթերցող, որ ես մոռցած
ըլլամ նպատակս, որուն ձեռնարկեր եմ այս գիրքը
գրած ատենս։ Իսկապէս մարդարէութիւններն էին
զորս ցարդ քու առջեւդ դրի. և հիմայ կ'ուղեմ ցոյց
տալ քեզի այս ապացոյցին վաւերականութիւնն ու
զօրութիւնը՝ որ հաւասարապէս կը շարժէ թէ ու-
սեալը և թէ տղէտը հրաշքներու ամենազօրաւոր
ապացոյցին նման։ Եւ արդարեւ, մարդարէութիւն-
ները հանդերձեալ և արարածներէ գաղտնի իրի մը
յայտնութիւնը ըլլալով, ինչպէս կ'ըսէ Ա. Թովմաս,
այսինքն ըլլալով ստոյգ և որոշ նախատեսութիւն
մը յետագայ դէպքի մը՝ զոր բնական կերպով կա-
րելի չէ իմանալ, երբոր մարդս կը գտնուի անսուտ
նախագուշակութիւններու առջեւ, զիտունն ու տղէ-
տը կը պարտին զայն վերագրել Անոր՝ որ միայն
կրնայ զիտնալ հանդերձեալը։ Մարդարէութեանց և
հրաշքներու էութիւնը բացատրելու համար անհրա-
ժեշտ է միշտ դիմել զերագոյն պատճառի մը։

4.

ՀԱՆԴԵՐՁԵԱԼԸ ՆԱԽԱՏԵՍԵԼՈՒ
ԴԺՈՒԱՐՈՒԹԻՒՆԸ

Այս ամենակարեւոր ապացոյցն իրեն պատշաճ
արժէքին մէջ պահելու համար՝ բաւական է ճանչնալ
հանդերձեալը գուշակելու դժուարութիւնը։ Վասն զի
եթէ ուսեալ մարդուն համար նախագուշակութիւնը
զօրաւոր ապացոյց մ'է, երբ կը տեսնէ անոր դը-

Ժուարութիւնը և անոր մէջ կը գտնէ ճշմարիտ մարդարէութեան մը բոլոր յատկանիշերը. ընդհակառակն տգէտ մարդու մը համար յաճախ ասիկա չի բաւեր։ Ուստի մարդարէութեանց ամենազօրեղ փաստը, եթէ սահմանափակուէր միայն քանի մը նախագուշակութեանց մէջ, որոնք մօտ ժամանակէն կատարուելիք էին, այն զօրութիւնը չէր ունենար, ինչ որ ունենալու էր, իրը ըստ ինքեան մտածելով։ Ուսմիկը՝ որ այնքան ալ նուրբ չի պատճառաբաներ՝ մեծ ապացոյցի պէտք ունի բազմաթիւ մարդարէութեանց, որ քարոզեն ապագայի մասին և հեռու ապագայի։ Յիշենք զանոնք. մեծութիւնն է, ժամանակի անսահման հեռաւորութիւնն են որ մեծ զարմանք կը պատճառեն և կ'ազդեն մարդոց վրայ։


Արդ, Աստուած ուզելով որ բոլոր մարդիկ մարդարէութիւններէն ճանչնան հաւատքի աստուածային յայտնութիւնը, ի խրախոյս մեղ՝ ընծայեց մեզ քառասուն դարերու զարմանալի յաջորդութեամբ՝ ամենահեռաւոր դէպքերու և եղելութիւններու մասին՝ պատգամներ և ճշմարիտ և ստոյգ և որոշ մարդարէութիւններ։ Աստուած չորս հազար տարիներու ընթացքին մարդարէանալ տուաւ ապագան, յարոյց մարդեր՝ որ մարդարէացան հարիւրաւոր տարիներ առաջ՝ ինչ որ հեռաւոր օրուան մը մէջ պիտի հանդիպէր իրեն բոլոր մանրամասնութեամբ։ Որպէս զի բոլոր մարդիկ ի վիճակի ըլլային ընդգրկելու այս պիտի կրօնք մը հրաշալի եղանակաւ պատրաստուած դարերով առաջ, Աստուած հաճեցաւ նոյն իսկ մարդարէութիւններէ ալ առաջ կարապետել քրիստո-

նէական կրօնքը և իր աստուածային հիմնադիրը այլ
և այլ ձեւերու տակ, որ զգալի կերպով կը նկարա-
գրէին, ամենաբթամիտ մտքերուն ալ հաւատքի ամե-
նաբարձր և վսեմ ճշմարտութիւնը։ Պատկերներն ու
նկարները, ինչպէս որ մանուկներուն համար առաջին
գրքերն են, այսպէս ալ, արտաքին զգալի երեւոյթ-
ները, խորհրդաւոր խօսքերը առաջին միջոցներն
եղան մտքերը հաւատքի ճշմարտութեան պատրաս-
տելու համար։ Յետոյ, ուզելով նաեւ աւելի յայտ-
նապէս աստուածային հեղինակութեան կնիքը Դրոշ-
մել այն ամէն բանի՝ որ մարդիկ պիտի հաւատային,
յարոյց մարգարէներ, և ընկերացնելով զանոնք, թող
ներուի ինծի այսպէս ըսել, ընկերացնելով զանոնք
իր աստուածային անսահման մտքին, յայտնեց անոնց
գաղտնի դէպքերը՝ որ պիտի իրականանային։ Ապա-
գան մարգարէանալ տուաւ, բայց ապագայ մը շատ
հեռաւոր և ասոր համար աւելի զարմանալի, աւելի
համոզիչ ամենուն։ Ամենէն աւելի հին մարգարէները
հետամուտ եղան, գծեցին մեծ գծերը, ըլլալիքներու
ծրագիրը։ Յետոյ ուրիշ մարգարէներ ելլելով լրա-
ցուցին ուրիշ մարգարէութիւններով, որոնք իրենց
նախորդներէն լրիւ յայտնուած չէին։ Երբ մօտեցան
դէպքերը, մեծ նկարին գոյները, այն ատեն պատ-
կառելի պատկերին դիմագծերը կենդանացան։ Հետ-
զէտէ անհետացան արուեստաւորները՝ որոնց վերջինը
եղաւ Վաղաքիա, և որ յայտնեց այն անձը՝ որ պիտի
վերցնէր քօղը։ Ի՞նչ վեհութիւն գաղափարի եր
ամրողութեան մէջ։ Դարերու ինչպիսի անհունու-
թիւնն է որ զմեզ կը զարմացնէ մարգարէութիւնները

նկատած ատեն: Խօսքը քանի մը որ կամ քանի մը
ամիս վերջ ըլլալիքի մը ստուգութեամբ և ճշգր-
տութեամբ կանխազուշակելու վրայ չէ, ինչ որ
մարդկային ուժերուն համար մեծ և անհնարին բան
է, այլ ամենամեծ հեռաւորութեամբ, տասնեակ դա-
րերով, հարիւրաւոր և հազարաւոր տարիներով առաջ:

Հանդէպ մարդարէից այս օգոստափառ խում-
բին, հանդէպ ժամանակի այս մեծ տարածութեան,
նկատելով ապագայի մանրամասն, ճշգրիտ կանխա-
զուշակութիւնները, տղէտ մարդն իսկ որ յաճախ
չի գնահատեր մարդարէութեան մը ներքին արժէքն
ու անոր դժուարութիւնը, պէտք է հիացած և ապ-
շած մնայ:

Ուրեմն մարդարէութեանց ապացոյցը, նաեւ
հրաշքներունը, պէտք է գրգռէ զարմանքը և հա-
մոզէ թէ տղէտը և թէ ուսեալը:



ԳԼՈՒԽ ԵՕԹՆԵՐՈՐԴ

ՎԻԹԻԱՐԻ ԵՍՈՐՀՐԴԱԿՈՐ ԱՐՁԱՆԸ

1.

ՄԵԿԸ ՄԻԱՅՆ ՆԵՐՉՆՉԵՑ ՄԱՐԳԱՐԵՒՑ

ԱԵՐ զարմանքը պիտի աւելնայ հարկաւ, նկատելով մարգարէութեանց ամբողջութեան մէջ դաշղափարի միութիւնը, տեսնելով որ մէկը միայն դարերու սկիզբն ու անոնց անթիւ շարքի ընթացքին պէտք է որ գաղափարած ըլլայ այս հսկայ ամբողջութիւնը, մէկը միայն ներշնչած ու կանխագուշակել տուած պիտի ըլլայ այդ զանազան մարգարէները։ Ատոյդ է որ զանազան մարգարէութիւններն ի միասին առնուած կը կազմեն ամբողջութիւն մը որ ամէն մարգարէէ ստեղծուած և կանխագուշակուած չէ, այլ իւրաքանչիւրէն, առանց իրարու գիտութեան մասամբ կանխագուշակուած։ Արդ եթէ շատ մը առանձնական մասերու արդիւնքէն, որ շատ

մը անձինքներէ գրուած, առանց մին միւսէն լուր ունենալու, և առանց դիտաւորութեան և զիտութեան այն գլխաւոր ամրողուրեան, եթէ այս մասերէն եղրակացուի համեմատական ամրողուրիւն մը ներդաշնակ, կանխասահմանեալ, պէտք է հարկաւ եղրակացնել՝ որ մէկ միտք մը միայն յղացած և կուրօրէն գործադրել տուած է զանազան անձանց:

2.

ՎԻԹԻԱՐԻ ԱՐՁԱՆՆԵՐԸ

Հոռդոսի նաւահանգստի մուտքին՝ պղնձէ նըշանաւոր արձան մը կանդնուած էր արտաքոյ կարգի մեծութեամբ, որուն բարձրութիւնն էր 70 կանգուն, շուրջ 33 մեդր, որ կը ներկայացնէր Ապողոն, այսինքն արեւը։ Արձանը զարդարուած էր լուսաճաճանչ պսակով մը, աջ ձեռքն ունէր մեծ լավտեր մը՝ որ փարոսի տեղ կը ծառայէր, իսկ ձախ ձեռքին մէջ նետ մը։ Այս հսկայագործ արձանը աշխարհիս հրաշալիքներու կարգը դասուած էր։ Աակայն անհաւանական կը թուի քանի մը պատմագիրներու ըսածը թէ՝ ոտքերը այնչափ հեռու էին իրարմէ որ նաւերը երկու սրունդներու մէջէն կ'անցնէին բացուած առագաստներով։ Այս վիթիսարի արձանը Յիսուս Քրիստոսէ 278 տարի առաջ կանգնուած, տապալեցաւ 56 տարի վերջ երկրաշարժէ մը, և Հրէաները գնեցին անոր բեկորները՝ բեռնաւորելով սոյն կտորներով ինը հարիւր ուղտեր։

Լակոյ Վաճճիորէի վրայ, Արոնայ գիւղին մէջ
բարձրավանդակի մը վրայ Ս. Կարոլոս Բորոմէոսի
մեծասքանչ արձան մը կանգնած են 1850ին, շե-
նուած մետաղէ տախտակներով որ պատռանդանէն
վեր 37 մեդր բարձրութիւն ունի։ Կամարաձեւ դըռ-
նով մը մէջը կը մտցուի և մինչեւ գլուխը կարելի
է բարձրանալ ու հանգիստ կերպով հոն նստիլ։

Նիւ Եռքի ծովախորշին կղղեակի մը մէջ՝ որ
Լոնկ Այլանտի դիմաց կը գտնուի, ընդ մէջ Եարսէյ
Սիթիի և Պրուքլինի, հսկայ արձան մը կանգնուե-
ցաւ՝ որ կը ներկայացնէր Ազատուրիւնը լուսատու-
աշխարհի, նուիրուած գաղղիական հասարակապե-
տութենէն առ Միացեալ Նահանգները։ Այ ձեռքով
վեր բռնած էր ղամբար մը՝ ուսկից կը փայլէր ելեք-
տրական փարոսը՝ ծովի լայնատարած ծաւալին վրայ։
Այս հրաշալի հսկայագործ արձանը 46,08 մեդր բար-
ձրութիւն ունի, ցուցամատը 2,45 երկայնութիւնն է 1,44.
աչքերը կատարեալ լուսամուտներ են 65 հարիւրոր-
դամեդր լայնութեամբ։ գլխուն մէջ, որուն բարձրու-
թիւնն է 4 մեդր և 40 հարիւրամեդր, կրնան նստիլ
հանգիստ կերպով 40 անձեր։ Կարելի է մինչեւ
ղամբարին մէջ մտնել, որուն սկսւառակին վրայ
կրնան ձեմել 12 մարդ։ Երբ 1878 թուականին ցոյցի
դրուեցաւ ի Փարիզ Արեսեան դաշտին մէջ՝ բոլոր
մարդիկ ապշած մնացին։

Արդ, տեսնելով այս վիթխարի արձանները,
միայն զարմանք չէ որ կ'ազդեն, այլ ուրիշ աւելի
մեծ գաղափար մը՝ որուն կ'ակնարկէի քիչ մը առաջ։

ինչպէս ոչ մէկուն աչքէն չի վրիպիր ներդաշնակութիւնը, գործին միութիւնը, ամէն մէկ մասի մէջ եղած համաձայնութիւնը, այսպէս նաեւ չկայ մէկը որ իր սրտին խորէն չի համոզուի, թէ միակ միտք մ'եղած է որ գաղափարած և իրագործել տուած է իւրաքանչիւր մասերն՝ այլ և այլ արուեստագէտներու։

Շատերն ստիպուեցան աշխատիլ Հռոդոսի հսկայ յուշարձանին վրայ, բայց Կարէս, յայտնի և հըռշակաւոր ձուլագործը, տասներկու տարի համբերատար աշխատութեամբ, այսպիսի վսեմ գործի մը արժանիքն ստացաւ։

Նոյնը թող ըսուի Ա. Կարոլոսի վեհասքանչ յուշարձանի գաղափարին և ծրագրին։

Նմանապէս արուեստաւորաց արտաքոյ կարգի բաղմութիւն մը մրցեցաւ կերտելու «Ազատութիւն» արձանին ամէն մէկ մասը։ Աակայն մի միայն Բարթոլդի արձանագործին կը պարտինք այդպիսի հսկայ գործ մը յղանալուն արժանիքը, և իւրաքանչիւր գործաւոր անոր մէն մի մասերը շինելու գործին առաջնորդութեան մէջ որ յղացաւ այս գաղափարը։

Ուրեմն եթէ բաղմաթիւ անձերու կողմէ դրուած շատ մը մասերու միութենէն առաջ կու գայ համեմատական, ներդաշնակ և նախագծուած, պէտք է եզրակացնել թէ՝ միակ ստեղծող միտք մ'եղած է որ զայն իրագործել տուած է։



3.

ՄԱՐԳԱՐԵՒԹԵԱՆՑ ԱՄԲՈՂՋՈՒԹԻՒՆԸ
ԵՒ ՄԻԱԿ ՄԻՏՔԸ

Ինչ որ ըսի ցարդ, մեր պատճառաբանած խընդիրին կը պատկանի, ով ընթերցող։ Այլ և այլ ժամանակներու և տեղերու մէջ զանազան մարգարէներէ քարոզուած կանխագուշակութիւնները կը հաստատեն ամրողուրիւն մը նախապէս գաղափարուած և ըսուած իր մանրամասն մասերով։ Ուրեմն մարգարէներէն վեր եղած պիտի ըլլայ մէկը՝ որ անոնց միտքն առաջնորդերէ, զանոնք դրդելով՝ որ ճանչնան և մարգարէանան մաս մը այն ապագային՝ որ մասնական կերպով ուրիշներէն ալ պիտի գուշակուէր և թէ իր համադրութեան մէջ պիտի կազմէր այն ճշմարտութեան բովանդակութիւնը՝ որոնց կը հաւատանք իբրեւ մեր հաւատքին առարկան։

Այս ճշմարտութիւնը աւելի լաւ ըմբռնել տալու համար, քանի որ խօսեցայ վիթխարի արձաններու վրայ, որոնք շինուած են բազմաթիւ արուեստաւորներու գործակցութեամբ, բայց գաղափարուած և յղացուած մէկ մտքէ մը միայն, որ է հեղինակին, այս նմանութեան վրայ պիտի ծանրանամ՝ խնդիրը հետեւեալ կերպով լուծելով։



4.

ԿԱՐԵՒՈՐ ԵՒ ՀՍԿԱՅԱԿԱՆ ԳԻՒՏԵՐԸ

Անցեալ դարու վերջերը Եղիպտոսի մէջ խոր պեղումներ ընելով գտնուեցաւ արտաքոյ կարգի մեծութեամբ արձանի մը ոտքը։ Իր ստուերագիծը, գծագրութեան ճշգրտութիւնը յայտնեցին ցայտուն կերպով որ Եղիպտացի նուրբ և հին արուեստագէտի մը գործն էր, Պտղոմեանց տիրապետութենէն շատ առաջ։ Գիտնականները ուրիշ աւելի բան մը չկրցան ըսել յետ խնամու ուսումնասիրութեանց և խուզարկութեանց։

Անցան շուրջ յիսուն տարիներ, հմուտ գիտնականներու և հնախօսներու ուշադրութիւնը դէպի Աթէնք դարձաւ։ Հոն երեւան եկած էր արտաքոյ կարգի գեղեցկութեամբ ձեռք մը։ Քննեցին, ուսումնասիրեցին, ենթադրութիւններու դիմեցին և վերջապէս այն եզրակացութեան եկան թէ Յունաստանի մէջ շինուած է և իսկապէս այնպիսի արուեստով մը՝ որ կը գերազանցէր Եղիպտականը։

Քանի մը մեծ հոչակ ունեցող հնախօսները վճռեցին, հակառակ ամէն կարծեաց, թէ ամենամեծ հաւանականութեամբ ստուերագծուած և քանդակուած ըլլայ աթենացի Փիթիասէն։ Ճամանակ մը տեւեց այս վէճը և յետոյ ոչ ոք մտածեց այն հըսկայագործ ձեռքի մասին։ Միեւնոյն ատեն ձայն մը տարածուեցաւ թէ բազուկ մը գտնուած է արտաքոյ

կարգի մեծութեամբ մինչեւ այն ատեն բնաւ շտես-
նուած։ Ոմանք պնդեցին որ Պերիկլէսի դարուն կը
պատկանի, գտնուած ըլլալով Պարթենոնի քով կանգ-
նեալ Կալիկրատէսէն, որ աթենացի ճարտարապետ
էր։

Հնախօսներէն ոմանք յիշեցին այն ատեն ան-
համեմատ մեծութեամբ, ուրիշ բազուկ մ'ալ ձեռքին
հետ միացած, որ գտնուեցաւ հին Յունաստանի նը-
շանաւոր քաղաքին՝ Կորնթոսի մէջ։

Հմուտները անդրադառնալով այդ գործին մէջ
Պոլիկլետոսի և Փիդիասի, ըսին որ անտարակոյս
Լիսիպպոս հռչակաւոր արձանադործին քանդակն է,
հեղինակ «Առիթ»ը գլուխ գործոց արձանին և հըռ-
չակաւոր «Քառաձի»ին, որ այժմ կը գտնուի Վե-
նետկոյ Ա. Մարկոս Եկեղեցւոյն ճակտին վրայ։ Այլ
եւս այս հին, կարեւոր և հսկայ գիւտերու վրայ չէր
մտածուեր, որ մը բոլոր գիւտնական և տգետ
աշխարհին ուշադրութիւնը պիտի գրաւէր, երբ հիաց-
ման ձայն մը լսուեցաւ Տաճկաստանի Խսարլիկի դաշ-
տէն։ Արդէն Էգքինը բեկէ ուսուցչապետը քանի մը
պեղումներէ վերջ բացայայտօրէն հաստատած էր որ
հին Տրոյիա կը գտնուէր լերանց շղթայի արեւմը-
տեան կողմը Ախմոէնթէի և Ակամանդրիոյ գետերուն
միջեւ։ 1870 թուականին Տոքթ. Շլիմանն գալով
Խսարլիկի դաշտը, քանի մը խոր պեղումներ ընելով
գտաւ շատ մը զէնքեր և դրամներ։ Երեւան հանեց
Տրոյիոյ միապաղաղ պարիսպներու կտորներէն, որոնք
այնքան երգուած են Հոմերոսէն՝ որ անոնց շինու-
թիւնը չի տարակուսիր վերագրել Պալաղիոնի և

Պուղուտոնի։ Ապողոնի սամարին մէջ Փեքոսի և
Ապողոնի մարմարիոնէ քանդակներէն զատ, իրենց
չորս հրեղէն ձիերով գտաւ սկայագործ ինչ՝ որ կը
ներկայացնէր վիթխարի արձանի մը կուրծքը։

Ոմանք մտածեցին բայց քաջութիւնը չունեցան
յայտնելու, որ գուցէ այն զանազան հեռաւոր և
իրարու հետ ու և է յարակցութիւն չունեցող գիւտեր
յարաբերութիւն ունեցած ըլլային միմեանց հետ։
Բոլորն աւ հետաքրքիր էին լսելու վերջին խօսք մը
հին գիւտերու վրայօք՝ որոնց մասին շատերը հե-
տամուտ էին վերստին սկսելու քննութիւնը, վերյի-
շելով նախընթացները։ Բայց ամէնքն աւ կը զգու-
շանային խօսելէ այն կարեւոր խնդրոյն վրայ, վախ-
նալով արտայայտուիլ իրենց յաւակնոտ կարծիքովը,
և հետեւաբար ընկերաց նշաւակի առարկայ դառնալ։
Գիտնականաց, հնախօսաց, մասնագիտաց դասը,
յետ խոր ուսման և յետ այն խորհրդաւոր ու տան-
ջող լուսութեան, կը թուէր, թող ներուի ինծի այս
թերեւս ոչ վայելուչ համեմատութիւնը, կը թուէր
կ'ըսեմ մեծ պատերազմական զէնքերու դասաւո-
րութիւնը, ամէնքը լի պայթուցիկ նիւթերով, որոնց
ելեքտրական կայծ մը միայն կրնար վայրկենական
շոնդնալից պայթում առաջ բերել։



5.

ՎԻԹԻԱՐԻ ԳԼՈՒԽ ՄԸ

Կայծը՝ որուն վայրկեանէ վայրկեան կը սպա-
սուէր բռնկեցաւ, փայլատակեց և կայծակի արագու-
թեամբ տարածուեցաւ վիթխարի գլուխի մը գտնը-
ւելուն լուրը, ճիշդ և ճշգրիտ պատկեր և օրինա-
կութիւն վսեմ և խիստ դէմքին մեր հոչակաւոր
ժամանակակիցներէն միոյն։ Տակաւին չեմ կրնար
ըսել քեզի, ով ընթերցող, գիւտի վայրը և ոչ ալ
անձը՝ որուն կը նմանէր այն մեծ քանդակը։ Քեզի
պիտի ըսեմ միայն տեղը յորում գտնուեցաւ իր
ակնառու նկարագիրով զոր ունէր, և ուրիշ շարք մը
պարագաներով միասին, ցոյց կու տային յայտնի
կերպով որ հնագոյն արձանագործի մը աշխատու-
թեան արգասիքն ըլլալու էր, կիսիպպոսի աշակեր-
տին, թերեւս կիսիկրատեսին, որ մտածած էր ուրուա-
գծով հանել այն անձանց դէմքը՝ որոնց նկարը
շինել կ'ուզէր։ Անձ և անհամեմատ դժուարութիւնը
սակայն, կը կայանար ճշգրիտ նմանութիւնը բա-
ցատրելու մէջ, յիշեալ մեր ժամանակակից նշանա-
ւոր անձին հետ։ Անձ էր հիացումը, ոչ միայն հը-
նախօսութեան և արուեստի ասպարիզին այլ նաեւ
ամէն անհաս և ուամիկ դասակարգի անձանց մէջ
ալ։ Գտնուած էին զանազան և հեռաւոր գաւա-
ռաց մէջ, որոնք կը պատկանէին այլ և այլ ժա-
մանակաց և հեղինակաց, ի զարմանս հասարակաց։

ձեռքեր, ոտքեր, սրունքներ, լսնջեր, գլուխ և այլն
և այս բոլորն ալ սկայագործ և վիթխարի: Ամէն
մէկ բեկոր կը պատկանէր զանազան դարերու, դըպ-
րոցներու և հեղինակաց: Ասկէ աւելի բան մը չէր
գիտցուեր:

6.

ՕՏԱՐՈՏԻ ԵՆԹԱԴՐՈՒԹԻՒՆ ՄԸ

Գլուխը երեւան գալէն յետոյ, որ այնքան աղ-
մուկ հանեց աշխարհիս մէջ, գտնուեցաւ անծանօթ
հնախօս մը որ յաւակնութիւն ունեցաւ գրելու թէ՝
գուցէ այդ յաջորդաբար տեղի ունեցած գիւտերը
իրենց մէջ կապ մը ունէին, թէ գուցէ՝ այն մար-
մարիոնէ վիթխարի անդամները միմիանց պիտի
համաձայնէին: Անկարելի է նկարագրել թէ ի՞նչ
մեծ տպաւորութիւն թողուց ամէնուն վրայ այսպիսի
օտարոտի և օդային ենթադրութիւն մը:

Ի՞նչպէս կարելի է, կ'ըսէին, միաբանին այն
բեկորները, երբ քանդակուած են այնքան հեռաւոր
վայրերու մէջ, երբ հեղինակները որ տարբեր դա-
րերու մէջ ապրած էին, բան մը չէին գիտեր միւս-
ներու աշխատասիրութենէն: Եւ դարձեալ ի՞նչ նը-
պատակաւ քանդակագործուած ըլլալու էին այն
վիթխարի անդամները: Մէկ խօսքով, խեղճ հնա-
խօսը ծաղր ու ծանակ ըրին և առակ նշաւակի եղաւ:
Ապայն, ինչպէս սովորաբար կը պատահի, ժամա-
նակը և անխոնջ ուսումնասիրութիւնը, առանց նա-

խապաշարման, կամաց կամաց այնպէս ըրին որ լուրջ քննութեան առնուելով այն ենթադրութիւնը որ արտաքուստ օտարոտի համարուած էր, ընդունուեցաւ ոչ այնքան խոտելի՝ ինչպէս ի սկզբան երեւցած էր:

Գաղտնի կերպով առնուեցան ճշգրիտ չափերը իւրաքանչիւր կտորին և այդ զանազան չափերուն համաձայն շինելով պատկերը այլ և այլ անդամոց, տեսնուեցաւ աննկարագրելի հիացմամբ, որ այն անդամները համաշափ էին միմեանց և ճշգապէս համապատասխան գլխուն, զոր վերջին պեղումներու մէջ գտած էին: Երկար շաբաթներով գրչի և խօսքի առարկայ եղաւ: Արձանի կտորները խօսակցութեան նիւթ դարձած էին ոչ միայն ակադեմիաներու և իմաստնոց ժողովներու մէջ, այլ նաև ընտանեկան խօսակցութեանց մէջ: Կը վիճուէր և ամէն տեսակէտով կը նկատուէր իրականութիւնը, բոլոր գիտնականներ և տգէտներ իրենց ճակատը դէմ կուտային այս անբացատրելի խորհրդոյն:

Թէպէտ չափերը մաթեմաթիկական ճշգութեամբ առնուած, թէպէտ ընդօրինակութիւնը, ամէնուն հաստատածին նայելով, ամենաճշգրիտ եղած ըլլար, այսու ամենայնիւ, ոմանք փոխանակ հաստատելու յայտնի առեղծուածի մը գոյութիւնը, կը տարակուսէին և կամ բացարձակ կը մերժէին այն վիթխարի դրօշեալի անդամներու իրարու համաշափութիւնը: Բարձրացան ամբաստանութիւններ խարէութեան, անճշդութեան, անխուսափելի սխալման մը չափի մէջ, յորում դիւրաւ կրնային ինկած ըլլաւ

այլ և այլ ոճեր գործածած ըլլալուն համար։ Միակ միջոց մը կար ամէն տարակոյս մէջտեղէն վերցնելու և գիտնականները միացնելու, անոնց աչքին առջեւ դնելով քննութեան առարկայն, ուղիղ դատաստան մ'ընելու համար այդպիսի մեծ և արտակարգ երեւոյթի մը վրայօք։ Միջոցը պիտի ըլլար ոչ աւելի ոչ պակաս, միացնել մէկտեղ այն վիթխարի անդամները՝ որ աշխարհիս չորս բոլորը որփուած էին, եղելութիւնը ուսումնասիրելու և յետոյ ուղիղ մտօք դատելու համար։

Բայց եթէ դժուար էր այդ երեւոյթի բացատրութիւնը, աւելի դժուար էր և անյաղթելի անդամներու ի մի վայր հաւաքումը։ Եւ յիրաւի, ի՞նչպէս կարելի էր բերել ամէնը մէկ տեղ մը մարմարիոնէ այն սկայագործ անդամները, ճշմարիտ զանգուածներ, աշխարհիս զանազան կողմերը ցրուած, և իրարմէ ամենամեծ հեռաւորութեամբ։ Երբ այսպէս անկարելի կը թուէր, կարելի եղաւ իրականացնել մեր դարուն մէջ շնորհիւ ազդու գործակցութեան արտաքին շատ մը ընկերութեանց և շնորհիւ շատ մը ամենազօր շոգեմեքենաներու, որոնցմով կը շահագործուի մեր դարը, յորում այնչափ զարգացած է մեքենագործութիւնը։



7.

ՆՇԱՆԱԻՈՐ ՓՈՐՁԸ

Բան մը պիտի չըսեմ, քեզի ընթերցող, այն
երկար և տաժանելի աշխատութեանց վրայօք, որոնք
եղան այդ նշանաւոր փորձի համար յատկացուե-
լիք տեղոյն որոշողութեան նկատմամբ, բան մը պիտի
չըսեմ այն դժուարակնայիո մեքենայից մասին, որ
շինուեցան առանձնապէս անգլիական և ամերիկա-
կան մեծ գործարաններու մէջ, և ոչ ալ պիտի խօ-
սիմ քեզի այն հանճարեղ միջոցներու մասին, որ
գործադրուեցան այդ դժուար տեղափոխութիւնները
կատարելու համար ծովի և ցամաքի վրայէն։ Պիտի
ըսեմ քեզի միայն, որ այդ մեծ գործին կատարման
օրուան մերձենալը, յորում ի մի վայր պիտի հա-
ւաքուէին տիեզերքի չորս ծագին մէջ տարածուած
անդամները, անհամբեր ակնկալութեամբ կը սպա-
սուէր բոլոր աշխարհէու։ Այն մեծ դաշտին մէջ ուր
պիտի բարձրանար վիթխարի արձանը, արդէն զա-
նազան պատուիրակութիւններ՝ կազմուած այլ և այլ
ազդաց ընտրելագոյն հանճարներէն տեղ բռնած էին
Հոն։ Բազմաթիւ շոգեմեքենաներ պատրաստ էին
շարժման մէջ դնելու մեծամեծ ճախարակներով այն
վիթխարի անդամները, իւրաքանչիւրը իր տեղը յար-
մարցնելու համար։ Անթիւ երամ մը ճարտարապետ-
ներու՝ մէկ գլխոյ ուղղութեան ներքեւ, հրաման կը
հասցնէր, շարժելով գործաւորներու հսկայ բանակը։

Անցաւ ժամ մը և լուրը որ ահիւ նախատեսուած էր ոմանցմէ, յանդգնաբար արտասանուած ուրիշներէն, անհամբերութեամբ սպասուած ամենէն, տարածուեցաւ զիտնականներու և հետաքրքիրներու այն մեծ ժողովին մէջ, որ վազած եկած էին հոն աննըման փորձը տեսնելու։ Անմիջապէս, կայծակի արագութեամբ հեռագիրը սփռեց գլխաւոր կեղրոններու մէջ հետեւեալը. «Վիրիարի բեկորները, մարմարիոննէ անդամները զլիովին և կատարելապէս յարմարեցան միմիանց»։ Այնպէս կը թուէր թէ այն անդամները միեւնոյն արուեստագործէն շինուած ըլլային, այնքան ճշգրիտ էին միաւորման գծերը։ Եթէ մէկ մասին մէջ դուրս ցցուած բան մը կ'երեւէր, միւս բեկորին վրայ խոռոչ մը կար, որով ճշգրիտ կերպով կը միանային մասերը։ Մէկ խօսքով, միմեանց հետ միացած այդ կտորներէն երեւան կուգար վիթխարի արձան մը բոլոր անդամներու ճշգրիտ համեմատութեամբ, և որ աւելին է ճշգրիտ պատկերն էր իրեն բոլոր մանր մասանց մէջ, տակաւին կենդանի նշանաւոր անձի մը։

8.

ԴԺՈՒԱՐԻՆ ԲԱՑԱՏՐՈՒԹԻՒՆ ՄԸ

Այլեւս ամէն տարակոյս ֆարատած ըլլալով իրականութեան առջեւ, բոլոր մտքերը սկսան զրադիւ յարմար բացատրութիւն մը գտնելու համար։ Ատոյգ էր որ իւրաքանչիւր բեկոր, գտնուած

այլ և այլ հեռաւոր աշխարհներու մէջ, նշանաւոր արձանագործներու գործեր էին, ապրած՝ զանազան տեղերու և իրարմէ շատ հեռու ժամանակաց մէջ։ Նոյնպէս ստոյդ էր որ զանազան անդամները շինուած էին իւրաքանչիւրէն առանց երազած իսկ ըլլալու թէ դարերով առաջ միւս անդամները շինուած էին և կամ դարեր վերջ այդ բեկորներէն-մարմին մը պիտի կազմուէր։ Դարձեալ յայտնի էր՝ որ այն միացեալ անդամները ոչ միայն կատարելապէս կը յարմարէին միմեանց հետ, ոչ միայն համաչափութեամբ շինուած էին, այլ կը կազմէին վիթխարի արձան մը, որ կը ներկայացնէր ամէնուն աչաց կենդանի եղանակաւ մեզի ժամանակակից անձ մը։ Այս իրողութեան հանդէպ ի՞նչ մեկնութիւն կրնար տըրուիլ։ Կարելի՞ էր արդեօք միայն բնական միջոցներով բացատրել այս երեւոյթը։ Կարելի՞ էր դէպքին դիմել զուտ պատահարի արդիւնք նկատելով։ Ո՛չ, անկարելի էր բացատրել հրաշալի երեւոյթը միայն բնութեան ուժով։

9.

ՄԻԱԿ ՄԻՏՔԸ Ի ՍԿԻԶԲՆ ԴԱՐՈՒՅ

Յետ երկար վիճաբանութեանց, բոլորն ալ ըստիպուեցան միաձայն և մէկ սիրտ համաձայնիւ, որ իւրաքանչիւր արձանագործներէ զատ, եղած է անոնց ամէնուն հսկող ուղղիչ միտք մը, որ ի սկիզբն դարուց երեւակայած է այս հրաշալի արձանը, որ

դարերու շրջանին զանազան երկիրներու մէջ ներշնչած է զանազան արձանագործներու, առաջնորդելով աներեւութապէս անոնց մուրճի հարուածները մեր դարուն փայլուն վկայութեամբ մը արտայայտելու իր հաճութիւնը և առանձին սէրը մեր բախտաւոր ժամանակակիցին հանդէպ, զոր կը ներկայացընէր այդ արձանը։ Ահա միակ բացատրութիւնը որ կրցան տալ այդ արտաքոյ կարգի եղելութեան։ Եւ հոս, սիրելի ընթերցող, շատ պիտի բաղձայիր գիտնալ թէ ո՞ւր եղաւ այս փորձը, ո՞վ էր այդ մեր բարեբախտ ժամանակակիցը որ ներկայացուած էր յանձին այդ արձանին։ և վերջապէս զարմանալով որ բնաւ այսպիսի բան մը լսած կամ կարգացած չես այս նշանաւոր գիւտերու և դէպքերու մասին, անհամբեր պիտի ըլլաս գիտնալու թէ ո՞ւր է այժմ այդ վիթխարի արձանը զոր վերը յիշեցինք։

10.

ՀԵՏԱՔՐԹՈՒԹԵԱՆ ՅԱԳՈՒՐԴ ՏՐՈՒԱԾ

Իրաւացի է քու հետաքրքրութիւնդ, արդարացի է քու զարմանքդ, ով ընթերցող։ Արդ, համառոտ բառերով պիտի յագեցնեմ քու բաղձանքներդ և միեւնոյն ժամանակ քեզի պիտի բացատրեմ թէ ինչո՞ւ այս արտաքոյ կարգի դէպքերու և եղելութեանց մասին բան մը չէիր գիտեր։

Գիտցիր ուրեմն, ինչ որ մինչեւ հոս քեզի պատմեցի բնաւ տեղի չէ ունեցած իրականութեան մէջ,

ինչպէս որ երեւակայեցի։ Ուրիշ բան չէր իմ ըրածս,
եթէ ոչ ենթադրութիւն մը, պարզ նմանութիւն մը,
քեզի լաւ ըմբռնել և գնահատել տալու համար մար-
դարէական փաստերու յարգը։ Ներէ ինձի ուրեմն,
եթէ երկար դարձուածքներով շրջեցուցի քու երե-
ւակայութիւնդ. Ներէ որ անհամբեր սպասում մը և
արդար հետաքրքրութիւն մը արթնցուցի ի քեզ
մանրակրկիտ նկարագրութեամբ։ Ենթադրութիւնս
թէպէտ հնարեալ՝ բայց ճշմարիտ է։ Կը ներես, վասն
զի քու բարւոյդ համար ըրի զայս, և դիտաւորու-
թիւնս էր անմեղ խաբէութեամբ մը բանալ միտքդ,
Ճեռնարկած նպատակիս հասնելու համար։

Ինձմէ երեւակայուած դէպքը, և որ քիչ մնաց
ճշմարիտ կարծէիր, գիտցիր ուրեմն, որ եթէ արձա-
նագործութեան կարգի մէջ տեղի ունեցած չէ, բայց
տեղի ունեցած է իրապէս, սակայն առանց մեծ
հիացում պատճառելու մտքերու. տեղի ունեցած է
հոգեւոր և գերագոյն կարգի մէջ։

11.

ԽԱԲԷՈՒԹԻՒՆԸ ՑԱՅՏՆՈՒԱԾ

Չանագան արուեստագէտներ՝ որ այլ և այլ ժա-
մանակաց և հեռաւոր երկիրներու մէջ կոեցին կո-
փեցին այն անդամները՝ նոյն ինքն մարդարէներն
են, որոնցմէ իւրաքանչիւրը մարդարէացաւ մեր հա-
ւատքի մէկ մասը։ Արձանին բեկորները՝ որ իրարու-
հետ համաձայնեցան և միացան՝ զանազան մարդա-
չանդերները եւ զարմանալի գիւտերը

ըէութիւններ են, և անոնց միութենէն ձեւացած վիթխարի արձանը՝ կրնամ ըսել որ Տէրն մեր Յիսուս Քրիստոսն է, կեդրոն՝ բոլոր մարգարէութեանց և մեր հաւատքին գլխաւոր առարկան. ասով բացատրութիւնս ալ վերջացուցած պիտի համարէի՛: Բայց աւելի աղէկ ըմբռնել տալու համար փաստիս ուժը, գիտցիր՝ որ վիթխարի արձանը կը ներկայացնէ մեր հաւատացած ճշմարտութեան բովանդակութիւնը, և իսկապէս մեր Հանգանակը:

Արդարեւ բազմութիւն մը մարգարէից, հայրենիքով, ժամանակով, կրթութեամբ և վիճակով տարբեր՝ ապրեցան այլ և այլ դարերու մէջ, և մարգարէացան այլազան պատահարներ, դէպքեր և պարագաներ: Արդ, միացնելով ցրուած և բազմազան մարգարէութիւնները, կը տեսնենք որ բոլորն ի միասին կը կազմեն պատմութիւնը, հրաշալի և միակ ամբողջութիւնը մեր հաւատքին և Եկեղեցւոյ մեզի սորվեցուցած ճշմարտութեանց:

Բոլոր մարգարէութիւններու միութիւնը, ինչպէս ցոյց տուի նախորդ գլխուն մէջ, կը կազմեն մեր Հաւատամբը, առաքելոց Հանգանակը: Այս եղելութեան հանգէպ ի՞նչ եղբակացնելու ենք. – այն եղբակացութեան յանգելու ենք, որուն հասանք վերը յիշեալ երեւակայած ենթադրութեանս մէջ: Կարելի չէ այս հրաշալի արդիւնքին վերագրել որ և իցէ սովորական և բնական պատճառ մը, այլ անհրաժեշտ է յարմար և համապատասխան մեկնութիւն մը տալու համար՝ հասնիլ արտաքոյ կարգի և գերբնական պատճառի մը:

Մարդարէները ամենահեռաւոր ապագայի Գըրքին մէջէն կը կարդային էջ մը, մաս մը այն ապառնին, որ ի լրումն ժամանակաց սկզբ էր ի գլուխ դար իբրեւ միակ և հրաշալի ամբողջութիւն մը: Դանիէլ, զոր օրինակ, բաւականացաւ մեր աստուածային Փրկչին ծննդեան ժամանակը մարդարէանաւ: Միքիա մատնանիշ ըրաւ ծննդեան վայրը: Եսայի խօսեցաւ Պօր մասին: Մաղաքիա Կարապետի վրայօք: Անգէոս նախատեսեց և զուշակեց Նորադալստեամբը ժողովրդոց մէջ զալիք հրաշալի արդիւնքը: Զաքարիա տեսաւ Անոր առանց աշխարհական հանդիսի Երուսաղէմ մտնելը իշոյ վրայ նստած: Դաւիթ մարդարէացաւ Անոր չարչարանքը, զրպարտութիւններէն սկսեալ մինչեւ Գողգոթայի արիւնազանգ տեսարանը....: Եւ այսպէս հետզհետէ իւրաքանչիւր մարդարէ դարեր կտրել անցնելով մարդարէացան հաւատքի մասերը, բերելով քար մը հրաշակերտ շինուածոյն համար, թանկագին բեկոր մը սքանչելի արձանին՝ որ լրիւ ի գլուխ պիտի դար:

12.

ԱՆՀՐԱԺԵՇՏ ԵԶՐԱԿԱՑՈՒԹԻՒՆԸ
ԵՒ ՎԵՐՋԻՆ ՀԱՐՑԸ

Ո՞րն ըլլալու է ուրեմն մեր եզրակացութիւնը: Պէտք ենք ամենայն բանաւոր ստուգութեամբ ընդունիլ որ մարդարէներէն՝ վեր միտք մը եղած ըլլալու է, որ նախապէս զաղափարած է այս ամէնը,

և թէ հանած է այլ և այլ ժամանակաց մէջ այլ և այլ մարզարէներ, որոնց իւրաքանչիւրին մարզարէնալ տուած է մաս մը այն հաւատքին, զորս կ'ուզէր, որ ընդունուէր առանց այլ և այլի իբրեւ իր յայտնութիւնը։

Մեր հաւատքը՝ Եկեղեցւոյ մեզի սորվեցուցած հրաշագան ճշմարտութիւններն՝ են այն երջանիկ ժամանակակիցը որու մասին վերն ակնարկեցի, որ այն գերագոյն մտքէն, այն անսահման և ամենակարող էակէն պիտի ստանար ամենազեղեցիկ սիրոյ և հաւաստեաց գրաւականը։

Եւ ով պիտի ըլլայ, ընթերցող, այն՝ որ ամէն ժամանակ ըլլալով, մարզարէից առաջնորդեց՝ անոնց ապագան մարզարէնալ տալով։

Զայս պիտի տեսնենք հետեւեալ գլխոյն մէջ։



ԳԼՈՒԽ ՈՒԹԵՐՈՐԴ

ԱՊԱԳԱՆ ՅԱՅՏՆՈՒԱԾ

1.

ԻՆՉ ՈՐ ԿԱՐԵԼԻ Է ՆԱԽԱՏԵՍԵԼ

Իրողութիւն մ'է, որ Յիսուսի Քրիստոսի բոլոր
կեանքը, կեդրոն մեր հաւատքին, գուշակուեցաւ
բոլոր մանրամասն պարագաներով՝ Անոր աշխարհ
գալէն այնքան դարեր առաջ:

Ըսէ ինձի, ով ընթերցող, բնական է արդեօք և
կարելի մարդուս մտաց՝ գիտնալ բան մը անձի մը վրա-
յօք, անոր աշխարհ գալէն և ծնանելէն առաջ։ Հազիւ
հազ կարելի է կանխագէտ ըլլալ՝ Անոր հակումները
ուսումնասիրելով ինչ ինչ նշաններ տեսնելէն վերջը,
հազիւ հազ կարելի է նախատեսել թէ այս կամ այն
արուեստի աւելի պիտի նուիրուի, կամ գերադաս
պիտի հանդիսանայ այն գիտութեան ճիւղին մէջ,
որուն ինք մասնաւոր ընտրականութիւն կը ցուցնէ։

Ստուգիւ դժուար չէ՝ ճանչնալով երիտասարդի մը ձգտումները, գործունէութիւնը, հանճարը, հաւանականութեամբ մը և ընդհանուր կերպով, առանց սակայն մասնականին իջնելու՝ անոր ապագայ յաշողութիւնները գուշակել։ Զոր օրինակ, երբոր կը կարդամ թէ ֆենիամին Ուեսդ հազիւ եօթը տարեկան, հսկելով իր եղբօր զաւկին օրօրոցին վրայ ուր կը քնանար՝ անոր պատկերը նկարեց, երբոր կը լսեմ թէ առաջին նկարներուն իր վրձինները կատուի մը պոչէ շինած էր, կրնամ նախատեսել՝ որ նա յաջողակ նկարիչ մը, մեծ արուեստագէտ մը պիտի ըլլար։ Երբոր գիտեմ թէ Յակոբ Ուադդ վեց տարեկան հասակին կը լուծէր երկրաչափութեան խնդիր մը. թէ Քանովա մեծ ճարտարութեամբ կը շինէր կարագով՝ առիւծի մը կաղապարը, իր տիրոջ սեղանին վրայ դնելու համար, ստուգիւ մարգարէ շըւլով հանդերձ կրնամ նախատեսել՝ որ առաջինը քաջ մեքենագէտ մը պիտի ըլլայ, և երկրորդը նշանաւոր արձանագործ մը։ Ոփքարտոս Ուիլսըն, դեռ մանուկ՝ չէր ձանձրանար ածուխով ստուերագծելէ տան պատի վրայ մարդիկ և անասուններ։ Գալով իտալիա՝ իր բարեկամը Ծուգգարելին տեսնելու, սպասելու ատեն անոր նախասենեակին մէջ, սկսաւ լուսամուտէն երեւցած տեսարանը ստուերագծել և այս ըրաւ՝ առանց երբէք դաշտային տեսարան նկարելն ուսած ըլլալու։ Ճանչնալով անոր բնական խելքը՝ ուսման դրուեցաւ, և շատերը գուշակեցին ի նա քաջ նկարիչ մը։ Իրականացաւ դուշակումը. Ուիլսըն անգղիացին առաջին դաշտանկարիչը հան-

դիսացաւ։ Նշանաւոր նկարիչ Թիւրնըր սափրիչ
մ'էր իր հօրը պէս ու կ'աշխատէր լոնտոնի մէջ։
Պնակի մը մէջ աղքատոհմի մը զինանշանը ստուե-
րագծելով երեւան հանեց, որ ինքը նշանաւոր ա-
րուեստագէտ մ'է։

Տեսնելով որ Թիցիանոյ խոտերու հիւթով պատի
վրայ Աստուածածին մը կը նկարէ, իսկոյն ի նա
կը նկատեմ նկարչութեան հանճար մը, բայց չեմ
կրնար նախատեսել որ օր մը Վենետիկեան դպրոցի
նկարչութեան պետը պիտի հռչակուի, մնալով ան-
մրցելի իր կենդանի, ներդաշնակ և վառվուն գոյ-
ներով։ Ոնոփրիոս Գէվի գեղավաճառանոցի խեղճ
ծառայող մ'էր, բայց շատերը մեծ մարդ մը կը
գուշակէին ի նա, ներկայ գտնուելով իր հանճարեղ
փորձերուն և տեսնելով թէ ինչպէս բժշկական հին
եղէդով մը, զոր իրեն տուած էր վիրաբոյժ մը,
ջերմութեան ծագման վրայ իր առաջին յիշատա-
կութեան արժանի փորձերը ըրաւ։

Քանի որ ուսուցին վրայ խօսեցայ, քանի մը
խօսք աւ աշակերտին վրայ ըսեմ։

Մեքայէլ Ֆարագէյ կազմարար մ'էր։ Լոնտոնի
Գիտութեանց Ճեմարանի անդամ մը գուշակեց երի-
տասարդին քիմիագիտութեան ունեցած տրամա-
դրութիւնը, տեսնելով որ նա իր կազմած գրքերը
կ'ուսումնասիրէր։ Երբոր յետոյ աշակերտեցաւ Գէ-
վիի, երբոր ճանչցնել տուաւ իր ուսման առաջին
երախայրիքը, շատ բան չէր մնար գուշակելու հա-
մար՝ թէ օր մը իր հռչակաւոր ուսուցիչ Գէվիի
պատմուճանը արժանապէս պիտի հագնէր երիտա-
սարդ կազմարար։

Փիզայի Համալսարանը կը գտնուէր երիտասարդ
Գալիլիոսը՝ ուր Դրկուած էր բժիշկ ըլլալու։ Աննշան
դէպք մը բաւական եղաւ կանխատեսելու համար ի
նա մեծ հաշուագէտ մը։ Օր մը Մայր Եկեղեցին մըտ-
նելով լուսարարին շարժած կանթեղի մը ճօճելը տե-
սաւ։ Այդ բնական ճօճումներուն մէջ նկատեց ամե-
նակարեւոր օրէնք մը, զոր գործնականօրէն յատկա-
ցնելով գտաւ ճօճանակի զուգամանակութիւնը։ Այն
օրէն սկսեալ, ձգելով բժշկական գիտութիւնը, ինք-
զինքը մաթէմաթիքայի նուիրեց, և 26 տարեկան
հասակի մէջ ուսուցչապետ անուանուեցաւ, ճոխացուց
բնագիտութիւնը, աստղաբաշխութիւնը, ուսողու-
թիւնը ամենահրաշալի գիւտերով։

Բայց ո՞վ պիտի կարենար գուշակել այս մեծ
գիտնականին կենաց բոլոր դէպքերը։ Ո՞վ պիտի
կարենար մարգարէանալ թէ մինչեւ ո՞ւր պիտի հաս-
նէր իր հանճարը և որո՞նք պիտի ըլլային իր նշա-
նաւոր գիւտերը։ Լոկ մարգկային մտքով հազիւ հազ
կարելի պիտի ըլլար գուշակել՝ որ բժիշկ ըլլալէ աւելի
թուաբանագէտ մը պիտի ըլլար։

Յովկաննէս Չելլինի, նուազածու Փլորենտիայի
Լորէնցոյ դէ Մեղիչին ապարանը, ամէն գնով կը
ջանար իր փոքր Բենվենութօ որդին՝ երաժշտա-
խումբի քաջ նուազածու մը հանդիսացնել։ Բայց
անոր գծագրական և փորագրիչի հանճարը շուտով
ցոյց տուաւ ի նա մեծ արուեստաւոր մը, որ իր
հրաշալի գործերով, իր սքանչելի արձաններով, իր
գնահատելի քանդակներով պիտի հասնէր արուեստի
կատարելութեան գագաթնակէտին և գերազանցէր
իր բոլոր ժամանակակիցները,

Յատ դժուար պիտի ըլլար այս նշանաւոր անձանց ապագան իրենց բոլոր մանրամասնութեամբ գուշակել. բայց անոնց բնական հակումները և հանձարեղ դործերը տեսնելով, բացարձակապէս անկարելի պիտի չըլլար ընդհանուր կերպով կռահել անոնց ապագայ յաջողութիւնը, մեկնելով միշտ ստոյգ տըւեալներէ և նշանակալից փոքր դործերէն։ Այսպէս վերջին օրինակ մ'ալ բերելու համար, տեսնելով Պոլոնիայի մէջ աղքատ հիւսան խեղճ որդին, որ սորվելու մեծ տենջ ունէր, արտաքոյ կարգի ձիրքերով օժտուած, մեզի զարմանք չազդեր, հիւսան աղքատիկ խանութին մէջ քահանայի մը սա խօսքը՝ ուղղուած տղուն հօրը. — «Դուք յանձին այս պատանեկին սքանչելիք մը ունիք, գանձ մը ունիք...» — գրեթէ գուշակ մ'եղած ըլլալուն, որ այն պատանին օր մը մեծ մարդ ըլլալու էր։

Կ'ուզեմ, ով ընթերցող, պատմել քեզի այս պատանիին պատմութիւնը։

2.

ՀԻՒՍԱՆ ՈՐԴԻՆ ՈՐ ՅԵՏՈՅ Կ'ԸԼԼԱՑ
ԾԻՐԱՆԱԽՈՐ ՄԵԾՈՖԱՆԹԻ

Պոլոնիայի մութ փողոցներէ միոյն մէջ խեղճ խանութ մը կար, ուր պատանի մը կը հետեւէր իր ծերունի հօր արհեստը սորվելու. նա հիւս էր։ Այդ կրպակին մէջ տեսնողը կ'անդրադառնար, որ տղան

իր յարմար տեղը չէր. իր սրտին մէջ ուրիշ ձգտում
մը կը զգար, տարբեր այդպիսի ձեռագործ արհես-
տէ. գլուխը բարձր է և աշքերը բոցի պէս վառվը-
ռուն կը փայլին։ Ի՞նչ պիտի ըլլար։ Կրպակին մօտ՝
ուր կը բնակէր պատանին, դպրոց մը կը բացուի, և
քաղաքին մանուկներն ու պատանիները բազմութեամբ
հոն կը յաճախեն։ Արդ այն ժամերուն՝ յորում ուսու-
ցիչը դաս կ'աւանդէր աշակերտաց, հիւսան որդին
գլուխը լուսամուտէն դուրս հանելով կ'ունկնդրէ և
և ըստ ամենայնի միտքը կը պահէ դասաւանդու-
թիւնը։ Երբոր տղաք դասատունէն դուրս կ'ելլեն և
իր կրպակին առջեւէն կ'անցնին, նա անոնց հետ
գրաւ կը բռնէ թէ ով աւելի ճիշդ կրնայ կրկնել
վարժապետին տուած դասը. կը փորձեն անոնք՝
բայց չեն յիշեր. մինչ ինքը առանց բան մը պակաս
ձգելու, բառ առ բառ կը կրկնէ անոնց աւանդուած
դասը։

Օր մը ուշիմ քահանայ մը կը մտնէ կրպակը
և կ'ըսէ պատանիին հօրը. — «Դուք յանձին այս
ձեր որդւոյն հրաշալիք մը, դանձ մը ունիք. լը-
սեցի իրեն մասին շատ բաներ՝ որ անհաւատալի կը
թուէին ինծի, բայց ես ինքս անձամբ փորձելով
տեսայ, որ հոս՝ խանութին մէջ ուրագի և մուրճի
արձագանգի ներքեւ աւելի կը սորվի՝ քան թէ դա-
սատան մէջ գտնուող աշակերտները։ Տուէք ինծի
այս տղան, ես իրեն գրական լաւ դաստիարակութիւն
պիտի տամ։

— Շնորհակալ եմ, յարդելի վարդապետ, կը
պատասխանէ հայրը, շնորհակալ եմ, բայց պէտք եմ իմ

ձեռագործովս օրական հացս ճարել, այս տղուն պէտք ունիմ։ Եւ վերջը, եթէ տղաս արհեստ մը չի սորվի ի՞նչ պիտի ըլլայ անոր ապագան։ Աստենագրութիւնը հայ չի տար. շնորհակալ եմ վերջապէս, շնորհակալ եմ։

— Այդ մի ըսէք, յարեց քահանան, որ ուսուցիչն էր մերձակայ դպրոցին, այդպէս մի խօսիք։ Աստուած կայ, ով բարի ծերունի, որ քու որդւոյդ հայրութիւն կ'ընէ. Նախախնամութեան վրայ դրէք յոյսերնիդ։ Կաեւ ձեր որդիէն զրկուելով կը կարծէք թէ անօթութենէ պիտի մեռնիք։ Ամենեւին ոչ, Նախախնամութիւնը թոյլ չի տար, որ կորսուի այն մարդը՝ որ իրեն կը վստահի. դաշտի ծաղիկները կը հագուեցնէ գեղեցիկ զգեստով, և անտառի մէջ կը կերակրէ մենակեաց ճնճղուկը։ Ի՞նչ է ուրեմն որդւոյդ անունը։

— Յովսէփ, պատասխանեց ծերունին՝ յուղուած այդ խօսքերէն։

— Շատ լաւ, այս Յովսէփը, Աստուած անփորձ պահէ, մեծ ապագայ կը խոստանայ։ Իր փոքր ըղեղէն, իր սահուն լեզուէն. ով գիտէ ինչ հրաշալիք պիտի ծագի։ Տուէք ինծի զայն։ Աղքատութիւնը՝ որու մասին կը գանգատիք, պէտք չէ արգիլէ, որ բարի դործ մ'ընէք, այլ պէտք է մղէ տղան իրեն տաղանդին հետեւելու և ապագան շտկելու։

— Ո՞վ քահանայ, կ'աղաղակէ ծերունին, որուն այտերէն արդէն առատ արցունք սկսած էր հոսիլ, եթէ իմ տղաս դրուելով դպրոցական աշակերտաց շարքին մէջ, դէշ ունակութեան տէր ըլլայ և շար

մեծնայ, կրնա՞մ ես զոհ ըլլալ։ Կրնա՞մ հանգիստ սրտով Աստուծոյ դատաստանին ներկայանալ։ Երբ իմ սիրելի կինս հոգեվարքի մօտ էր, նա դարձուց իր վերջին հայեածքը ինծի և ձեռքս սեղմելով մըրմընջաց. — Քեզի կը յանձնեմ Յովսէփիկս, գիտե՞ս, հեռու պահէ մեղքէն։ — Հանգուցելոյն ձայնը դեռ ականջիս մէջ կը հնչէ։ Այնքա՞ն բարի էր իմ կինս, և այս իմ զաւակս դեռ այնքա՞ն անփորձ է։

Այսպէս ծերունին մէյմը կը նայէր որդւոյն, մէյմը քահանային՝ և կուլար թախծագին։

— Հանգստացէք, բարի անձ, հանգստացէք, ըսաւ քահանան։ Դուք պէտք է Արրահամու զոհը ընէք Տիրոջ. պիտի ընէք... Զգիտէք թէ մեծ պարտականութիւն ունիք չարգիլելու Աստուծոյ կարգադրութիւնը՝ զոր որոշած է այս տղեկի համար։ Եթէ Աստուած ուզած է ուրիշ ճամբով, միթէ չի՞ կրնար առաջնորդել անոր։ Պիտի չկրնա՞յ պահել զինքը մեղքէն։ Այն որ ի վերուստ կը կոչէ կրնա՞յ թերանալ իր խօսքը պահելու մէջ։

Ուրիշ քանի մը բառեր ալ փոխանակելէ յետոյ, քահանան հետը տարաւ փոքրիկ Յովսէփը։ Հայրը կուլար, տղան կը հառաչէր։ Թողլով որ այս պատանեկի կենսագրութիւնը ընեն պատմագիրները, ես ձեզի կը յայտնեմ յանձին անոր հոչակաւոր մարդը, ձեզի կը ներկայացնեմ Յովսէփ Մեծոֆանթին։

Ո՞վ չի ճանչնար այսպիսի անուանի մարդ մը։ Ճամբորդներէն ո՞վ չայցելեց իտալիա՝ ի տես Մեծոֆանթիի. ո՞վ է որ այսօր եւս չի հիանար Մեծոֆանթիի հանճարոյն վրայ, որ հրաշապէս հոչակելի

զուն ու խօսիլ, որպէս թէ իրեն ազգակիցներն ըւլային, կրնար պատասխանել ամէնուն իրրեւ թէ իրեն եղբայրներն ըլլային։ Աստուած իր սիրոյ մէկ խաղով ուզեց Բարելոնի աշտարակը շինողներու լեզուներու խառնակութիւնը վայրկեան մը դադրեցնել և իննեւտասաներորդ դարու փառաց համար յարոյց Մեծոֆանթին։ — Նա ձշմարիտ կենդանի Պենտեկոստ մը եղաւ, — ըստ Գրիգոր վեշտասաներորդ քահանայապետը։

Եթէ ստուգիւ կարելի եղաւ նախագիտել յանձին այն պատանիին մեծ մարդ մը, բայց անկարելի էր սահմանել թէ ո՞ր ճիւղի մէջ գերազանց պիտի ըլլար, և որո՞նք պիտի ըլլային անոր կենաց պարագաներն ու հանդամանքները։

Իսկ ինչ որ բնական դէպքերու և արկածներու կը վերաբերի, ճշտապէս զիտենք թէ մարդս որքան նուաստ արժէք ունի, որչափ սակաւ ապահովութեամբ կրնայ զիտնալ ապագայ գալիքը։ Մեզի համար կարելի չէ զուշակել թէ՝ մէկ ժամ վերջ ինչ պիտի պատահի։ Գրեթէ միշտ կը սխալին մարդկային զուշակութիւնները, նոյն իսկ երբ խօսքը բնական իրաց նկատմամբ է, որուն օրէնքները ըստ բաւականին կը գիտցուին։ Որովհետեւ, եթէ մարդս նոյն իսկ դոյզն ինչ զիտնար նախատեսել ապագան, երբեմն շատ երջանիկ պիտի ըլլար այս աշխարհիս վրայ։ Մինչդեռ բոլոր գալիքը հաստատական օրէնքի մը ենթակայ չըլլալով, չսահմանուած և չստուգուած, գլխովին ծածկուած է մարդկային տեսութենէն և մտքէն։ Հոս շատ յարմար կուգայ օրինակ մը՝ որի միջի այլոց կը նախադասեմ պատմել։

3.

ՆԱՊՈԼԵՈՆ ԵՒ ՕԴԱՊԱՐԻԿԸ

1804 թուականի Դեկտեմբեր երկուքին, Փարիզ
մեծ տօնախմբութեան մէջ էր, Նապոլէոնի թագա-
դրութեան ի պատրաստութիւն։ Հին Այս եկեղե-
ցւոյ մէջ Պիոս Եօթներորդ Արքազան Պապը զայն
կայսր կ'օծէր՝ ի ներկայութեան Գաղղիոյ բոլոր
եկեղեցական, զինուորական և քաղաքական մեծա-
մեծաց։

Երեկոյին, շողողուն հրախաղի միջեւ վիթխա-
րի մեծութեամբ օդապարիկ մը արձակուեցաւ դէպի
երենակամարը, որուն վրայ կ'երեւէր կայսերական
թագը՝ լուսաւորուած երեք հազար գունաւոր ապա-
կիներով։ Տեսարանը իսկապէս հրաշալի էր։ Երբ
ամբողջ Փարիզը, Կայսրն աւ մէջը ըլլալով, կը ծափա-
հարէր. անշուշտ, տեսնելով այդ օդապարիկը, ոչ
ոք պիտի կարենար երեւակայել և գուշակել անոր
կատարելիք երկար ճամբորդութիւնը, թէ ուր պիտի
հասնէր, և կամ ինչ տպաւորութիւն պիտի թո-
ղուր։

Յաջորդ օրը արշալոյսէն վերջը՝ Հռովմայ բը-
նակիչները տեսան հեռուէն հորիզոնի վրայ լուսա-
ւոր գունդ մը՝ որ կուգար դէպի յաւիտենական քա-
ղաքը։ Շատ յուզուեցան և մեծ իրարանցումի մէջ
նկատեցին վիթխարի գունդ մը, օդապարիկ մը,

որ անցաւ Ա. Պետրոսի գմբէթին, Վատիկանի պալատի վրայէն և իր մեծ արագութեամբը քանի մը անգամ գետնին քսուելով, զարնուեցաւ Ներոնի շիրմին՝ և հոն մի քանի րոպէ արգիլուած մնաց: Կը թուէր թէ ամէն բան վերջացաւ. բայց հովէն նոր հարուածով մը շարժեցաւ և սկսաւ երթաւ: Նորէն բարձրացաւ, թէպէտեւ բաւական վեասուած: Փայլուն և խորհրդական կայսերական թագը գրեթէ կէսը՝ մնացած էր յուշարձանի մի անկիւնէն: Եւ այսպէս վիթխարի թռիչքներով շարունակեց իր ճամբան, շատ անգամ երկիր իջնելով, մինչեւ որ վերջնականապէս փճացած վերջացուց իր երկար ուղեւորութիւնը:

Շատ մը հետաքրքիրներ հասան օդապարիկին և բուռն տենջանօք կարդացին գրութիւն մը ֆրանսերէն լեզուով, ոսկեղէն տառերով, անոր մեծ բուռրակի շրջանակին վրայ: Այսպէս գրուած էր.

« Փարիզ 25 Փետրուար, Ժկրդ ամ, Թագադրութիւնն Կապոլէնն առաջին կայսեր, Նորին Արքուրեան Պիոս Կորներորդի ձեռամբ »:

Ճանապարհին երկարութիւնը և օդապարիկին արտաքոյ կարգի արագութիւնը զարմանք և հիացում պատճառեցին: Սակայն ամէնքն ալ, մանաւանդ Նապոլէոնը, սաստիկ աղդուեցան օդապարիկին պատահած դիպուածներէն: Շատերը եղելութիւնը մեկնեցին, բացատրեցին, յոռի քննադատութիւններ և ոչ այնչափ նպաստաւոր գուշակութիւններ ըրին նոր կայսեր մասին, որուն թագը, կ'ըսէին, ջախջախուեցաւ Վատիկանի դպած ժամանակ և բռնաւորի մը շիրմին կառչած պահուն: Նոյն ինքն

կայսրը չկրցաւ ծածկել իր տհաճութիւնը այս դէպքիս
մասին՝ և խնդրեց իր պալատականներէն որպէս զի
այլ եւս այդ չարագուշակ օդապարիկին խօսքը շընեն։
Խեղճ Գառնըրէն՝ օդապարիկը շինողը, այն օ-
րէն իր ինքնակալին աչքէն ելաւ (Տե՛ս՝ Բէսսօ-
Հին և Առր Մեծ զիշտերը. Գլուխ՝ Օդապարիկները)։

4.

ԱՆՃԱՐԻՆ ՆԱԽԱՏԵՍՈՒԹԻՒՆՔ

Արդ, մեր ձեռնարկին վերադառնալով, արդեօք
ով պիտի կարենար այդ երեկոյ գուշակել այն նշա-
նաւոր օդապարիկին երկար ճամբորդութիւնը և ար-
կածները։ Թէպէտեւ օդերեւութական գիտութիւնը
կը ճանչնայ որ մթնոլորտը զանազան խաւերէ կազ-
մուած է որոնք տարբեր ուղղութեամբ կը շարժին,
թէպէտեւ մարդս կարողացած է խելամուտ ըլլաւ
վեր բարձրացող օդապարիկի ուժին, և հետեւաբար
օդոյ որ խաւին մէջ հաւասարակշուութիւնը պիտի
առնէր, և ինչ ուղղութեամբ պիտի ըլլար իր ըն-
թացքը. այսու ամենայնիւ, մարդկօրէն խօսելով,
անկարելի չէր նախատեսել իր երկար ճամբորդու-
թիւնը, իր նպատակը, եւս առաւել ձախորդ վախ-
ճանը զուգընթաց պարագաներով։ Եւ ով երբեք,
թոյլ տրուի ինծի այս վերջին անգամ խոտորիւ
նիւթէս, նկատի առնելով միեւնոյն անձին կեանքը,
ով երբեք, տեսնելով Կապոլէոնի փառաց գա-
գաթնակէտին հասնիլը երկրիս վրայ, յետ այն-
շանդերձեալը և զարմանալի գիշտերը

քան շոնդնալից յաղթութեանց, այնքան թագաւորութեանց տիրելու, ովկ երբեք, տեսնելով այն մարդը որ գրեթէ մոռնալ կուտար Աղեքսանդր Մեծը, Յուլիոս կեսարը, Մեծն Կարոլոս... որ կրնար կոչուիլ արդի զինուորական և քաղաքական հանձարոյ մարմացումը, որոյ համար կրնար ըսուիլ որ ուզած ըլլայ Աստուած իր իմաստութիւնը ընդարձակօրէն ինա դրոշմել, ովկ կրնար այն ժամանակ գուշակել և նախատեսել որ իր օրերը պիտի վերջացնէր ովկիանոսի մէջ ցցուած ժայռի վրայ՝ Ս. Հեղինէ կղղոյն մէջ։ Ո՞վ պիտի կրնար կանխատեսել 1809 տարւոյ Յուլիս 6ին՝ երբ կը դրկէր Ռադէ զօրապետը կալանաւորել զՊիոս Եօթներորդ պապը, հեռացնելով զնա վայրենաբար Հոռվմէն՝ կալանաւոր՝ Ապվոնատանելու համար, և ապա 30 Ապրիլ 1821 թուականին պիտի ըսէր Մօնթոլոն կոմսին. «Զանգակներու զօղանջը զիս կը յուզէ և քահանայի մը տեսութիւնը հաճոյք կը պատճառէ»։ և թէ 5 Մայիսին պիտի մեռնէր՝ մեր կրօնի բոլոր սուրբ խորհուրդները ընդունելով, ճշմարիտ զղման ճշմարիտ նշաններով։ Միայն մարդկային մտաց կարողութեամբ անկարելի պիտի ըլլար նախատեսել, այդպիսի յիշատակաց արժանի դէպքերը, իրողութիւնները։ Եւ այսպէս ըսելու ենք բոլոր ապագայի մասին։



ԱՍՏՈՒԾՈՅ ՄԻԱՅՆ ՑԱՆՏՆԻ Է ԱՊԱԳԱՆ

Միայն Աստուած կը ճանչնայ ապագան։ Նա
միայն կրնայ գուշակել տալ։ Աստուած՝ միայն թա-
գաւոր է բոլոր ժամանակաց, իրեն համար ըլլալով
ոչ անցեալ, ոչ ապագայ, այլ բոլորն ալ իր գերա-
գոյն մտաց մէջ ներկայ ըլլալով՝ ամենագէտ է։

Զկրնալով աճիլ յԱստուած յաջորդաբար դի-
տութիւնը, ինչպէս ի մեզ, ինքը տուած ըլլալով
արարածոց գործելու կարողութիւնը, ինքը ճանչնա-
լով լրիւ բնութեան օրէնքները զորս ինքն հաստա-
տեց, Նա միայն կը ճանչնայ լրիւ ապագան, այն
ապագան՝ որ մարդկային ամենասուր միտքն իսկ
չի կրնար դիտնալ, և անթափանձելի պատահար մ'է
որովհետեւ մարդկային ազատ գործոց կը վերաբերի։
Եթէ մենք տեսնենք անձինք որ ճշգրտիւ կը նա-
խատեսեն հանդերձեալ իրեր, ազատ գործողութիւն-
ներ, և եթէ ճշգրտուած տեսնենք անոնց մարդա-
բէութիւնը, պէտք չե՞նք արդեօք խոստովանիլ որ
Աստուած անոնց թելազրած ըլլայ, երբ կը տեսնենք
որ այդպէս կը գերազանցեն մարդկային նախագի-
տութիւնը։

Ի՞նչպէս մարդս կրնար նախատեսել իր մտաց
ուժով միայն, առանց մասնակից ըլլալու, եղանա-
կաւ իւիք, աստուածային իմաստութեան լուսոյն։
Ի՞նչպէս կրնար նախատեսել, ոչ թէ բնական դի-

պուածներ, որ սահմանեալ օրինօք՝ անայլայլ կը պատահին, զոր օրինակ, խաւարումներ, գիսաւոր աստղի մը երեւումը և այլն... այլ ապագան միմիայն որ ուղղակի Աստուծոյ ազատ կամքէն կախուած է։ Արդ միայն մարդկային զօրութեամբ կարելի՛ էր երբեք ճանչնալ դարերով առաջ Անսիայի ծննդեան ժամանակը, տեղը, հրաշալի հանդամանքները Ո՞վ կրնար պատոել բանալ ապագայի վարագոյրը և նախատեսել թէ Անսիան ինչ պիտի ընէր երկրիս վրայ։ Ո՞վ կրնար նախատեսել, առանց Աստուծմէ լուսաւորուած ըլլալու, ինչ որ մարդիկ պիտի ընէին Փրկչին՝ Երուսաղէմի յաղթանակը, իր չարշարանքները, իր մահը։ Ո՞վ երբեք կրնար մտածել և նախատեսել որ Անսիայն, այնքան դարերէ ի վեր սպասուած, պիտի ընդունուէր այնքան անտարբերութեամբ, նախատանօք, հալածանօք, հարուածներով և խաչով։

Ոչ, անկարելի է. և ասոր համար թէ հաւատքի մարդարէութիւնները, թէ հաւատքն իսկ հաստատելու համար եղած մարդարէութիւնները պէտք են ընդունուիլ, իբրեւ աստուածային նկարագրի էական ապացոյցներէն մին։ Ասիկա հաստատուած է ընդհանուր մարդոց կարծիքով որոնք միշտ համոզուած են որ մարդարէութիւնը աստուածութեան անհրաժեշտ գործն է։

«Մարդարէութիւնը մարդու զործ չէ, կը գիտէ զիտնական ժամանակակից մը, մարդու զործ չէ, այլ աստուածային զործ՝ մարդուս մտքին մէջ. նա՝ մարդկային բնական կարողութեամբն ատակ չէ մարդարէանալու։ Ապագայ գիպուածները կարենալ

գիտնալու համար պէտք էր անսահման տեսութեամբ
բովանդակել բոլոր ժամանակները և հոգւով տա-
րածուիլ ամէն տեղ, և հետեւաբար կերպով մը ան-
սահման և անչտփ ըլլալ»։ Արդ մարդս ոչ անչափ
է և ոչ ալ անսահման, հետեւաբար բնականօրէն
մարդարէ ալ չէ։

6.

ՀԵԹԱՆՈՍՆԵՐԸ ԵՒ ԱՊԱԳԱՅ ՊԱՏԱՀԱՐՆԵՐԸ

Հեթանոսներն իսկ համոզուած էին որ ապա-
գայ ըլլալիքներու նախագիտութիւնը գերբնական է
և աստուածային։ Այսպէս Անակրէոն և Սոփո-
կլէս հաստատեցին որ ապագան մարդս չի կրնար
գիտնալ։ Մանաւանդ թէ, կ'աւելցնէր Պակուվիոս,
եթէ մէկը կարենար նախատեսել ապագան պէտք
էր հաւասարիլ Արամազդի։ Պղատոն և Սենեկա ալ
յայտնապէս հաստատեցին, որ չէր կրնար ըլլալ
մէկը որ կարենար ապագայի մասին բան մը գիտ-
նալ, առանց Աստուծմէ ներշնչուած ըլլալու։ Ուրեմն
կ'եղրակացնէր Յիամպլիկոս, անկարելի է դատել և
նախատեսել ապագայ պատահարները, վասն զի ոչ
ոք կրնայ ըմբռնել բոլոր համընթաց գաղտնիքները
առանց աստուածային ներշնչման։ Ահա թէ ինչու
Եսայի ասպարէզ կը հրաւիրէր հեթանոսաց կուռ-
քերը, ըսելով թէ՝ միայն այն ժամանակ Աստուած
պիտի համարուէին՝ եթէ ապագայ գաղտնիքը գիտ-
նային։ Այո՛, միայն Աստուած է որ կրնայ նախա-

տեսել ապագան, և եթէ մարդիկ մարդարէացան,
պէտք է ըսել որ Աստուած զանոնք, ըստ որում իր
պաշտօնեաներ, լցոյց մարդարէական հոգւով, ստոյդ
ըլլալով որ երբ անոնք կը հաստատեն բան մը մար-
դարէանալով՝ Աստուած ինքն է որ անոնց յայտնած է:

7.

ՄԱՐԴԱՐԷՈՒԹԵԱՆՑ ՀԵՂԻՆԱԿԸ ՀԱԻՍՏՔԻՆ
ՀԵՂԻՆԱԿՆ Է

Եթէ ուրեմն միայն Աստուած կրնայ նախատե-
սել, կանխատեսել ապագան, եթէ միայն Ան կրնայ
ներչնչել մարդարէից, լուսաւորել անոնց միտքը
ապագան ճանչնալու՝ մարդարէանալու համար. պէտք
ենք անհրաժեշտորէն եղրակացնել որ Կա ինքն է
միայն հեղինակը մեր հաւատքին, այնչափ անդամ,
այնքան եղանակաւ, այնքան մարդարէներէն գու-
շակուած՝ այնքան դարեր առաջ: Այս մարդարէու-
թեան պարզեւը ամենափայլուն հրաշքն է աստուա-
ծային ամենակարողութեան, զմարդ հաղորդ ընելու
համար Աստուծոյ գիտութեան: Արդ, որովհետեւ
Աստուած հրաշք չընէր ստութիւն մը ապացուցանե-
լու համար, ի հարկէ պէտք ենք եղրակացնել որ
ճշմարիտ և աստուածային ըլլայ այն հաւատքը զոր
հաստատելու և պահելու համար Աստուած ինքնին
հրաշքներ գործեց: Ուրեմն Աստուծմէ յայտնուած
են այն հաւատոյ մասունքը՝ զորս Աստուածութիւնը
այնքան դարեր առաջ յայտնեց աշխարհիս մար-

գարէից ըերնով, որպէս զի մարդիկ պատրաստ ըլլան
ընդունելու զանոնք յօժարակամ և յարդանօք:

Մանաւանդ թէ, ուղելով անկարելի ենթադրու-
թիւն մ'ընել, այսինքն, համարելով որ ճշմարտու-
թիւնները՝ որոնց մենք կը հաւատանք, Աստուծմէ
յայտնուած չըլլան, պէտք ենք եզրակացնել որ
Աստուած մարդարէից ներշնչելով, նախատեսել և
կանխագուշակել տալով ապագան և ամէն ինչ որ հա-
ւատքը մեզի կ'ուսուցանէ, զմարդ զահավիժած պիտի
ըլլան ամենէն աւելի ահռելի և անպայման սխալ-
մունքի մը մէջ, որը հակասութիւն մ'է և հայհոյանք
միանդամայն:

Ուստի կամ մեր հաւատքը աստուածային է և
յայտնուած է Աստուծմէ Եկեղեցւոյ, կամ թէ Աս-
տուած ստութեան պաշտպան է, հաստատելով իսկ
զայն իր ամենակարողութեան ամենայայտնի ապա-
ցոյցներով, ստոյգ և բոլոր մարդարէներէն հաստա-
տուած մարդարէութիւններով։ Արդ եթէ Աստուած
այնպիսի մէկն ըլլար՝ որ ենթադրելն իսկ մտաց դէմ
և հակասական հայհոյութիւն է, այլեւս Աստուած
չէր ըլլար, կը ջնջուէր աստուածութեան գաղա-
փարը, անսահման ու ամենակատարեալ Եսկին։

Ուրեմն, կամ հաւատքը հաստատուած է Աս-
տուծմէ մարդարէութիւններու միջոցաւ, հետեւա-
բար աստուածային է և Աստուծմէ յայտնուած է
Եկեղեցւոյն, կամ թէ Աստուած չկայ. բայց թէ
Աստուած չկայ՝ անտեղի կարծիք մ'է, ուրեմն այն
ամէն բանի որ կը հաւատանք աստուածային յայտ-
նութիւն է։

ԳԼՈՒԽ ԻՆՍԵՐՈՐԴ

ՔԱՆԻ ՄԸ ՄՏԵՐՄԱԿԱՆ ԽՕՍՔԵՐ

1.

ՍԼԱՔՈՎ ՄԸ ՇԱՆԹԱՀԱՐԵԱԼԸ

Ներկայ գրքոյկու աւարտելէ առաջ կը հրաւի-
րեմ ընթերցողը՝ յարմար խորհրդածութիւն մ'ընե-
լու։ Եթէ աստուածային յայտնութիւնը, զորս կը
սորվեցնէ մեզի Եկեղեցին, այսպիսի յաղթանակաւ
ապացուցուած է, եօթը զօրեղ փաստերէ միկուն մի-
ջոցաւ միայն, ինչ պիտի ըսուէր եթէ ամէնն ալ ի
միասին ի մի գումարուէր։ Երբ արդէն անհաւա-
տութիւնը շանթահարուած, մի միայն սլաքով ջախ-
ջախուած է, ալ քեզի կը թողում դատել իր ան-
դարմանելի պարտութիւնը, եթէ միւս վեց զօրե-
ղագոյն փքիններով՝ ուզէինք նիզակահարել։ Մէկոի
թողլով այլաբանութիւնը, գիտցիր որ ապացոյց-

ները, հաւատալու շարժառիթները, յորոց միայն մէկը մատնանիշ ըրի, բնաւ առանձին չեն ներկայացուիր այլ միասին. որովհետեւ այն ատեն՝ մէկ փաստը միւսին ուժ կուտայ և բոլորը միացած կը կազմեն ապացոյցներու անփշրելի վէմ մը, որոնք ցոյց կուտան յայտնի և համոզիչ եղանակաւ աստուածային յայտնութիւնը՝ որուն մենք կը հաւատանք:

Ապա ուրեմն, ինչ որ Եկեղեցին կը սորվեցնէ զայն յայտնած է ինքն Աստուած, յայտնի է և պարզ որ մէկ հարուածով տապալուելու են բոլոր առարկութիւնները, ձրի մերժումները, յանդուզն թշնամանքները որ կը նետուին ընդդէմ կրօնքի:

Եթէ այս գիրքը, սիրելի ընթերցող, պատահմամբ ձեռքդ իյնալով զքեղ ուրախացնելէ զատ, ինչպէս կը յուսամ, նաեւ փարատէ նախալէս ունեցած տարակոյսներդ, բարի խրատներով զքեղ դէպի բարին առաջնորդէ, ո՞հ, քու անձիդ և հոգւոյդ ցանկացած բարւոյն համար, մի՛ բաւականանար միայն ընթեռնով այս աղքատիկ էջերը: Մանաւանդ թէ, յետ մաքրելու սիրտդ և Աստուածմէ լոյս խնդրելու երիտասարդ Մանձոնիի նման. «Աստուած իմ ճանչցուր զքեղ ինձ», սկսէ ուրիշ աւելի ընդարձակօրէն կրօնքի վրայ ճառող գրքերու շարքով մը. լուրջ և խղճամիտ ուսումնասիրութիւն մը, նախապաշարումէ իսպառ մերկացած, և այսպէս կամաց կամաց կը ցըռին մտքէդ բոլոր տարակոյսներն ու վարանումները, որոնք գուցէ մտքիդ մէջ ծագած են ի հետեւանս ամբարիշտ խօսակցութիւններով և խարէ-

պատիր ու նենգամիտ մոլորութիւններով լի գրքերու
ընթերցմամբ:

Վերստանալով հաւատքդ և զղջալով՝ դարձիր,
դարձիր շուտով քու մօրդ գիրկը, Եկեղեցւոյ ծոցը,
որ քեզի կը սպասէ պարգեւելու համար այն ամէն
բարիք և մխիթարութիւն՝ զորս ինքն միայն կրնայ
շնորհել:

Քեզմէ բաժնուելէս առաջ, սիրելի ընթերցող,
կ'ուղեմդէպք մը պատմել, ինչպէս ըրի իմ «Հաշա-
տամբ ի մի Աստուած» կոչուած միւս գրքին վերջին
էջին մէջ:

2.

ԱՅՐԻ ԿՆՈՉ ՈՐԴԻՆ

Փարիզի մէջ կ'ապրէր դժբախտ մայր մը: Եօթը
տարիէ ի վեր կորսնցուցած էր իր ամուսինը, բարի
և վսեմաշուք Յովհաննէսը: Իրենց ամուսնութենէն,
իրենց երկար և տիսուր օրերէն բան մը չէր մնա-
ցած բացի որդիէ մը. բայց ինչպիսի՛ որդի:

Էմիլիոս, այս էր այրի կնոջ ստահակ և անա-
ռակ որդւոյն անունը, դպրոցաւարտ ըլլալով գրա-
կան, քաղաքական և ընկերաբանական վերիվերոյ
ծանօթութիւններով ինքզինքը անհաւատութեան
տուած էր. քահանաներ, խորհուրդներ, աղօթք և
եկեղեցի իրեն համար ուրիշ բան չէին՝ եթէ ոչ
խենդութիւններ: Իր նոր բարեկամները, իր նոր և
ծանը զբաղումներն էին, անառակութիւն, խաղեր և

զուարճութիւններ։ Ինչպէս յաճախ կը պատահի որ
անհաւատութենէ և անառակ կեանքէ՝ ոստումով մը
ապստամբութեանց ամբոխներուն զուգընթաց ոտքով
կը ցատկեն, այսպէս նաեւ մոլորեալ երիտասարդը
կը միրճուէր անիշխանականներու դասուն մէջ։ Ուսու-
պայլ, Բլանկ, Ոտլէն և Վիկթօր Հիւզոյ իրեն հա-
մար ամենէն յարգելի անձինքն էին։ Յաճախ կը
կրկնէր անուննին կը խայտար անոնց երազական
խոստումներով, ուրախութեան արտայայտութեամբ
ձեռքերը իրարու շփելով։

Որքան կը տանջուէր խեղճ այրի մայրը որդ-
ւոյն յիմարութիւնները տեսնելով։ Բայց ի՞նչ օգուտ։
Խորհուրդ և ազդարարութիւն լսել չէր ուզէր ու
մայրենի գորովալից խօսքերուն կը պատասխանէր
նախատինքներով և արհամարհանօք։ բաւական էր
միայն տալ Աստուծոյ անունը, յիշել հոգին և եկե-
ղեցին՝ արիւնը բորբոքելու և զզուելի հայհոյանքներ
ժայթքել տալու։ Վերջապէս բարեպաշտ և տառա-
պեալ մայրը հիւանդացաւ, մնացած ստացուածքը
հետզհետէ սպառիլ սկսաւ և որդին միշտ աւելի
կատաղի կը դառնար։ Շատ քիչ անգամ տուն կու-
գար և այն անգամներն ալ խռով ու անխօս, մնա-
ցած քիչն ալ տակն ու վրայ կ'ընէր։ Առսկալի
աղէտք մ'էր։

Բայց աւելի աղիտալի օրեր կը վերահասնէին
Փարիզի վրայ։ գաղղիացիներէն շատեր կը հալա-
ծուէին, ուրիշներ կ'ապստամբէին։ Եմիլիոս վեր-
ջիններէս էր։

Մտէք հոս, մօտեցէք աղմկալից քաղաքի պատ-

ՆԵՇՆԵՐՈՒՆ։ Խոռվայոյզ քաղաքին արուարձաններուն
մօտեցէք, սոսկալի հրացանաձգութեանց արձադանզն
է որ կը լսէք, յարձակող խուժանին աղաղակը։

Յունիս ամիսն էր 1848ին. ընկերվարականք,
անիշխանականք, հրացանները ձեռքերնին առած կը
խուժէին տապալելու հասարակապետութեն ներկա-
յացուցիչները։ Ամենակատաղի քաղաքական կոիւ-
մը ահաւոր եղերերգութեամբ բռնկած էր Փարիզի
մէջ։ Եթէ ժողովրդեան և զինւորաց մէջէն սպըր-
դելով հասնիք քաղաքին կեղրոնը, պիտի տեսնէք
Մայր եկեղեցւոյն մերձ տան մը մէջ երկու յուզեալ
երիտասարդներ, հրացանը ձեռքերնին՝ կատաղու-
թենէ բոցավառ աչքերով, որ երբեմն լուսամուտին
կը վազեն հրացաննին պարպել ուզելով և երբեմն
յետ կը քաշուին սենեկին մէջ։ Մէկը կատաղի քան
միւսը, չի վախնար աւելի ստէպ երեւնալէն։ Շըր-
թունքներուն վրայ անէծք և հայհոյութիւն, կ'ոռ-
նայ և կ'աղաղակէ Համաժողով և կավեճեաք։ Ճանչ-
ցա՞ք այս երիտասարդը, այրի կնոջ որդին է։

Յանկարծ հրացանաց ձայնը կը դադրի, անիշ-
խանականներու ոռնոցը կը նուազի և կը թուի թէ
պատերազմը վայրկեան մը կը դադրի։ Էմիլիոս և
ընկերը լի հետաքրքրութեամբ պատշգամ կը վազեն
և կը դիտեն... ի՞նչ պատահած էր։ Հոն վարը,
գլխաւոր փողոցի վրայ զինուորներու մէջէն ճանա-
պարհ բանալով, կը յառաջանայ յարգելի անձ մը,
երեն կը հետեւին իր խորհրդականները և խումբ
մը քահանաներ. զէնք չունի. ձեռքերը ազատ են
և գլուխը բաց, բայց սրտին մէջ կրակ մը կը բոր-

բոքի, աւելի արծարծուն քան թէ հրացանի կապարները:

Էմիլիոս աչքերը կը որբէ, և զարմացմամբ և ատելութեամբ կը դոչէ. ի՞նչ կ'ուզէ սա հոս:

3.

ԳԵՐԱՊԱՅԾԱՌ ԱՖԻԵ

Բայց արտակարգ անձը արդէն իսկ հասած է փայտակերտ պատնէշին քով, որուն մէկ ճակատը կեցած են ազգային զինուորներն և հանրապետութեան պահակազօրքը և միւսը, Էմիլիոսի կողմէն, անիշխանական խաժամուժ ամբոխը: Զարմանալի բան: Յարդելի անձը կը մագլէ պատնէշէն վեր իր առ Աստուած ունեցած անայլայլ հաւատքով, այն իրեն եղբայրական բոցավառ սիրով՝ որով խորանին վրայ կը բարձրանար: Հասնելով պատնէշին զագաթը, կ'երեւի ի տես անագորոյն անիշխանական վոհմակին և բազուկները բացած կը դոչէ. Խաղաղութիւն, խաղաղութիւն որդեակը իմ»:

Ո՞հ երկինք! Գերապայծառ Աֆոքն է, Փարիզի արքեպիսկոպոսը:

Երիտասարդը լսեց, այն եղբայրական հրաւերը, սեղմեց սպանիչ եղէգը կատաղութեամբ և ջղայնացած. բայց զգաց որտի բարախմամբ որ ձեռքը կը դողայ:

Խաղաղութիւն, յարեց արքեպիսկոպոսը պատնէշի վրայէն, խաղաղութիւն ո՞վ ֆրանսացիք ինչո՞ւ

մեկունկ կը մեռցնէք, ինչո՞ւ եղայրները իրենց եղայրները կը սպաննեն, ով իմ սիրելիներս ի Յիսուս Քրիստոս:

Հրացանի գնդակ մը Գերապայծառ Աֆոխն մարմինը կը ծակէր կ'անցնէր վերջին խօսքերն արտասանած պահուն: Ինկաւ անիշխանականներու գնդակէն արիւնաթաթախ՝ պատնէշի մացառներուն վրայ՝ մահուամբը սիրոյ զոհ հանդիսանալով՝ ինչպէս Յիսուս Քրիստոս Գողգոթայի վրայ: Իր մահը յաղթանակի տեղ համարուեցաւ անիշխանականներէն. յեղափոխական գաղանները ցնծացին տեսնելով քահանայական արեան հեղումը և աւելի խրախուսուեցան: Կռիւը կը վերաբորբոքի աւելի կատաղի:

Բայց Էմիլիոսի նոյնը չեղաւ: Ի լուր այն սուրբ ձայններուն զորս վաղուց է չէր լսեր, ի տես արքեպիսկոպոսին հանդէպ դաւաճանութեան, գթութենէ գալարեցան աղիքները. թողուց պատշգամն ու ընկերը, առանձնացաւ տան ամենէն լոին սենեակը, խոր մտածմանց մէջ թաղուած:

4.

ՀԱՆԴԻՍԱԽՈՐ ՀՈԳԵՀԱՆԳԻՍՏԸ

Երեք օր վերջ երբ խաղաղութիւնը կը վերահաստատուի քաղաքին մէջ. այրի կնոջ որդին կը քալէր միայնակ և տխուր՝ Փարիզի փողոցներէն: Հոն հանդիսաւոր հոգեհանգիստ կը կատարուէր. Գերապայծառ Աֆոխի յուղարկաւորութիւնն էր: Պե-

տութեան Աւազանին և ժողովուրդը խուռն բազմութեամբ լեցուած էր հոն պատուելու համար այն հայրենեաց նոր Հօր յիշատակը։ Եմիլիոս ծունկի եկաւ եկեղեցւոյ մէկ անկիւնը առանց մէկու մը կարեւորութիւն տալու, թախծալից նայելով մահաբեմին վրայ՝ ուր կը հանգչէր արքեպիսկոպոսին դիակը։ Յետոյ այտերը ձեռքերուն մէջ առած այն պիսի խոր մտածմանց մէջ ընկղմեցաւ որ իրեն իսկ զարմանք պատճառեցին։

Եմիլիոս կը խորհէր. այս մարդը կրնար հանգիստ իր պալատին մէջ կենալ, ինչու կոիւը սկսած պահուն ինքզինքը վտանգի ենթարկեց։ Անոր հայրական սիրտը մեծ սիրով մը յարած էր իր որդւոց որ կը պատերազմէին, իր այն որդւոց որ անդգայ և ապստամբ էին, և նաեւ ինծի։ Ո՞չ, Եկեղեցին ընտանիք մ'է... չէի մտածեր այլեւս, մոռցած էի, և այժմ կը տեսնեմ զայն։ Եկեղեցին մայր մ'է, բայց այնչափ գորովալիր և գերազանց՝ որ ուրիշ բանի չի նմանիր։ Աստուածային միութիւն մ'է մօրմով, հօրմով և որդիներով։

Կը խորհէր դարձեալ. ես օդային խօլականութեամբ լեցուած էի, բոլորովին կատղած. և ինչու արքեպիսկոպոսին խօսքերը, որ ուղիղ կեցած էր պատնիշին վրայ, ինչու ազդեցին սրտիս։ Ամենէն տաղանդաւոր ընկերներէս որմէն նման խօսքեր լըսեցի Ախքսէմբուրդի և Ժողովներու մէջ։

Ոչ, ոչ... Եւ սակայն պարզ խօսքեր էին Գերապայծառին ըսածները, համառօտ և կտրուկ, բայց կը յափշտակէին հոգին, կը նուաճէին զօրութիւնը

և յանդգնութիւնը, և այնպիսի հզօրութեամբ մը
զորս չեմ կրնար բացատրել...

Այն մարդը այժմ մեռած է. հովիւր ոչխար-
ներէն բզկտուեցաւ: Ի՞նչ, մեռա՞ւ: Ես աւելի եւս
կենդանի կը զգամ զայն իմ սրտիս մէջ. այժմ որ
նա մեռած է՝ ես զինքն աւելի կը սիրեմ: Եւ ահա
ինձի կը թուի վերատեսնել զինքը փառաց մէջ...
Եւ հոս Էմիլիոս դուցէ առաջին անգամ կը մտա-
ծէր Աստուծոյ և եղբայրներուն սիրոյն համար զո-
հուողի անձնուէր վիճակը: Կը տեսնէր որ Ֆրանսա
կը հետեւէր արքեպիսկոպոսի դադաղին, փառաբա-
նելով անոր անունը և առաքինութեանց յիշատակը:
Եւ ասոր հակառակ կը մտածէր ամպարշտութիւնը,
անարգութիւնը, սոսկումը՝ որ անիշխանական Ֆրան-
սայի յունիսեան ջարդերը պիտի ազդէին ներկայ և
ապագայ սերունդներու վրայ: Ուստի կ'եղբակացնէր
թէ զզուելի է այս գաղանական ուժին զեղիսութիւնը.
բարիներու մահը թանկադին է և փրկիչ հոգւոց:
Յեղյեղելով սրտին մէջ այսպիսի խոկումներ և յի-
շատակներ՝ Էմիլիոս գաղտնի արցունք կը թափէր:

5.

ԶՆՃԱՑԱԾ ՈՐԴԻՆ ԵՒ ՀՈԳԵՎԱՐՔ ՄԱՅՐԸ

1848ի Յուլիսի առաջին երեկոն էր. Վանդոմի
հրապարակին վրայ, քահանայ մը Տիրոջ մարմինը
կը տանէր Հռն՝ սպիտակ համեստ տան մէջ՝ մահա-
մերձ կնոջ մը: Այդ սրտաբեկ բազմութեան մէջ էր

Հանդերձեալը եւ զարմանալի գիշտերը

նաեւ Էմիլիոս։ Երկար օրերէ ի վեր հոն չէր հանդիպած։ Ի տես արտասովոր ցոյցին դահլիճին մէջ՝ ինքն ալ խոնարհեցաւ, երկրպագեց Հաղորդութեան անցած պահուն։ Կէս ժամ վերջ, բարեպաշտ ծէսը վերջանալէն յետոյ, Էմիլիոս ոտքի ելաւ երկրպագութենէ և աղօթելէ վերջը, ճեղքեց բազմական ները, բացաւ վարագոյրը և ինքզինքը հիւանդին մահճին վրայ ձգեց։ Մայրը հոգեվարքի մօտ էր. Էմիլիոս, աղաղակեց մայրը, Էմիլիոս, զքեզ շատոնց է յտեսայ, ո՞րքան մտատանցուրեան մէջ էի... Եւ Էմիլիոս մօրը վիզը փաթթուած լալով կը համբռւրէր զինքը. Մայր իմ, յտեսար Էմիլիոսող. ապերախտ, չարաբարոյ Էմիլիոսը պիտի յտեսնես քնառ։ Ես այեւ նոյնը չեմ, առաջուան Էմիլիոսող եմ, հղու և զորովալիր որդեսկդ։ Պատուիրեցիր ինձի Աստուած և եկեղեցի. և ահա եկեղեցին կուզամ՝ ուր խոստովանեցայ և լացի բազմարիշ մեղքերս. արդ ներէ՛ ինձի և դու, սիրելի մայր իմ։

Բացաւ խեղճ մայրը աչքերը և աւելի սիրուր. իր մտհուան օրհասին երկնային ժպիտով մը կարծես երիտասարդացաւ։ Իմ ներո՞ւմս, ինձմէ՞ ներո՞ւմն կը իննդրես Էմիլիոս. այսքան տկար մայրդ քեզի ներեց՝ Աստուծոյ ներելէն ալ առաջ։ Եւ կը համբռուրէր որդույն երեսը բոլոր զորովով։

Այլեւս յուզմունքս թոյլ չի տար աւելի առաջ երթալ այս անպատմելի տեսարանիս վրայօք։ Կ'ըսեմ միայն որ Էմիլիոս եռանդուն և անկեղծ հաւատքով կը զոցէր մօր աչքերը և անոր դիակը կը թրջէր բարեպաշտ և անմխիթար արցունքով։

Ամսելով վերստին առաքինաբար եկեղեցւոյ ծոցը, պատիւ համարեցաւ գործով ցոյց տալ իր եռանդուն կաթողիկէութիւնը. մէկ կողմ նետեց, այրեց չար գրքերը, թողուց խաղը և վատահամբաւ երեկոյթները և աղանդաւոր ընկերները։ Եկեղեցւոյ մէջ սկսաւ սիրել զՅիսուս Քրիստոս և ծառայել անոր՝ իրեն ճշմարիտ Աստուծոյն, և դաւանիլ զայն հրապարակաւ։ Անմեղութիւնը, պարկեշտութիւնը, բարի գործոց եռանդը և արդարութիւնը վերադարձան ազնուացնելու իրեն բարի ունակութիւնները, որոնք իր մէջ մանկութեան հասակին այնքան ծաղկած էին։

Կը տեսնէք փարիզցի երիտասարդը, հազիւ թէ ճանչցաւ կրօնքի աստուածայնութիւնը՝ չյապաղեց, այլ հաստատ առաջադրութեամբ որոշեց գրկել զայն ի փրկութիւն իր հոգւոյն. ուզեց համապատասխանել արդարութեամբ և անարատութեամբ իր վերստացած աստուածային հաւատքին։

Եթէ այսչափ ըրաւ անհաւատ և մոլորեալ երիտասարդը, դուն, ով սիրելի ընթերցող, որ կը յուսամ թէ ոչ անհաւատ և ոչ մոլորեալ մ'ըլլաս, դուն աւելին ալ սկիտի կարենաս ընել արծարծելով հաւատքդ, բարւոքելով վարքդ, և հետամուտ ըլլալով՝ զքեզ առաքեալ մը հանդիսացնել քու ընկերներուդ մէջ, համոզելով զանոնք թէ՝ ինչ բանի որ կը հաշատանք մարդկային գիւտ չէ, այլ աստուածային յայտնութիւն։

ՑԱՆԿ

| | |
|--|-----|
| Յառաջաբան թարգմանին | VII |
| Աղդ | IX |
| Յառաջաբան Հեղինակին | XI |
| Գլուխ Ա. | |
| Մեծ զիւտ մը | 29 |
| Գլուխ Բ. | |
| Վճիռներ առանց դատաստանի | 41 |
| Գլուխ Գ. | |
| Խորհրդական լեռը | 53 |
| Գլուխ Դ. | |
| Շողեմեքենան և երկաթուղին | 55 |
| Գլուխ Ե. | |
| Մեծ մարտահրաւէր մը | 93 |
| Գլուխ Զ. | |
| Բնութեան և արտեստի հոկայ հրաշակերտները | 133 |
| Գլուխ Է. | |
| Աիթիստի և խորհրդաւոր արձանը | 145 |
| Գլուխ Ը. | |
| Ապագան յայտնուած | 165 |
| Գլուխ Թ. | |
| Քանի մը մտերմական խոսքեր | 185 |



[424.] 300

ԿՈՎԱՅ
814

ԳԱԱ ՀԻՄԾԵՐԱՐ ԳԻՏ. ԳՐԱԴ.



901000814